

中法漢學研究所通檢叢刊之三

風俗通義 附佚文

中華民國三十二年十一月出版



中法漢學研究所通檢叢刊之三

風俗通義附佚文

上海圖書館藏書



A541 212 0004 9454B

中華民國三十三年十一月出版



國立北平圖書館藏

07222021  
5537  
#112

# 目錄

凡例 ..... (一一二)

原序 ..... (三十四)

卷一 皇霸 ..... 一八

三皇 ..... 一

五帝 ..... 二

三王 ..... 三

五伯 ..... 三

六國 ..... 四

卷二 正失 ..... 九一二〇

樂正后夔一足 ..... 九

丁氏家穿井得一人 ..... 九

封泰山 禪梁父 ..... 〇

葉令祠 ..... 一

燕太子丹 ..... 一三

孝文帝 ..... 一三

東方朔.....一六

淮南王安神仙.....一七

王陽能鑄黃金.....一八

宋均令虎渡江.....一八

彭城相袁元服.....一九

卷三 愆禮.....二一—二六

九江太守武陵威.....二一

大將軍掾燉煌宣度.....二一

山陽太守汝南薛恭祖.....二二

弘農太守河內吳匡.....二二

河南尹太山羊翹祖.....二三

太原郝子廉.....二三

南陽張伯大.....二三

公車徵士汝南夏甫.....二四

公車徵士豫章徐孺子.....二四

卷四 過譽.....二七—三四

長沙太守汝南鄧暉……………二七

司空潁川韓稜……………二八

太原周黨……………二八

汝南陳茂……………二九

度遼將軍皇甫規……………二九

南陽五世公……………三〇

汝南戴幼起……………三一

江夏太守河內趙仲讓……………三二

卷五 十反……………三五—四二

太尉沛國劉矩……………三五

陽翟令左馮翊田輝……………三五

汝南范滂孟博……………三六

巴郡太守太山但望伯門……………三七

高唐令樂安周糾……………三七

豫章太守汝南封祈……………三八

河內太守廬江周景……………三八

河內太守司徒潁川韓演

三八

安定太守汝南胡伊

三九

宗正南陽劉祖

三九

聘士彭城姜肱

四〇

趙相汝南李統

四〇

司徒九江朱儁

四〇

蜀郡太守潁川劉勝

四二

卷六 聲音

四三—五〇

商

四三

角

四四

宮

四四

徵

四四

羽

四四

損

四四

笙

四五

鼓

四五

管	四五
瑟	四五
磬	四六
鐘	四六
祝	四六
琴	四七
空侯	四七
箏	四八
筑	四八
缶	四八
笛	四九
批把	四九
竽	四九
簧	四九
簫	四九
篪	五〇

簫

五〇

籟

五〇

菰

五〇

荻

五〇

卷七

窮通

五一—五八

孔子

五一

孟軻

五二

孫況

五二

虞卿

五三

孟嘗君

五四

韓信

五四

韓安國

五四

李廣

五四

太尉沛國劉矩

五五

司徒中山祝恬

五五

司徒潁川韓演

五六



太傅汝南陳蕃

五六

卷八 祀典

五九—六六

先農

五九

社神

五九

稷神

六〇

靈星

六〇

竈神

六一

風伯

六一

雨師

六一

桃梗 葦菱 畫虎

六二

雄雞

六三

殺狗磔邑四門

六三

媮

六四

臘

六四

祖

六四

禊

六五

司命

六五

卷九 怪神

六七—七七

世間多有見怪

六七

世間多有惡夢

六八

城陽景王祠

六八

九江遂適有唐居山

六九

會稽俗多淫祀

六九

鮑君神

七〇

李君神

七〇

石賢士神

七一

世間多有亡人魄持其家語聲氣

七一

世間多有亡人見神

七二

世間多有狗變作怪

七二

世間多有精物

七三

世間多有伐木血出

七四

世間多有蛇作怪

七五

世間人家多有見赤白光

七五

卷十 山澤

七七—八二

五嶽

七七

四瀆

七八

林

七八

麓

七九

京

七九

陵

七九

丘

七九

墟

八〇

阜

八〇

培

八〇

藪

八〇

澤

八一

沈

八一

沛

八一

湖 ..... 八一

陂 ..... 八一

渠 ..... 八二

溝 ..... 八二

澗 ..... 八二

佚文卷一 ..... 八三十九〇

佚文卷二 ..... 九一一一〇二

佚文卷三 ..... 一〇三一一一〇

佚文卷四 ..... 一一一一一六

音聲

論數

災異

佚文卷五 ..... 一一七一一三四

佚文卷六 ..... 一三五一一五〇

氏姓上

氏姓下

# 凡例

- 一 本編風俗通義正文十卷。係據上海商務印書館影印四部叢刊本排印。其盧文弨羣書拾補（抱經堂叢書本）及孫詒讓札迻（光緒二十年<sup>1894</sup>刻本）關於風俗通義之校勘考訂。皆分別錄入。
- 二 本編風俗通義佚文六卷。一至四卷係據嚴可均全上古三代秦漢三國六朝文之全後漢文卷三十六、三十七、三十八及四十一並參酌盧文弨羣書拾補中風俗通逸文排印。若五、六兩卷則除據嚴氏全後漢文卷三十九、卷四十及盧氏風俗通逸文外。並依張澍補風俗通姓氏篇（二酉堂叢書本）予以增補。
- 三 本編正文佚文小注中。偶有編者案三字。其下云。皆編者所加考訂也。
- 四 本編佚文中之姓氏二卷。盧·嚴·張三氏原皆用韻編排。茲則改按筆畫。其次第統依康熙字典順序。
- 五 本編佚文六卷較盧·嚴·張三氏所輯增刪之處頗多。而尤以姓氏二卷爲甚。蓋盧·嚴之作本苦不全。而張氏所收又稍粗濫。勢不得不刊正也。
- 六 本編通檢編製體例。詳於通檢之前。茲不贅述。

風俗通義 凡例



人之前。不類不可。類之故難。鬼魅無形。無形者不見。不見故易。今俗語雖云浮淺。然賢愚所共咨論。有似犬馬。其爲難矣。并綜事宜於今者。孔子稱幸苟有過人必知之。俾諸明哲幸詳覽焉。



# 風俗通義卷一

漢 汝南應劭著

## 皇 霸

蓋天地剖分。萬物萌毓。非有典藝之文。堅基可據。推當今以覽太古。自昭昭而本冥冥。乃欲審其事而建其論。董其是非而綜其詳矣。盧文召羣書拾補（以下簡稱拾補）曰疑。言也實為難哉。故易紀三皇。書叙唐虞。惟天為大。唯堯則之。巍巍其有功。煥乎其有文章。自是以來。載籍昭哲。然而立談者人異。綴文者家舛。斯乃楊朱哭於岐路。墨翟悲於練素者也。是以上述三皇。下記六國。備其終始。曰皇霸。

## 三 皇

春秋運斗樞說。伏羲·女媧·神農是三皇也。皇者·天。天不言。四時行焉。百物生焉。三皇垂拱無為。設拾補曰御言而覽作謹民不違。道德玄泊。有似皇天。故稱曰皇。皇者·中也·光也·弘也。含弘履中。開陰陽拾補曰御覽無陽字。布剛。拾補曰御覽作綱上含。拾補曰御覽皇極。其施光明。指天畫地。神化潛通。煌煌盛美。不可勝量。禮號諡記說。伏羲·祝融·神農。含文嘉記。虛戲。遂人·神農。伏者·別也·變也。戲者·獻也·法也。伏羲始別八卦。以變化天下。天下法則咸伏貢獻。故曰伏羲也。燧  
拾補曰人始鑽木取火。炮生為熟。令人無復拾補曰。初學記御覽皆無。又附臧庸等校語。舊本復腹二字。必本來止一復字。古與應作遂。腹疾。有異於禽獸。遂天之意。故曰遂人也。神農。神者·信也。農者·濃也。始作耒耜。教民耕種。

美其衣食。德濃厚若神。故為神農也。尙書大傳說。遂人為遂皇。伏羲為戲皇。神農為農皇也。遂人以火紀。火。

太拾補曰。御覽無太字。是。陽也。陽尊。故託遂皇於天。伏羲以人事紀。故託戲皇於人。蓋天非人不因。人非天不成也。神農拾補以

地紀三字。並曰本無此三字。大地紀三字。並曰本無此三字。大悉地力。種拾補曰。御覽作種。槩拾補改作業。並曰。即穀字。但禾居左居中小異耳。各本上從設。下從木。如

禾。今并上正之。疏。拾補曰。御覽無疏字。故託農皇於地。天地人拾補曰。大道備。而三五之運興矣。

謹按。易稱古者伏羲氏之王天下也。仰則觀象於天。俯則觀法於地。始作八卦。以通神明之德。以類萬物之情。結

繩為網罟。以田以漁。伏羲氏沒。神農氏作。斲木為耜。揉木為耒。耒耜之利。以教天下。日中為市。致天下之民。

通其變。使民不倦。神而化之。使民宜之。唯獨叙二皇。不及遂人。遂人功重於祝融。女媧。文明文拾補曰。見。大

傳之義。斯近之矣。

### 五帝

易傳。禮記。春秋。國語。太史公記。黃帝。顓頊。帝嚳。帝堯。帝舜是五帝也。

謹按。易。尙書大傳。天立五帝以為相。四時施生。法度明察。春夏慶賞。秋冬刑罰。帝者任德設刑以則象之。言其

能行天道。舉錯審諦。黃帝始制冠冕。垂衣裳。上棟下宇。以避風雨。禮文法度。興事創業。黃者。光也。厚也。中和

之色。德拾補增施字。並曰。說。御覽有。四季。與地同功。故先黃以別之也。顓者。專也。頊者。信也。拾補增慤也。二字。並曰。二。字。晚。御覽有。言其承易文拾

改作文易。之以質。使天下蒙拾補曰。御覽遵。化。皆貴貞慤也。嚳者。考也。成也。言其考明法度。醇美嚳然。若酒之芬香也。堯

者。高也。饒也。言其隆興煥炳。最高明也。推行道德。拾補移此四字於其字下。循字上。並曰。舊本推行道德。誤在舜者上。今據御覽乙正。舜者推拾補改作准。並曰。推御覽

淮。乃准之誤。准音近舜。

也。循拾補曰：意林脩譌也。言其循堯緒也。

### 三王

禮號諡記說。夏禹·殷湯·周武王是三王也。尙書說。文王作罰。刑茲無赦。詩說。有命自天。命此文王。文王受命。有此武功。儀刑文王。萬國作孚。春秋說。王者執謂。謂文王也。

謹按。易稱湯·武革命。尙書。武王戎車三百兩。虎賁八百人。拾補曰：孫云：案書序虎賁三百人。孟子言三千人。本書卷二引書亦同。此云八百譌。擒紂於牧之

野。惟十有三祀。王訪於箕子。詩云。亮彼武王。襲伐大商。勝殷遏劉。耆定武功。由是言之。武王審矣。論語。文王

率殷之叛國以服事殷。時尙臣屬。何緣便得列三王哉。經美文王三分天下有其二。王業始兆於此耳。俗儒新生。

不能採綜多共辨論。至於訟鬪。大王·王季皆見追號。豈可復謂已王乎。禹者·輔也。輔續舜後。庶績洪茂。自堯以

上王者也。拾補曰：也字衍。子孫據國而起。功德浸盛。故造美論。拾補據御覽改作諡舜禹本以白衣。砥行顯名。升爲天子。雖復更

制。拾補據御覽改作諡不知。拾補據御覽改作如名著。故因名焉。經曰。有鰥在下曰虞舜。僉曰伯禹。禹平水土是也。湯者·攘也。昌

也。言其攘除不軌。改亳爲商。成就王道。天下熾盛。拾補作昌文武皆以其所長。夫擅國之謂王。能制割拾補曰：當作專利害此三句本

范雎語之謂王。制殺生之威之謂王。王者·往也。爲天下所歸往也。見秦策

### 五伯拾補曰：綱下同

春秋說。齊桓·晉文·秦繆·宋襄·楚莊是五伯也。

謹按。春秋左氏傳。夏后太康。娛於耽樂。不循拾補改民事。諸侯僭差。於是昆吾氏乃為盟主。誅不從命。以尊王

室。及殷之衰也。大彭氏。豕韋氏復續其緒。所謂王道廢而霸業興者也。齊桓九合一匡。率成王室。責彊楚之罪。

復青拾補改茅之貢。晉文為踐土之會。修朝聘之禮。納襄尅帶。翼戴天子。孔子稱民到于今受其賜。又曰。齊桓正

而不譎。晉文譎而不正。至於三國。既無歎譽一言。而繆公受鄭甘言。置戎拾補作而去。違黃髮之計。而遇殺之

敗。殺賢臣百里奚。以子車氏為殉。詩黃鳥之所為作。故諡曰繆。襄公不度德量力。慕名而不綜實。六鵠。五石。先

著其異。覆車殘身。終為僂笑。莊王僭號。自下摩上。觀兵京師。問鼎輕重。恃彊肆忿。幾亡宋國。易子析骸。厥禍

亦巨。皆無興微繼絕尊事王家之功。世之紀事者。不詳察其本末。至書於竹帛。同之伯功。或誤後生。豈不暗乎。

伯者。長也。白也。言其咸建五長。功實明白。或曰。霸者。把也。駁也。言把持天子政令。拾補曰。意林作言其把持天下

正義載康成說云。言把持王者之政教。則作天子是。編糾率同盟也。桓公問管仲。吾何君也。對曰。狄困於衛。復兵不救。須

滅乃往存之。仁不純。為霸君也。蓋三統者。天。地。人之始。道之大綱也。五行者。品物之宗也。道以三興。德以五

成。故三皇。五帝。三王。五伯。至道不遠。三五復反。譬若循連環。順鼎耳。窮則反本。終則復始也。

## 六 國

楚之先出自帝顓頊。其裔孫曰陸終。娶於鬼方氏。是謂女濱。拾補改作女濱。並曰濱譌。古今人表。水蓋孕而三年不育。

啓其左脅。三人出焉。啓其右脅。三人又拾補曰出焉。其六曰季連。是拾補曰為芊。其後有鬻熊子為文王師。

成王舉文武勲勞。而封熊繹於楚。食子男之采。其十世稱王。懷王拾補曰當佞臣上官子簡拾補改簡作蘭。並曰簡譌。蘭與椒明見離騷。不含有異

名斥遠忠臣。屈原作離騷之賦。自投汨羅水。拾補曰：程本作王屬下句；是因爲張儀所欺。客死於秦。到王負芻。遂爲秦所滅。百

姓哀之。爲之語曰。楚雖三戶。亡秦必楚。自顓頊至負芻六十四世。凡千六百一十六載。燕召公奭與周同姓。

武王滅紂。封召公於燕。成王時入據三公。出爲二伯。自陝以西。召公主之。當農桑之時。重爲所拾補曰煩勞。不舍

鄉亭。止于棠樹之下。拾補曰：文選修整元王墓。教注引作止甘棠之下。聽訟決獄。百姓各得其所。壽百九十餘乃卒。後人思其德美。愛其樹而

不敢伐。詩甘棠之所作也。九世稱侯。八世稱公。十世稱王。到王喜爲秦所滅。燕外迫蠻貊。內窄齊。晉。崎嶇疆國

之間。最爲弱小。幾滅者數矣。然社稷血食者八九百載。於姬姓獨後亡。非盛德之遺烈。豈其然乎。韓之先

與周同姓。武子事晉獻公。封於韓原。因以爲姓。韓厥因卜者之繇。陳成季之功。紹趙氏之孤。建程嬰之義。爲晉

名卿。寔天所相。其四代始與趙魏俱得列爲諸侯矣。五世稱王。到王安爲秦所滅。魏之先。畢公高之後也。畢

公與周同姓。武王滅紂。封高於畢。因以爲姓。其裔孫曰畢萬。事晉獻公。獻公伐魏滅之。以封萬。卜偃曰。畢萬

之後必大。萬。盈數。魏。大名也。天子曰兆民。諸侯曰萬民。今名之大。以從盈數。以是有衆。不亦宜乎。其六世稱

侯。侯之孫稱王。到王假爲秦所滅。趙之先與秦同祖。其裔孫曰造父。於周穆王爲御驂騮耳之乘。西謁西

王母。東滅徐偃王。日馳千里。帝念其功。賜以趙城。因以爲姓。子叔帶始生。拾補曰周事晉。其後簡子地過於諸

侯。權重於晉君。簡子疾五日。不知人。大夫皆懼。呼豎扁鵲視之。出。董安子問扁鵲曰。血脈。治也。勿怪。昔秦

穆公嘗如此。七日而寤。寤之日告公孫支與子輿曰。我之帝所。甚樂。吾所以久者。適有學也。帝告我。晉國且大

亂。五世不安。其後將霸。未老而死。霸者之子且令國男女無別。公孫支書而藏之。拾補曰秦策。於是出夫。史記矣。

獻公之亂。文公之霸。而襄公之拾補曰。敗秦師於殽。而歸縱淫。此子所聞。今主君之病與之同。不出三日。病必間。

拾補增問必二字，並曰：「有言也。居二日半。簡子寤語大夫曰：『我之帝所樂。與百神遊於鈞天。廣樂于。』」拾補曰：九奏萬舞。曰二字脫。史記有。

不類三代之樂。其聲動心。有一熊欲援我。拾補增帝命我三字。並曰：「射之。中熊死。有熊來。我又射之。中熊死。帝甚嘉之。」

賜我二笥。皆有副。吾見兒在帝側。拾補增帝字。並曰：「屬我翟犬曰：『及汝子之壯也。以賜之。帝告我。晉國且衰。』」

拾補改爲七，並曰：「世而亡。嬴姓將大。敗周人於范魁之西。亦不能有也。董安子受言而藏之。以扁鵲之言告簡子。」拾補十譌。今從史記。

史記重簡子二字。賜扁鵲田四萬畝。他日簡子出。有人當道。辟之不去。從者拾補增怒字將刃。拾補增之字。並曰：「脫。史記有。」當道者曰：「吾有欲。」拾補改作欲有。並曰：「舊倒。」謁於主君。從者以聞。簡子召之。曰：「嘻。吾有所見子晰也。當道者曰：『屏左右。願有以謁。簡子屏人。當道者曰：『主君之病。臣在帝側。簡子曰：『然。子之見我何爲。當道者曰：『帝令主君射熊羆皆死。簡子曰：『是且何也。當道者曰：『晉國且大難。主君首之。帝令主君射。滅二卿。夫熊羆皆其祖也。簡子曰：『帝賜我二笥皆有副。何也。當道者曰：『主君之子將尅二國於翟。皆子姓也。簡子曰：『吾見兒在帝側。屬我一翟犬。曰：『及汝子之長以賜之。夫兒何說以賜翟犬。當道者曰：『兒。主君之子也。翟犬代之先也。主君之子其必有代。及主君之後嗣且有革政而胡服。并二國於翟。簡子問其姓。而延之以官。當道者曰：『臣野人。致帝命耳。遂不見。無幾。范中行作亂。簡子滅之。此熊之効應也。簡子卒。無恤立。是爲襄子。智伯攻襄子。襄子奔之。』」拾補曰：保晉陽。原過從。後。至王澤。見三人。自帶以上。拾補增可見自帶以下六字。不可見。與原過竹二節。莫通。拾補增曰：『爲我。以是遺趙無恤。原過既至。以告襄子。』

曰：「史記重簡子二字。齊三日。親自剖竹。有朱書曰：『無恤。余霍太山。』」拾補曰：史記重。陽侯大吏。拾補曰：史記。三月丙戌。余將使汝及。滅智氏。編者案。史記有汝字。亦立我三。拾補曰：史記無三字。百邑。余將使。拾補曰：史記無。賜若林胡之地。至于後世。且有仇王。赤黑龍面鳥屬。拾補改作鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

改作鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

囉。鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

囉。鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

囉。鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

囉。鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

囉。鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

囉。鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

囉。鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

囉。鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

囉。鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

囉。鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

囉。鬚眉髭髯。大膺。大匈。脩下而馮上。拾補曰：史記無。左任。拾補曰：史記。介乘。奄有河室。拾補改。至于休。拾補曰：史記。林。溷諸貉。拾補曰：史記。貉。

南伐晉別。北滅黑姑。襄子再拜受三神之令。三國攻晉陽。歲餘。乃以拾補曰：史記引。汾水灌其城。城不沒者三板。城中

懸釜而炊。易子而食。張孟談乃夜出見韓·魏。韓·魏反與合謀而滅智氏。共分其地。於是趙北有代。南并知山。

拾補改作氏。遂祀三神於百邑。使原過主霍太山。至武靈王。竟胡服騎射。辟地千里。到王遷。信秦反間之言。殺其良將

李牧而任趙括。拾補曰：錢云：括與牧不同時。此應氏誤。孫詒讓札遂（以下祇稱札遂）曰：案代李牧者史記趙世家作趙思。李牧傳及戰國策趙策又作趙趙。疑應氏本葱或作總。總俗作總。與括形近。因誤而爲括。此傳寫之失。非仲遠之誤也。遂爲所滅。

此童謠曰。趙爲號。秦爲笑。以爲不信。視地上生毛。陳完字敬仲。陳厲公之子也。初懿氏卜妻之。其繇曰。是

謂鳳凰于飛。和鳴鏘鏘。有媯之後。將育于姜。五世其昌。並于正卿。八世之後。莫之與京。周史有以周易筮之。

遇觀之否。曰。是謂觀國之光。利用賓于王。此其代陳有國乎。不在此。其在異國。非此其身。在其子孫。光遠而自

他有耀者也。厲公爲蔡所滅。拾補曰：殺。國內亂。完奔于齊。齊侯以爲卿。辭曰。羈旅之臣。幸若獲宥。及於寬政。赦

其不閑教訓而免諸罪戾。弛於負擔。君之惠也。所獲多矣。敢辱高位。以速官謗。詩云。翹翹車乘。招我以弓。豈不

欲往。畏我友朋。使爲工正。飲桓公酒。樂。拾補增公字。曰。以火。拾補曰：左傳有繼之二字。辭曰。臣卜其晝。未卜其夜。不敢。君子曰。

酒以成禮。弗繼以淫。義也。以君成禮。弗納於淫。仁也。桓公嘉之。愛敬日新。位比高·國。始食田采。姓田氏焉。六

世。田成殺簡公。其三世曰和。遷康公於海上。食一城。以祠太公以下。後魏文侯乃使使言周天子及諸侯。拾補增請立田和爲

諸侯七字。並曰七字。脫約史記文補。列言拾補曰：於周室。其孫曰威王。到王建。用后勝之計。又賓客多受秦金。勸王朝秦。不修戰備。

秦兵平步。拾補曰：二字。史記作卒。入臨菑。民無敢格者。遷王建於共國。人歌之曰。松耶。柏耶。亡。拾補曰：史記作任。建共者客耶。疾

建用客之不詳也。

謹案。戰國策·太史公記。秦孝公據殺函之固。擁雍州之地。君臣戮力。以窺周室。有席卷天下。囊括八荒之意。當

是之時。商君佐之。內立法度。務耕織。修守戰之備。外恃猛將銳卒。因間伺隙。略定西河之城。南并漢中。西定巴蜀。東割膏腴之壤。收要害之郡。諸侯恐懼。會盟而謀。不愛尊爵重寶。以致天下之士。當此之時。齊有孟嘗。趙有平原。楚有春申。魏有信陵。夫四豪者。皆明智而忠信。寬厚愛人。兼韓·魏·燕·趙·宋·衛·中山之衆。其後復有甯越·蘇秦·杜赫之屬爲之謀。陳軫·召滑·樂毅之徒通其意。吳起·孫臏·廉頗之屬制其兵。嘗以十倍之地。百萬之軍。攻秦。秦人開關延敵。六國之師。遁逃而不敢進。秦無一史記作亡矢遺鏃之費。而關東已困。於是從散約敗。爭割地而賂秦。秦有餘力而制其弊。及至始皇。承六世之遺烈。抗長策而御宇內。吞二周而叱諸侯。履至尊而制六合。兼帝皇而威四海。于時議者恨楚之疏遠屈原。魏不用公子無忌。故國削以至於亡。秦因愚弱之極。運震電之蕭條。混壹海內。爲漢驅除。蓋乘天之所壞。誰能枝之。雖阿衡宰政。賁·育馭戎。何益於事。且有彊兵良謀。雜襲繼踵。每輒挫衄。亦足以祛蔽啓蒙矣。始皇自以關中之固。金城千里。子孫帝王萬世之業也。遂恣睢舊習。矯任其私。知坑儒燔書以愚其黔首。窮奢肆欲。力役無饜。毒流諸夏。亂延蠻貊。由是一世絕祀。以成大漢之資。高祖踐祚。拾補曰。當作祚。

下並四海又安。世宗攘夷。

拾補曰。疑脫一辟字。

崇演禮學。制度文章。冠於百王矣。



# 風俗通義卷二

漢 汝南應劭著

## 正 失

孔子曰。衆善焉必察之。衆惡焉必察之。孟軻云。堯·舜不勝其美。桀·紂不勝其惡。傳言失指。圖景失形。衆口鑠金。積毀消骨。久矣其患之也。是故樂正后夔有一足之論。晉師己亥渡河有三豕之文。非夫大聖至明。孰能原析之乎。論語。名不正則言不順。易稱失之毫釐。差以千里。故糾其謬曰正失也。

## 樂正后夔一足

俗說。夔一足而用精專。故能調暢於音樂。

謹按。呂氏春秋。魯哀公問於孔子。樂正夔一足。信乎。孔子曰。昔者。舜以夔爲樂正。始治六律。和均五聲。以通八風。而天下服。重黎又薦能爲音者。舜曰。夫樂。天地之精。得失之節。故唯聖人爲能和樂之本。夔能之和之。拾補增以字。

並曰脫。呂氏春秋察傳篇有。若夔。拾補增一。拾補增而字。並足矣。故曰。夔一足。非一足行。拾補曰。呂氏。韓非子皆作也。

## 丁氏家穿井得一人

俗說。丁氏家穿井。得一人於井中也。

謹按。呂氏春秋。宋丁氏無井。常一人溉汲於外。及自穿井。喜而告之。拾補改吾穿井得一人。傳之。聞於宋君。公問其故。對曰。得一人之使。非得一人於井中也。

### 封泰山禪梁父

俗說。岱宗上有金篋玉策。能知人年壽脩短。武帝探策得十八。因拾補增到字。並曰脫。讀曰八十。其後果用耆長。武

帝升封泰山。於是拾補曰。史記封禪書。索隱引作財。有兆朕。奉車子侯即沒其印。乃止。武帝畏惡。亦殺去之。拾補曰。似當作故殺之。封禪書說。黃

帝升封泰山。於是有龍垂鬚。拾補改作胡。並曰鬚俗。髯下迎黃帝。黃帝上騎。羣臣後宮從者七十餘人。小臣獨不得上。乃悉持

龍髯。拔墮。編者案。應作墮。黃帝之弓。小臣百姓仰望黃帝不能復。乃抱其弓而號。故後世因曰烏號弓。孝武皇帝時。齊人

公孫卿言。漢之聖者在高祖之孫。今歷編者案。應作曆。正值黃帝之日。聖主亦當上封則能神仙矣。

謹按。尚書。禮。天子巡狩。歲二月至于岱宗。孔子稱。封泰山。禪梁父。可得而數七十有二。蓋王者受命。易姓。改

制。應天下太平。功成封禪。以告平也。所以必於岱宗者。拾補增宗者二字。長拾補增也字。並曰脫。案續漢書祭祀志引岱者始也。宗者長也。此當在山澤篇。始亦始字之誤。此處唯據御覽校。

萬物之宗。拾補改陰陽交代。拾補曰。一作之交。又增雲字。並曰脫。山澤篇有。觸石而出。膚寸而合。不崇朝徧雨天下。拾補增其字。唯泰山乎。封

者立石。高一丈二赤。拾補曰。尺同。剋拾補曰。刻同。之曰。事天以禮。立身以義。事父以孝。成民以仁。四守拾補曰。續漢書作海。意林作方。

之內。莫不為郡縣。拾補曰。續志同。意林作莫不帥服。與韻協是也。四夷八蠻。咸來貢職。與天下拾補曰。衍。無極。人民蕃息。天祿永得。祭上玄

尊。而俎生魚。壇廣十二丈。高三尺。階三等。必於其上。示增高也。剋石紀號。著已拾補曰。意續也。或曰。金泥銀

繩印之璽。拾補改作封之以印璽。並曰舊作印之璽。今依白虎通改。下禪梁父。禮祠地主。去事之殺。示增廣也。禪謂壇墀當有所與也。三皇禪於

釋。明已功成而去。德者居之。釋釋者。無所指斥也。五帝禪於亭亭。德不及於皇。亭亭名山。拾補曰：下多譌。其身禪子

聖人。三王禪於梁父。拾補增者信。父者子。拾補曰：疑。言父子相信與也。孝武皇帝封廣丈二尺。高九尺。其下有玉牒

書祕書。拾補曰：符。否則上書字句。下祕書當作書祕。別爲句。江淮間一茅三脊爲神藉。五色土益雜封。縱遠方奇獸飛禽及白雉。加祠兕牛犀象

之屬。其拾補增贊字。並曰脫。享曰。天增授皇帝泰元神筭。周而復始。皇帝敬拜泰靈。拾補改其夜有光如流星。晝有

白雲起封中。於是作明堂汶上。令諸侯各治邸。車駕前後五至祠。以元鼎六年告封。改爲元封。武帝已年四十七

矣。何緣反更得十八也。就若所云。明神禍福必有徵應。權時倒讀。焉能誕招期乎。奉車子侯驂乘上下臣。拾補曰：疑衍。

扎遂曰：按盧校非也。驂乘上下臣當作驂乘弄臣。此言奉車子侯年少以恩澤待左右。不預封事。何因操印沒石乃止暴病而死。正。言如弄臣也。弄俗書或作弄。蓋舊本偶作俗體。展轉傳寫。又誤分爲二字。遂不可通。

悼惕。拾補曰：揚。當與傷通。無已。拾補曰：此明非帝殺之。上下亦必有脫文。又言武帝與仙人對博。碁沒石中。馬蹄迹處于今尙存。虛妄

若此。非一事也。予以空僞。承乏東獄。忝素六載。數聘拾補改祈祠。拾補改作祀。並曰依意林改正。咨問長老賢通上泰山者云。謂

璽處剋石文昧難知也。殊無有金篋玉牒探籌之事。春秋以爲傳聞不如親見。拾補增親字。並曰疑脫。見之人斯爲審矣。傳曰。

五帝聖焉死。三王仁焉死。五伯智焉死。其隕落崩薨之日。不能咸至百年。詩云。三后在天。論語曰。拾補改古皆沒。

太史記。黃帝葬於橋山。騎龍升天。豈不怪乎。烏號弓者。柘桑之林。枝條暢茂。烏登其上。下垂著地。烏適飛去。後

### 葉令祠

俗說。孝明帝時。尙書郎河東王喬。遷爲葉令。喬有神術。每月朔常拾補曰：藝文類聚有自縣二字。詣臺朝。帝怪其拾補增來字。並曰脫。類聚。御覽皆有。

數而無車騎。密令太史候望。言其臨至時。常有雙鳧從。拾補增東字。並曰脫。南飛來。因伏伺。見鳧。舉羅。拾補增張之二

聚。但得一雙。拾補改作隻。並曰兩書皆作隻。鳥耳。拾補增詔字。並曰脫。使尙方識。拾補曰。寶。視。拾補曰。類。四年中所賜尙書官屬履也。每

當朝時。葉門。拾補增下字。並曰脫。兩書有。鼓不擊自鳴。聞於京師。後天下一玉棺於廳。拾補改。事。前。令臣民試入。終不動搖。喬曰。

天帝獨欲召我。沐浴服飾。寢其中。蓋便立覆。宿夜。拾補改作昔。並曰夜御覽昔。葬於城東。土自成墳。拾補曰。北堂書鈔九。縣中牛皆

流汗吐舌。而人無知。拾補曰。類聚。者。拾補增百姓爲立祠五字。號葉君祠。牧守班錄。皆先謁拜。吏民祈禱。無不如意。若

有違犯。立得禍。明帝迎取其鼓置都亭下。略無音聲。但云。葉。拾補曰。錢云三字衍。後漢。書方術傳云。略無復聲焉。太史候望。在上西門上。遂

以占星辰。省察氣祥。言此令卽仙人王喬者也。

謹按。春秋左氏傳。葉公子高。姓沈。名諸梁。古者令曰公。忠於社稷。惠恤萬民。方城之外。莫不欣戴。白公勝作

亂。拾補增。殺字。子西子期。劫惠王以兵。葉公自葉而入。至於北門。或遇之曰。君胡不胄。國人望君如望慈父母焉。盜賊

之矢若傷君。是絕民望也。若之何不胄。乃胄而進。又遇一人曰。何爲胄。國人望君如望歲焉。日日。拾補曰。左傳作日

是。以幾。若見君面。是得艾也。人知不死。其亦無。拾補曰。有奮心。拾補曰。無有言無不有也。古人語往。往有之。不必以左氏爲是。此爲譌。猶將旌君以徇於國。

而又掩面以絕民望。不亦甚乎。乃免胄而進之。拾補曰。與國人攻白公。拾補曰。下脫白。公二字。當補。奔山而逝。生烹石乞。迎反惠

王。整肅官司。而退老於葉。及其終也。葉人追思而立祠。功施於民。以勞定國。兼茲二事。固祠典之所先也。此乃

春秋之時。何有近孝明乎。周書稱靈王太子晉。幼有盛德。聰明博達。師曠與言。弗能尙也。晉年十五。顧而問曰。

吾聞大師能知人年之短長也。師曠對曰。女色赤白。女聲清。拾補曰。逸周。書下有汗字。女。拾補曰。逸。色不壽。晉曰然。吾後三年將上

賓於天。女慎無言。禍將及女。其後太子果死。孔子聞之曰。惜夫。殺吾君也。後世以其自豫知其死。傳稱王子喬

仙。或人問仙。揚雄以爲虛義。神農黃帝堯舜殞落。文王葬畢。孔子葬魯城之北。獨不愛其死乎。知非人之所能也。生乎生乎。吾恐名生而實死也。國家畏天之威。思求譴告。故於上西門城上候望。近太史寺。令丞躬親。靈臺位國之陽。之安拾補改作又。並曰。本作之安二字。譌。似當作又。別在宮中。懼有得失。故參之也。何有伺一飛鳧。遂建其處乎。世之矯誣。豈一事哉。

### 燕太子丹

拾補增仰款二字。並曰二字。脫。據御覽八百四十補。

天爲雨粟。

烏白頭。

馬生角。

廚人生害足。

拾補改作廚中。梓生肉。並曰。

舊作廚人生害足。譌。據御覽七百六十二改正。御覽下有是數然也。四字疑誤。孔遂曰。案盧校大誤。此當作廚中木象生肉足。御覽惟中肉二字是正。今本之誤。干祿字書。肉俗作宀。與宀形近。是即足之誤。數然也三字衍。論衡感虛篇。載秦王誓云。使日再中。天雨粟。烏白頭。馬生角。廚中木象生肉足。乃得歸。與仲遠所說正同。木象即刻木爲象人。象人以木爲足。今故誓使生肉足也。御覽作梓生肉。則不可通。虛從之。慎矣。

天井上株木跳度瀆。

俗說。燕太子丹爲質於秦。始臯執欲殺之。言能致此瑞者。可得生活。丹有神靈。天爲感應。於是建拾補改使歸國。

謹按。太史記。燕太子丹與拾補改秦。始臯遇之益不善。丹恐而亡歸。歸求勇士荆軻。秦武陽。函樊於期之首。貢督

亢之地圖。秦王大悅。禮而見之。變起兩楹之間。事敗而荆軻立死。始臯大怒。乃益發兵伐燕。燕王走保遼東。使使斬丹以謝秦。燕亦遂滅。丹畏死逃歸耳。自爲其父所戮。手足圯絕。安在其能使雨粟其餘云云乎。原其所以有茲語者。丹實好士。無所愛恠也。故閭閻小論飭拾補曰。當爲飾。成之耳。

### 孝文帝

孝成皇帝好詩書。通覽古今。拾補改習朝廷儀體。尤善漢家法度故事。常見中壘校尉劉向。以世俗多傳道孝文皇帝。小生於軍。及長大有識。不知父所在。日祭於代東門外。高帝數夢見一兒祭已。使使至代求之。果得文帝。

立為代王。及後徵到。後期不得立。日為再中。及即位為天子。躬自節儉。集上書囊以為前殿帷。常居明光宮聽政。為皇太后后持三年服。廬居枕塊如禮。至以發大病。知後子不能行三年之喪。更制三十六日服。治天下致升平。

斷獄三百人。粟拾補曰。初升拾補改作斗。並曰升一錢。有此事不。拾補曰。同拾補改。對曰。皆不然。拾補曰。錢云。下講案云云。皆述向說。似不應跳行。孔遂曰。

按論衡藝增篇云。光武皇帝之時。郎中汝南賈光上書。言孝文皇帝時。居明光宮。天下斷獄三人。頌美文帝。陳其效實。光武皇帝曰。孝文時不居明光宮。斷獄不三人。與其所說略同。此云斷獄三百人。未為甚少。疑當從論衡作三人為是。

謹按。漢高三年。魏王豹叛漢附楚。漢使大將韓信擊虜豹姬薄夫人。傳詣雒陽織室。漢王見薄姬。內後宮。幸之。

生文帝。二年而為王者子。常居宮闕內。不棄捐軍中。祭代東門。高皇后八年後九月己酉夕即位。就未央。幸前殿。

下赦令。即位時以昏夜。日不再中。文帝雖節儉。未央前殿至奢。雕文五采。畫華棖壁。拾補改。作璧。軒檻皆飾以黃金。

其勢不可以書囊為帷。奢儉好醜不相副侔。又文帝以後元年六月己亥崩未央宮。在時平常聽政宣室。不居明光

宮。及皇太后后以孝景二年四月壬子薨。葬南陵。文帝先太后崩。不為皇太后后持三年服。文帝遵漢家基業初

定。重承軍旅之後。百姓新免於干戈之難。故文帝宜因。拾補曰。錢疑倒。修秦餘政教。輕刑事少。拾補曰。亦倒。與之休息。以儉約

節欲自持。初開籍田。躬勸農耕。拾補曰。衍。桑務民之本。即位十餘年。時五穀豐熟。百姓足。倉廩實。蓄積有餘。然文

帝本脩黃老之言。不甚好儒術。其治尚清淨無為。以故禮樂庠序未修。民俗未能大化。苟溫飽完給。所謂治安

之國也。其後匈奴數犯塞。侵擾邊境。單于深入寇掠。賊害北地都尉。殺略吏民。係虜老弱。驅畜產。燒積聚。候騎

至甘泉。烽火通長安。京師震動。無不憂懣。是時大發興材官騎士十餘萬軍長安。帝遣丞相灌嬰擊匈奴。文帝自

勞兵至太原代郡。由是北邊置屯待戰。設備備胡。兵連不解。轉輸駱驛。費損虛耗。因以年歲穀。拾補曰。錢云。衍。不登。百姓

饑乏。穀糴常至石五百。時不升。拾補改。作斗。一錢。前待詔賈捐之。為孝元皇帝言。太宗時民賦四百。斷獄四百餘。案太

宗時民重犯法。治理不能過中宗之世。地節元年天下斷獄四萬七千餘人。如指之言復不類。前世斷獄皆以萬數。

不三百人。文帝即位二十三年。日月薄蝕。地數震動。毀壞民廬舍。關東二十九山同日崩潰。水出。河決酸棗。大

風壞都。拾補曰：當指淮南吳楚。雨雹如桃李。深者厚三尺。狗馬及人皆生角。大雪。蝗蟲。文帝下詔書曰。問者陰陽不調。日月

薄蝕。年穀不登。大遭旱蝗。饑饉之害。謫見天地。災及萬民。丞相。御史議可以佐百姓之急。推此事類以編者案：應作似。

不及太拾補改宗之世。不可以為升平。上曰。吾於臨朝統政。施號令何如。向未及對。上謂向。校尉帝師傅。耆舊洽

聞。親事先帝。歷見三世得失。事無善惡。如聞知之。其言勿有所隱。向曰。文帝時政頗遺失。皆所謂悔慙小疵耶。

拾補曰：嘗輦過郎署。問中郎馮唐以趙將廉頗。馬服。唐言。今雖有此人。不能用也。推輦而去。還歸禁中。召責讓唐。

疑耳。當輦首陳拾補曰：二字衍。李牧為邊將。市租諸入皆輸莫府。而趙王不問多少。

拾補曰：當輦首陳。疑謝。言。聞之於祖父。道廉頗拾補曰：二字衍。故能立威名。今臣竊聞雲中太守魏尚。邊之良將也。匈奴常犯塞

為寇。尚追之。吏士爭居前樂盡死力。斬首上功。誤差數級。下之吏。尚竟抵罪。由是言之。雖得廉頗李牧不能用

也。及河東太守季布治郡有聲。召欲以為御史大夫。左右或毀言使酒。後不用。布見辭去。自陳曰。臣幸得待罪

河東。無故而見徵召。此人必拾補增以臣欺國者。既到無用。此人亦有以毀傷臣者。今以一人言則進之。以一人

言則退之。臣恐天下有以見朝廷短也。上有慙色。卒遣布之官。及太中大夫鄧通以佞幸吮癰瘍膿汁拾補曰：三字疑妄增。見

愛。擬於至親。賜以蜀郡銅山。令得鑄錢。通私家之富。侔於王者封君。拾補曰：二字亦妄增。又為微行。數幸通家。文帝代服

衣薊。拾補改襲毳帽。騎駿馬。從侍中近臣常侍期門武騎獵漸臺下。馳射狐兔果雉刺彘。是時待詔賈山諫以為不宜

數從郡國賢良吏出遊獵。重令此人負名不稱其與。拾補改及太中大夫賈誼亦數陳拾補曰：當作諫。止遊獵。是時誼與鄧通

俱侍中同位。誼又惡通爲人。數廷譏之。由是疏遠。遷爲長沙太傅。既之官。內不自得。及渡湘水。投帛書曰。闕茸尊顯。佞諛得意。以哀屈原。離讒邪之咎。亦因自傷爲鄧通等所愬也。成帝曰。其治天下孰與孝宣皇帝。向曰。中宗之世。政教明。法令行。邊境安。四夷親。單于款塞。天下殷富。百姓康樂。其治過於太宗之時。亦以遭遇匈奴賓服。四夷和親也。上曰。後世皆言文帝治天下幾至太平。其德比周成王。此語何從生。向對曰。生於言事。文帝禮言事者。不傷其意。羣臣無小大。至即便從容言。上止輦聽之。其言可者稱善。不可者喜笑而已。言事多褒之。後人見遺文則以爲然。世之毀譽莫能得實。審形者少。隨聲者多。或至以無爲有。故曰堯舜不勝其善。桀紂不勝其惡。桀紂非殺父與君也。而世有殺君父者。人皆拾補增言字無道如桀紂。此不勝其惡故。若文帝之仁賢不勝其善。世俗褒揚言其德比成王。治幾太平也。然文帝之節儉約身以率先天下。忍容言者。含咽臣子之短。此亦通拾補曰程本過人難及。似出於孝宣皇帝者也。如其聰明遠識。不忘數十年事。制持萬機。天資治理之材。恐文帝亦且不及孝宣皇帝。向以爲如此。及至世間言文帝小生於軍中。長大祭代東門外。使者求得之。因立爲代王。徵當卽位。後期。日爲之耳中。集上書囊以爲前殿帷。常居光明拾補改作明光。並曰光明倒。依前倒乙宮聽政。爲薄太后持三年服。治天下致升平。斷獄三百人。粟一升一錢。凡此十餘事。皆俗人所妄傳。言過其實。及傳會。拾補曰疑余以爲前皆非是。如劉向言。

## 東方朔

俗言。東方朔太白星精。黃帝時爲風后。堯時爲務成子。周時爲老聃。在越爲范蠡。在齊爲鷓夷子皮。言其神聖能興王霸之業。變化無常。



謹按。漢書。東方朔平原人也。孝武皇帝時。招延賢良文學之士。待以不次之位。故四方多上書言得失自銜鬻者。於是朔詣闕自陳。十二失父。長養兄嫂。年十三學書。十四拾補曰。朔本傳有學字。擊劍。十六誦拾補曰。傳有書字。詩。十九習孫吳兵法。又常服子路之言。臣朔年二十三。長九尺三寸。目若懸珠。齒若編貝。勇若孟賁。捷若慶忌。廉如鮑叔。信若尾生。若此可以爲天子大臣矣。朔文辭不遜。高自稱譽。由是見偉。稍益親幸。官至太中大夫。倡優畜之。不豫國政。劉向少時。數問長老賢通於事及朔時人。皆云。朔口諧倡辯。不能持論。喜爲凡庸誦說。故令後世多傳聞者。而揚雄亦以爲朔言不純師。行不純德。其流風遺書蔑如也。然朔所以名過其實。以其恢誕多端。不名一行。應諧似優。不窮似智。正諫似直。穢德似隱。非夷齊。是柳惠。其滑稽之雄乎。朔之逢古拾補改作古。射覆。其事浮淺。行於衆僮兒牧豎。莫不眩耀。而後之好事者。因取奇言怪語附著之耳。安在能神聖歷世爲輔佐哉。

## 淮南王安神仙

俗說。淮南王安招致賓客方術之士數千人。作鴻寶苑秘枕中之書。鑄成黃白。白日升天。謹按。漢書。淮南王安。天資辨博。善爲文辭。孝武以屬諸父。甚尊之。招募方伎怪迂之人。述神仙黃白之事。財殫力屈。無能成獲。乃謀叛逆。剋皇帝璽。丞相。將軍。大夫已下印。漢使符節法冠。趙王彭祖。列侯讓等議曰。安廢法行邪。僻詐僞心以亂天下。營惑百姓。背叛宗廟。春秋無將。將而必誅。安罪重於將。反形已定。圖書印及他逆無道事驗明白。丞相弘。廷尉湯以聞。上使宗正以符節治王。安自殺。太子諸所與謀皆收夷。國除爲九江郡。親伏白刃。與衆棄之。安在其能神仙乎。安所養士或頗漏亡。恥其如此。因飾詐說。後人吠聲。遂傳行耳。

### 王陽能鑄黃金

漢書曰衍說。王陽雖儒生。自寒賤。然好車馬衣服極爲鮮好。而無金銀文繡之物。及遷徙去處。拾補曰。去處二所載字衍。御覽無。不過囊衣。不蓄積餘財。去位家居。亦布衣疏食。天下服其廉而怪其奢。故俗傳王陽能作黃金。

謹按。太史記。秦始皇欺於徐市之屬。求三山於海中。通同道。隱形體。弦詩想蓬萊。而不免沙丘之禍。孝武皇帝

茲拾補曰。滋通益迷謬。文成·五利處之不疑。妻以公主。賜以甲第。家累萬金。身佩四印。辭窮情得。亦旋梟裂。淮南

王安。銳精黃白。庶幾輕舉。卒離親伏白刃之罪。劉向得其遺文。奇而獻之。成帝令典尙方鑄作事費甚多。而方不

驗。劾向大辟。繫須冬獄。拾補改移獄字。於須字上。兄陽成侯乞入國半。故得減死。秦漢以天子之貴。四海之富。淮南竭一國

之貢稅。向假尙方之饒。然不能有成者。夫物之變化固自有極。王陽何人。獨能乎。哉語曰。金不可作。世不可度。

王陽居官食祿。雖爲鮮明。車馬衣服。亦能幾所。拾補曰。許通御覽作何。何足怪之。乃傳俗說。班固之論陋於是矣。

### 宋均

拾補曰。宋當作宗。又引何氏焯校後漢書云。黨綱傳引謝承書云。宗資字叔都。南陽安衆人。也。家代爲漢將相名臣。祖父均。自有傳。又南蠻傳敘受降事。正作調者宗均。可參校定之。

### 令虎渡江

九江多虎。百姓苦之。前將募民捕取。武吏以除賦課。郡境界皆設陷穽。後太守宋均到。乃移記屬縣。曰。夫虎豹在山。醜豷在淵。物性之所託。故江淮之間有猛獸。猶江北之有雞豚。今數爲民害者。咎在貪殘居職使然。而反逐捕。非政之本也。壞檻穽。勿復課錄。退貪殘。進忠良。後虎悉東渡江。不爲民害。

謹按。尙書。武王戎車三百兩。虎賁三千人。擒紂於牧野。言猛怒如虎之奔赴也。詩美甫仲闕如哮虎。易稱大人虎

變。其文炳。君子豹變。其文蔚。傳曰。山有猛虎。草木茂長。故天之所生。備物致用。非以傷人也。然時爲害者。乃其政使然也。今均思求其政。舉清黜濁。神明報應。宜不爲災。江渡七里。上下隨流。近有二十餘。虎山栖穴處。毛鬣豈能犯陽侯。凌濤瀨而橫厲哉。但語。狐欲渡河。無奈尾何。舟人楫櫂。猶尙畏怖。不敢迎上與之周旋。云悉東渡。誰指見者。堯舜欽明在上。稷契允懿於下。當此時也。寧復有虎耶。若均登據三事。德被四海。虎豈可抱負相隨。乃至鬼方絕域之地乎。

### 彭城相袁元服

俗說。元服父字伯楚。爲光祿卿。編者案。漢世九卿。光祿勳不稱光祿卿。此卿字疑應作勳字。於服中生此子。時年長矣。不孝莫大於無後。故收舉之。君子不隱其過。因以服爲字。

謹按。元服名賀。汝南人也。祖父名原。拾補改作京。並曰原。御覽作京。下同。後漢書袁閎傳注正引作京。爲侍中。安帝始加元服。百官會賀。臨嚴。拾補曰。

凡行禮有司。奏中嚴。謂莊嚴也。後漢書注引作臨莊。此尙避明帝諱。垂出。而孫適生。喜其加。凡遂曰。按加當爲嘉之誤。會。因名曰賀。字元服。原父安爲司徒。忠蹇匪躬。

盡誠事國。啓發和帝。誅討竇氏。中興以來。最爲名宰。原有堂構之稱。矜於法度。伯楚名彭。清擬夷叔。政則冉季。歷典三郡。致位上列。賀早失母。不復繼室。云曾子失妻而不娶。曰吾不及用。編者案。應作尹。吉甫。子不如伯奇。以吉甫之賢。伯奇之孝。尙有放逐之敗。我何人哉。及臨病困。勅使留葬侍衛先公。慎無迎取汝母喪柩。如亡者有知。

往來不難。如其無知。祇爲煩耳。虞舜葬於蒼梧。二妃不從。經典明文。勿違吾志。清高舉動。皆此類也。何其衣服中生子而名之賀者乎。雖至愚人。猶不云耳。予爲蕭令。周旋謁辭故司空宣伯應。拾補曰。孫云。伯應名鄴。桓帝延熹九年爲司空。賢相把臂

言。易稱天地大德曰生。今俗間多有禁忌。生三子者。五月生者。以爲妨害父母。服中子犯禮傷孝。莫肯收舉。袁元服功德爵位。子孫巍巍。仁君所見。越王句踐。民生三子與乳母。孟嘗君對其父。若不受命於天。何不高戶。誰能及者。夫學問貴能行。君體將拾補作博雅政宜有異乎。答曰。齊楚拾補曰錢改越之事。敬聞命矣。至於元服。其事如此。明公既爲鄉里超然遠覽。何爲過聆晉語。拾補曰疑簡在心事乎。於是欣然悅服。續以大言。苟有過。人心知之。我能勝仲尼哉。元服子夏甫。前後徵命。終不降志。亞作者之遺風矣。正甫亦有重名。今見沛相。戴德五世而被斯言之玷。恐多有宣公之論。故備記其終始。

# 風俗通義卷三

漢 汝南應劭著

## 愆禮

夫聖人之制禮也。事有其制。曲有其防。爲其可傳。爲其可繼。賢者俯就。不肖跋編者案。及。是故子張過而子夏不及。然則無愆子路。喪姊葬而不除。仲尼以爲大譏。況於忍能矯情直意而已也哉。詩云。不愆不忘。帥由舊章。論語。不爲禮。無以立。故注近世苟妄曰愆禮也。

九江太守武陵拾補增陳子二字威生不識母。常自悲感。游學京師。還於陵谷中見一老母。年六十餘。因就問母姓爲

何。曰。陳家女李氏。何故獨行。曰。我孤獨。欲依親家。子威再拜長跪自白曰。子威少失慈母。拾補曰。此謂親母。與下慈母如

母不姓陳。拾補曰。此二字當在子威下。語較順。舅氏亦李。又母與亡親同年。會遇於此。乃天意也。因載歸家。供養以爲母。

謹按。禮。繼母如母。慈母如母。爲繼父之室。慈愛已拾補增者字。皆有母道。故事之如母也。何有道路之人而定省。世

間共傳丁蘭剋木而事之。今此之事。豈不是似。如仁人惻隱。哀其無歸。直可收養。無事正母之號耳。

大將軍掾燉煌宣度爲師大常張文明制杖

謹按。禮記。孔子之喪。門人疑所服。子貢曰。昔夫子之喪顏淵。若喪子而無服。至子路亦然。請喪夫子如拾補增喪字。父

而無服。羣居則拾補增經出則三字。否。今人乃爲制杖。同之於父。論者既不匡糾。而云觀過知仁。謂心之哀慟終始一者也。

凡今杖者皆在權威之門。至有家遭齊衰同生之痛。俯伏墳墓而不歸來。真不愛其親而愛他人者也。無他也。庶福

報耳。凡庸小生。夫何譏稱。然宣度涼州知名士。吾是以云耳。

山陽太守汝南薛恭祖。喪其妻不哭。臨殯。於棺上大言。自同恩好。四十餘年。服食祿賜。男女成人。幸不爲天。夫復何恨哉。今相及也。

謹按。禮爲適妻杖。重於宗也。妻者既齊於己。澄灑酒拾補曰：似脫一疑字。札廷曰：案此當作澄灑酒體。以養舅姑。列女傳宋鮑女宗傳云：澈灑酒體。羞饋食以事舅姑。即仲遠所本。盧校失考。以養

姑舅。契濶中饋。經理蠶織。垂統傳重。其爲恩篤勤至矣。且鳥獸之微。尙有回翔之思。啁噍之痛。何有死喪之感。

拾補曰：似當作感。終始永絕。而曾無惻容。當內崩傷。外自矜飭。此爲矯情。僞之至也。俚語。婦死腹悲。唯身知之。又言妻非

禮所與。此何禮也。豈不悖哉。大尉山陽王襲拾補改作襲。並曰孫改。下同。范書有襲傳。與諸子並杖。太傅汝南陳蕃。袁隗皆制衰絰。列

在服位。躬入隧。哀以送之。近得禮中。王公諸子魏拾補曰：疑猥。杖亦過矣。

弘農太守河內吳匡伯康。少服職事。號爲敏達。爲侍御史。與長樂少府黃瓊共佐清河王事。文書印成。甚嘉

異之。後匡去濟南相。瓊爲司空。比比援舉。起家拜尙書。遷弘農。班詔勸耕。道於澠池。拾補改。間作聞。瓊薨。卽發

喪制服。上病。載輦車還府。

謹按。春秋。大夫出使。聞父母之喪。徐行而不反。君追還之。禮也。匡雖爲瓊所援舉。由郡縣功曹。州治中兵曹。位

朝廷尙書也。凡所按選。豈得復爲君臣者耶。今匡與瓊其是矣。剖符守境。勸民耕桑。肆省冤疑。和解仇怨。國之

大事。所當勤恤。而顧私恩。傲很自遂。若宮車宴駕。何以過茲。論者不深察而歸之厚。多有是言。及其人患失。而

亦曰其然。司空袁周陽舉荀慈明有道。太尉鄧伯條拾補曰：錢云當是鄧盛。靈帝紀注云：字伯能。舉譬孟直方正。二公薨。皆制齊衰。世非一

然。苟譬通儒。於義足責。或舉者名位斥落。子孫無繼。多不親至。何乃衰乎。過與不及。古人同稱。吊服之制。斯

近之矣。

河南尹太山羊翩祖。

拾補曰：諫云：黨錮傳：羊陟字嗣祖，太山梁父人，拜河南尹，當即其人。翩疑字誤。

在家。平原相封子衡葬母。子衡故臨太山數十日。時

翩祖去河南矣。子衡四從子曼慈復爲太山。士大夫用此行。

拾補曰：疑脫服字。

者數百人。皆齊衰經帶。時與

拾補曰：太疑於。

尉府自劾歸家。故侍御史胡母季皮獨過相候。求欲作衰。謂君不爲子衡作吏。何制服。曰：衆人若此。不可獨

否。又謂足下徑行自可。今反相歷

拾補曰：疑。

令子失禮。僕豫

拾補曰：下疑脫有字。

古有吊服。可依其制。因爲裁縞冠幘袍

單衣。定大爲同作

拾補曰：疑行。

所非。然穎

編者案：當作穎。

川有識陳元方。韓元長。綦母廣明咸嘉是焉。

謹按。禮。爲舊君齊衰三月。謂策名委質爲臣吏者也。子衡臨郡日淺。無他功惠。又非其身。翩祖位則亞卿。雅有令稱。義當綱紀人倫。爲之節文。而首倡導。犯禮違制。使東嶽一郡朦朧焉。豈不愍哉。由鄙人失兄。子臬爲之衰。雖失於子衡。歸於曼慈者矣。

太原郝子廉。饑不得食。寒不得衣。一介不取諸人。曾過姊

拾補改作姊。

飯。留十五錢。默置席下去。每行飲水。常

投一錢井中。

謹按。易稱天地交。萬物生。人道交。功勳成。語。願車馬衣輕

拾補曰：諫云：論語古本無輕字。此疑後人所增。

裘。與朋友共。弊之而無憾。士相

見之禮。費用賑雉。受而不距。而交答焉。唯祭飯

俗補曰：疑當作肉。

然後拜之。孔子食於

拾補曰：省少字。

施氏。未當

編者案：應作嘗。

有同生之家而顧錢者哉。傷恩薄禮。弊之至也。孟軻譏仲子吐鷓鴣之羹而食井上苦李。鮑焦耕田而食。穿井而

飲。非妻所織不衣。餓於山中。食棗。或問之。此棗子所種耶。遂嘔吐立枯而死。世不乏異。惟其似旃。孔子疾時貪

味。退思狂狷。狷者有所不爲。亦其介也。

南陽張伯大。鄧子敬

拾補曰：疑有脫文。否亦當重子敬二字。

小伯大三年。以兄禮事之。伯臥床上。敬寢下小榻。言常

拾補曰：疑當有稱字。

恐。清旦朝拜。俱去鄉里。居緱氏城中。亦教授坐養聲價。伯大為議郎。益州太守。子敬辟司徒。公車徵。

謹按。禮記。十年兄事之。五年肩隨之。詩云。如切如磋。

編者案：應作礎。

如琢如磨。朋友術術闇闇。各長其儀也。凡兄弟

相愛。尚同與而出。同床而寢。今相校三年耳。幸無骨肉之屬。坐作鬼怪。且朝言恐。論語。恭而無禮則勞。且晏平

仲稱善與人交。豈徒拜伏而已哉。易設四科。出處語默。傳曰。朝廷之人。入而不能出。山林之民。往而不能反。

二者各有所長。而棄聖絕知。遜世保真。當竄深山。樂天知命。今居緱氏。息偃城郭。往來帝都。招延賓客。無益

誨人。拱默而已。飾虛矜僞。誑世耀名。辭細即巨。終為利動。春秋譏宋伯姬女而不婦。今二子屑屑。遠大失矣。

拾補曰：如以失其遠者大者解。亦可通。余疑當是遠大夫矣。與上女而不婦。文意更相承。

公車徵士汝南

拾補增：袁字。

夏甫。少舉孝廉。為司徒掾。人間之事。無所闕

拾補作闕。並曰：舊刻闕。又錄臧輔字校語曰：當依舊刻。予初亦以闕字是。及細閱本傳。闕少即苦。

身修節。不應徵舉。從父饋之。皆不受。是早於世間事不復相關矣。此如俟後人定之。

也。其後閉戶塞牖。不見賓客。清旦東向再拜朝其母。

拾補曰：念時時。日誤。

重。往就之。子亦不得見。復踰

拾補曰：錢云當是。隲字。與遙字同。

拜耳。

拾補曰：孫云：范書袁閔傳云：母恩閔時。往就之。母去便自掩門。較此所言。猶為近理。

常木鐸。食止壘

拾補曰：錢云當是。是壘字文壤。

菜。云。我無益家事。莫之能彊。及母終亡。不列服位。

謹按。孝經。生事愛敬。死事哀感。一家之中。諭

拾補曰：譬也。

若異域。下牀闈拜。遠於愛敬者矣。祖載崩隧。又不能送。

遠於哀感者矣。中所以飾首。衣所以蔽形。此乃士君子所以自別於夷狄者也。唯喪者。訟者露首草舍。餘曷有

哉。長沮丈人。避世之士。由訊

拾補曰：此書由猶多互用。訊亦作訊。脫一畫耳。

子路。殺雞黍見其子焉。何有藏一室中。不出戶庭。以此為

高。斯亦婞婞。鯉趨而

拾補曰：此字當亦熟論語者所加。

過庭。聞詩。聞禮。而陳亢喜於得三不當近之何乃若茲者乎。



公車徵士豫章徐孺子。比爲太尉黃瓊所辟。禮文有加。孺子隱者。初不答命。瓊薨。既葬。負篋舁拾補改作算。並曰：算舊譌。

作篋舁二字。錢云：是算字之誤。史記汲鄭列傳：其隗遺人不過算器食。徐廣云：算竹器。士冠禮：爵弁皮弁緇布冠各一篋。注：篋竹器。涉拾古文。篋爲篋。算即篋之省。說文：篋。漶米飯也。篋。木竹器。或以漶米。或以盛食物。或以貯衣冠。隨人所用。則徐孺子所負者疑即此物矣。

拾補曰：二字。疑後人所加。齋一盤。齋哭於墳前。孫子琰。故五官郎將。以長孫制杖。聞有哭者。不知其誰。亦於倚廬

哀泣而已。孺子無所謁刺。事訖便去。子琰大怪其故。遣瓊門生茅季瑋拾補曰：茅容字季偉。見范書。郭太傳：瑋字雖異。當即其人。追請辭謝。

終不肯還。

謹按。禮。凡吊喪者。既哭。興踊。進問其故。哀之至也。孺子所以經三千里越度山川而親至者。非徒徇於已願義

報乎。哭齋墳前是也。訖當即其帳。衾問勞子琰。子琰宿有善名。在禮無違。儻見徵闕。教誨可乎。何如儻忽。甚於

路人。昔黔敖忽於嗟來。然君子猶以爲其嗟可去。謝可食。今與黃有恩故矣。孝子寢伏苦塊。拾補曰：下當云：宜有。慰問。今不知脫幾字。

又孺子到使詣墳。無介。夫何爲哉。



# 風俗通義卷四

漢 汝南應劭著

## 過 譽

孔子稱大哉中庸之爲德。其至矣乎。又曰。君子之道。忠恕而已。至於許以爲直。隱以爲義。枉以爲厚。僞以爲名。此衆人之所致譽。而明主之所必討。蓋觀過知仁。謂中心篤誠而無妨於化者。故覆其違理曰過譽也。

長沙太守汝南鄧曄君章。少時爲郡功曹。郡俗多饗。百里內縣皆齋牛酒到府宴飲。時太守司徒歐陽歛臨饗。

禮訖。教曰。西部督郵絲延。天資忠貞。稟性公方。典部折衝。摧破姦雄。不嚴而治。書曰。安民則惠。黎民懷

之。蓋舉善以教則不能者勸。今與諸儒共論延功。顯之于朝。主簿讀教。戶吏引延受賜。曄前跪曰。司正舉

以君之罪告謝于天。明府有言而誤。不可覆掩。按延資性貪邪。外方內圓。朋黨構拾補改作構。姦罔上害民。所

在荒亂。虛而不治。怨慝並作。百姓苦之。而明府以惡爲善。股肱莫爭。此既無君。又復無臣。君臣俱喪。孰與

偏有。君雖傾危。臣子扶持。不至於亡。曄敢再拜奉觥。歛甚慙。

謹按。禮。諫有五。風爲上。狷爲下。故人則造膝。拾補曰。公羊傳是辟字。而後來承用皆作膝。出則詭辭。拾補曰。文選求贈劉前車注。引下二句。上有禮曰二字。善則稱君。

過則稱己。暴諫露言。罪之大者。而歛於饗中。用延爲吏。以紫亂朱。大妨王命。造次顛沛。不及諷諭。雖舉觥。疆歛

可行也。今曄久見授任。職在昭德塞違。爲官擇人。知延貪邪。罔上害民。所在荒亂。怨慝並作。此爲惡積愆。非一

且一夕之漸也。孔子以匹夫。朋徒無幾。習射嬰相之鬪。三哲拾補曰。與誓同。逸周書。商誓解。哲王作誓王。而去者過半。汝南中土大郡。方

城四十。養老復敬。拾補曰：或疑教。化之。拾補曰：或有脫字。至延姦豐彰著。無與比崇。臧文仲有言。見無禮於君者。若鷹鷂之逐鳥雀。農夫之務去草也。何敢宿留。不即彈黜姦佞。而須於萬人之中乃暴引之。是為陷君。君子不臨深以為高。不因少以為多。況創病君父以為己功者哉。而論者苟眩虛聲。以為美諺。汝南·楚之界也。其俗急疾有氣決。然自君章之後。轉相放式。好干上怵。以采名譽。末流論起於愛憎而政在陪隸也。

司空穎

編者案：應作穎。

川韓稜。少時為郡主簿。太守

拾補增葛字。並曰：脫孫據韓稜傳補。

興被風病。恍忽譟亂。稜陰扶輔其政。出入

二年。署置教令。無愆失。興子嘗出教欲轉徙吏。稜執不聽。由是發露被考。興丞官。稜坐禁固。章帝即位。一切原除也。

謹按。易稱守位以仁。尚書。無曠庶官。詩云。彼君子不素餐兮。論語。陳力就列。不能者止。漢典。吏病百日。應免。所以卹民急病。懲俗逋慝也。今興官尊任重。經略千里。當聽訟侍祠。班詔勸課。早朝盱食。夕惕若厲。不以榮祿為樂。而以黔首為憂。位過招殃。靈柩其聾。風疾恍惚。有加無瘳。稜統機括。知其虛實。當聽上病。以禮選引。何有上欺天子。中誣方伯。下誑吏民。扶輔耄亂。政自己出。雖幸無闕。罪已不容於誅矣。為人謀而不忠。愛人而以姑息。凡人不可。況於君子乎。上令興負貪昧之罪。子被署用之愆。章問洵赫。父子湮沒。執事如此。謂禮義何。稜宜禁固終身。中原非是。

太原周黨伯況。少為卿

拾補改作卿。下同。

佐發黨過於人中辱之。黨學春秋長安。聞報讐之義。較講下辭歸報讐。到

與卿佐相聞。期鬪日。卿佐多從。正往。使卿佐先拔刀。然後相擊。佐欲直令正擊之。黨被創困乏。佐服其義。勇。復興養之。數日蘇興。乃知非其家。即徑歸。其立勇果乃至於是。

謹按。孝經。身體髮膚。受之父母。不敢毀傷。孝之始也。樂正子春下堂而傷足。三月不出。既瘳矣。猶有憂色。身無擇行。口無擇言。脩身慎行。恐辱先也。而伯況被發則得就業。卿佐雖云凶暴。何緣侵已。今見辱者。必有以招之。身自取焉。何尤於人。親不可辱。在我何傷。凡報讐者。謂爲父兄耳。豈以一朝之忿而肆其狂怒者哉。既遠春秋之義。殆今拾補改先祖不復血食。不孝不智。而兩有之。歸其義勇。其義何居。

汝南陳茂君因爲荊州刺史。時南陽太守灌恂本名清能。茂不入宛城。引車到城東。爲友人衛修母拜到州。

拾補曰。此下叙次舛錯甚。不明白。今欲稍加改易。未必盡如元文。但略使情事分明而已。此數語先叙茂之本意如此。然後到州也。恂拾補改先是茂客。仕蒼梧還。拾補增茂字拾補曰。此到修家。方正叙故

知上是先探茂之本意。不然複矣。見修母婦。說修坐事繫獄當死。因詣府門。移辭乞恩。隨輩露首入坊中。容止嚴恪。鬚眉甚偉。

太守大驚。不覺自起立。賜巾延請。甚嘉敬之。卽焉出修。南陽士大夫謂恂拾補改能解救修。茂彈繩不撓。

修竟極罪。恂亦以它事去。南陽疾惡拾補改殺修。爲之語曰。衛修有事。陳茂治拾補改之。衛修無事。陳茂殺之。

謹按。春秋。王人之微。處于諸侯之上。坐則專席。止則專館。朱軒駑駘。威烈赫奕。就恂素爲官速謗。當便入傳。

引見詰問。糾其贓狀。以時列聞。文王日昃不暇食。周公坐而俟旦。且非爲己私皆公也。何有忘百姓塗炭之急。便

迺光昭舊交之門乎。鮑宣州牧行部。多宿下亭。司直舉劾。以爲輕威損命。坐之刑黜。今茂泯棄天常。進止由己。

孰使毀之。拾補曰。文小人譽之。自我爲之。古人病諸。以爲大譏。茂與修善。由鴟鴞之愛其子適所以害之者。

度遼將軍安定皇甫規威明。連在大位。欲退避弟。拾補曰。范書爲弟。注亦數上病不見聽。會友人上郡太守王曼

物故。規素縞拾補改到亭迎喪。發服送之。因令客密告并州刺史胡芳。言規擅遠軍營。赴私違公。當及

拾補曰。范舉奏。答曰。威明欲得避弟。故作激發。我爲朝廷惜其功用。何能爲此私家計耶。規後爲中郎將督

并涼益三州。時有黨事。懼見及。因先自上言。臣前薦故太常張煥

拾補曰：范書作故大司農張奐，與由大司農轉太常，規處以自代之時，奐為中郎將。

才任

將帥。是附黨也。又臣論輸左校時。太學生張鳳等上書訟臣。是為黨人所附也。昔有畏舟之危而自投水者。

蓋憂難與處。樂其亟決。

孔逄曰：案與范應氏謹案述此語作於處。於義校長。此皇甫規自言。身負大罪。憂難安處。冀朝廷亟決。心以為樂。故應氏斷之云。殺決可也。即承規自請之辭而言。盧氏謂規罪不至此。斥仲遠言之太易。未喻其指。

謹按。詩云。淑人君子。其儀不忒。其儀不忒。正是四國。傳曰。一心可以事百君。百心不可事一君。論語。夫子温

良恭儉讓以得之。立朝忘家。即戎忘身。身且忘之。況於弟乎。方殊俗越盜大為邊害。朝廷比辟公

拾補曰：三字疑衍。

吁食。

規義在出身折衝弭難。而誅伐已定。當見鎮慰。何有挾功苟念去位。弟實雋德。不患無位。而徒闢茸。何所堪施。

疆推轂之。亂儀干度。孝武皇帝為驃騎將軍霍去病治弟舍。勅令視之。曰。匈奴不滅。何以家為。去病外戚末屬。

一切武夫。尚能抗節洪毅。而規世家純儒。何獨負哉。又以黨事先自勞銜。如有自驗。其於及已

拾補曰：此下有脫文。

求不可得。唯是從何憚於病。曰畏舟之危。自投於水。憂難於處。樂其亟決。主幸必不坐。太誓有云。民之所欲。天

必從之。天作孽猶可違。自作孽不可追。人之所忌。炎自取之。蓋

拾補曰：指實德。

嚴

拾補曰：當謂嚴助。然其死不因言事。

楊惲。勳著王室。言

事過差。皆伏大辟。以隆主威抑驕侵也。規顧弟私也。離局姦也。誘巧詐也。畏舟慢也。四罪是矣。殺決可也。

拾補曰：規之罪不至此。何言之太易耶。

南陽五

拾補曰：五姓乃五子符之後。

世公為廣漢太守。與司徒長史段遼叔同歲。遼叔太

拾補改作大。

子名舊。才操鹵鈍。小子髡

既見齒鄉黨。到見股肱曰。太守與遼叔同歲。恩結締素。薄命早亡。幸來臨郡。今年且以此相饒舉其子。如無

罪得至後歲。貫魚之次。敬不有違。有主簿柳對曰。明府謹終追遠。興微繼絕。然舊實不如髡。宜可授之。世

公於是厲聲曰。丈夫相臨。兒女尚欲舉之。何謂高下之間耶。釋兄用弟。此為故殃段氏之家。豈稱相遭遇之

意乎。竟舉舊也。世公轉換南陽。與東萊太守蔡伯起同歲。欲舉其子。伯起自乞子瓚尙弱。而弟琰幸以成人。

是歲舉琰。明年復舉瓚。瓚十四未可見衆。常稱病遣詣生交。拾補曰：疑到十八乃始出治劇。平春長。上書。臣甫

弱冠。未任宰御。乞留宿衛。尙書劾奏瓚年受選。減年遊劇。請免瓚官。詔書左遷武當左尉。會車騎將軍馮緄

陵南征武蠻夷。緄與伯起同時公府辟。瓚爲軍曲候。瓚歸臥家。軍功除新陽長。官至下邳相。

謹按。古無孝廉。唯有貢士。貢士恩義。經傳無以拾補曰：疑文也。春秋。諸侯朝覲會遇。大夫亦豫其好。禮記曰。大夫

三月葬。同位畢至。此言謹終悼亡。不說子弟當見寵拔也。魯有右拾補改作右。並曰：右左傳作厚。成叔聘衛。右宰穀拾補曰：呂氏春秋觀表篇有臣字。

留而觴之。陳樂而不樂。酒酣而不飲拾補曰：二字衍。送拾補增以璧。拾補曰：下有脫文。今約呂氏及孔叢陳士義篇兩書之文補之。其補及甯喜之難作右宰穀死之后成叔使人迎十七字。其

妻孥拾補曰：兩書皆作隔。疑字誤。宅而居之。分祿而食之。其子長乃拾補增反其二字。並曰：二字脫。兩書有辟。孔子稱可寄百里之命。託六

尺之孤。臨大節而不可奪。相於編者案：似應作與。之義。具於此矣。語有曰。白頭如新。交蓋如舊。簞食壺漿。會於樹陰。臨

別眷眷。念在報効。何有同歲相臨而可拱默者哉。春秋因其可褒而褒之。若乃世公二郡之舉。斯爲過矣。然世人

亦多淺薄。在者無拾補曰：闕二字。之拾補曰：闕一字。亡者無顧覆之施。飢寒緩急。視之若遺。非徒如此而已。至有可否之際。受

刑誅者。人各有心。兩不得中。夫孝廉平除則有社稷民人。傷及民人。實宜料度以爲後圖。

汝南戴幼起。三年服竟。讓財與兄。將妻子出客舍中住。官池田以耕種。爲上計史。獨車載衣資。表汝南太守

上計史戴紹車。後舉孝廉。爲陝編者案：應作陝。令。

謹按。禮有東宮西宮。辟子之私不足則資有餘。亦歸之於宗也。此言兄弟無離異之義也。凡讓財者。類與拾補增

弟子。弟尙幼。恩情拾補曰：脫一字。注。希有與兄。既出之日。可居冢下。冢無屋。宗家猶有贏拾補改田廬。田可首拾補

改作 粥力 拾補曰：粥身又見下卷，乃勤力之意。 者耳。何必官池客舍。既推獨車。復表其上。為其 拾補曰：似倒。 飾僞。良亦昭晰。幼起同辟。有

薛孟嘗者。與弟子共居。弟子常求分。力 拾補曰：范書作包，乃孟嘗之名。上薛字下或當有包字。 不能止。固 拾補改：作因。 乃聽之。都與奴婢引其老者。

曰。與我共事。汝不能使之。田屋取其荒壞者。曰。我 拾補曰：范書作吾。 少時所作買。 拾補曰：范書作理。 意所戀也。器物取其久者。

曰。我服食久。身口安之也。外有共分之名。內實十三耳。子弟 拾補改：作弟子。 無幾盡之。輒復更分。如此者數。傳稱袁盎

三兄子分而供其公家之費。此則然矣。論語。泰伯三讓。民無得而稱之焉。何有讓數十萬。畏人而衍不知。欲令噉

噉乃如是乎。方之袁。薛。差以千里。凡同居。上也。通有無。次也。讓。其下耳。況若幼起仍 拾補曰：疑。 斯不足貴矣。

江夏太守河內趙仲讓。舉司隸茂材。為高唐令。密乘轡車徑至高唐。變易名姓。止都亭中十餘日。默入市里。

觀省風俗。已呼亭長。問新令為誰。從何官來。何時到也。曰。縣已遣吏迎。垂有起居。曰。正我是也。亭長怖

遽拜謁。竟便具吏。其日入舍。乃謁府。數十日。無故便去。為郡功曹。所選頗有不用。因稱狂。亂首走出府門。

太守以其宿有重名。忍而不罪。後為大將軍梁冀從事中郎將。 拾補曰：衍。御覽無。 冬月。坐庭中。向日解衣裘捕虱。已

因傾臥。厥形悉表露。將軍夫人襄城君云。不潔清。當亟推問。將軍嘆曰。是趙從事。絕高士也。他事若此非

一也。

謹按。詩云。不愆不忘。率由舊章。左氏傳曰。舊章不可無也。凡張官置吏為之律度。故能攝罔其位。天下無覬覦

也。今仲讓不先謁府。乃徑到縣。俱 拾補曰：譌。疑是伺。 諜吏民。爾乃入舍。論語。升車必正立執綏不 拾補曰：六字定後人妄增。正立執綏於此義無

所當。何故引之。魯論語無不字。漢人引用多從魯。 內顧。不掩不備。不見人短見。 拾補曰：本有外字。 禮記。戶 拾補曰：本 有二屨。不入。將上堂。聲必揚。家

且猶若此。況於長吏乎。君子之仕。行其道也。民未見德。唯詐是聞。遠薦功曹。策名委質。就有不合。當徐告退。



古既待放。須起

拾補曰：二字疑譌。

乃逝。何得亂道。

孔遂曰：秦自云：因稱狂亂。首走出府門。則道當作首。

進退自由。傲很天常。若無君父。洪範陳五事。

以貌爲首。孝經列三法。以服爲先。仲讓居有田業。加之祿賜。勢可免凍餒之厄。未必須冬日之煖也。利不體皆此

也。

拾補曰：六字當爲衍文。

河內。殷之舊都。國分爲三。康叔之風既激。而紂之化由存。其俗士大夫本矜

拾補曰：當有一夸字。

好大言

而少實行。

風俗通義 卷四 過譽

# 風俗通義卷五

漢 汝南應劭著

## 十反

易記出處默語。書美九德咸事。同歸殊塗。一致百慮。不期相反。各有云尚而已。是故伯夷讓國以探薇。展禽不去於所生。孔丘周流以應聘。長沮隱居而耦耕。墨翟摩頂以放踵。楊朱一毛而不爲。拾補曰。或是應字協韻。干木息偃以藩魏。

包胥重靈扎透曰。案靈當爲靈之誤。而存郢。夷吾朱紘。拾補曰。應作紘。以三歸。平仲辭邑而濯纓。惠施從車以百乘。拾補增桑字。扈徒步而裸

形。甯戚商歌以干祿。顏闔踰墻而遁榮。高柴趣門以避難。季路求入而隕零。端木結駟以貨殖。顏回屢空而弗營。

孟獻高字以美室。原憲落門而株櫪。傳曰。人心不同。有如其面。古今行事。是則然矣。比其舛曰十反。

太尉沛國劉矩叔方。拾補增叔字。並曰脫。據范書補。父字叔遼。累祖卿尹。好學敦整。土名不休揚。又無力援。仕進陵遲。而叔

方雅有高問。遠近偉之。州郡辟請。未嘗答命。往來京師。委質通門。太尉徐防。拾補曰。孫云。范書作朱範。太傅桓焉。二公

嘉其孝敬。慰感契濶。爲之先後。叔遼由此辟公府。博士徵。議郎。叔方爾乃翻然改志。以禮進退。三登台袞

號爲名宰。陽翟令左馮翊田輝叔都。兄字威都。俱合。拾補曰。疑合。純懿。不隕洪祚。叔都最爲知名。郡常欲拾補曰。

疑脫使字。爲察授之。拾補曰。衍。輝恥越賢兄。懼不得免。因緣他疾。遂託病瘖。家人妻子莫知其情。人數恐灼。持之

有度。後在田舍。天連陰雨。友人張子平吉仲考等密共穿踰。奪取衣衾。窮夜獨處。迫切至矣。然無聲響。拾補

改作徒喑喑而已。子平因前抱持曰。我。某公也。謂汝避兄耳。何意真然耶。天喪斯人。吾儕將何效乎。相對

獻歛。哀動左右。間積四歲。威都果舉。遷安定長史。據輜垂綬。還歷鄉里。薦祀祖考。叔都沃醴神坐。頽仰因

語。是月。司隸·太尉·大將軍同時並辟。為侍御史。舉茂材。不幸早隕。威都官至武都太守。太尉掾拾補曰。圓

下。當移三字之上。文選王憲集序注引。太尉范滂。辨於持論。蓋脫一掾字。編者案。舊刻各段用。隔開。即拾補所謂團圍也。拾補意謂太尉掾三字應與下段汝南范滂孟博相連。汝南范滂孟博。天資聰淑。辯於持論。

舉孝廉。光祿主事。京師歸德。四方影附。父字叔矩。遭母憂。既葬之後。饋粥不贍。叔矩謂其兄弟。禮不言事

辯。拾補曰。即辨字。辯非。此當句。杖而起。今俱匍匐號咷。上闕尊爵。下困餬口。非孝道也。因將人客於九江田種畜牧。多所

牧獲。以解債。負土成冢立祀。三年服闋。二兄仕進。叔矩以自替於喪紀。獨寢墳側。服制如初。哀猶未歇。郡

舉至孝。拜中司勾章長。病去官。博士徵。兄憂不行。司徒梁國盛允字子嗣。孔逄曰。案後漢書桓帝紀李注云。允字

東有漢司徒盛允墓碑。允字伯世。梁國虞人也。鄠引碑文。最為可據。後漢書注世作代者。唐人避太宗諱改耳。此作嗣實當為嗣字。嗣與世音正相近也。漢隸嗣或作嗣與嗣形近。故傳寫易誤。前篇禮篇河南尹太山羊嗣祖。後漢書羊陟傳作字嗣祖。嗣亦嗣之誤。是其證矣。為議

郎。慕孟博之德。貪樹於有禮。謂孟博。家公區區。欲辟大臣。宜令邑人廉薦之。孟博厲聲曰。老夫拾補改年

尊。絕意世事。又海內清高。當路非一。退而告人。子嗣欲德我。我不受也。子嗣亦以恨。遂不得辟。孟博病去

受事。而常幹宰相之職。

謹按。禮。父為士。子為天子。武王建有周之號。諡大王。王季。言王業肇於此矣。越裳重九譯獻白雉。周公薦陳祖

廟。曰。先人之德。有天下。尊歸於父。此人道之極。前漢詔曰。海內大亂。兵革並起。朕被堅執銳。自率士卒。犯危

難。平暴亂。偃兵息民。天下大安。此皆太公之教訓也。今上尊號曰太上皇。春秋之義。因其可褒而褒之。孝經曰。

敬其父則子悅。叔矩則其孝敬。則粥身苦思。率禮無違矣。則其友子。則襄兄委榮。盡其哀情矣。則其學藝。則家法

洽覽。誨人不倦矣。則其政事。則施於已試。靡有闕遺矣。君子百行。子產有四。凡在他姓。尚宜褒之。況於父乎。

敬意之至。猶川夷悅。況於寵族乎。抗爽言以拒厚旨。抑所生以爲己高。忍能厲然獨享其榮。若乃不令之下愚。流貨財於權嬖。此罪人也。日輝託疾。上也。劉矩屈體。次也。范滂。吾無取焉耳。

巴郡太守太山但拾補曰：孫云御覽四百二十一作任望伯門拾補曰：御覽作閱爲司徒掾。同產拾補增弟字。並曰舊無御覽有然可省子作客殺拾補增人字繫拾補增獄字望

自劾去。星行電征。數日拾補曰：二歸趨拾補曰：御覽作便道詣府。路首肉袒辭謝。太守太尉李固謝拾補改作請與相見。頓頭流

血。自說弟薄命早亡。以孤爲託。無拾補曰：御覽作望失二字是義方之教。自陷罪惡。自拾補改作息男穿拾補改作國。並曰穿以上皆本御覽改既與知

情。幸有微胤。乞以代之。言甚哀切。李公達於原度即活出之。拾補曰：八字御覽作李公於是原活用之高店令樂安周糾。拾補曰：范書作瑳托

遂曰：案糾疑則之誤。古從參聲。身聲字多通用。集韻五十一幼有玅字。云玉器孟玉爲大將軍掾。弟子使客殺人。捕得。太守盛亮陰爲宿留。糾亦自劾去詣

府。亮與相見。不乞請。又不辭謝。亮告賓客。周孟玉欲作抗直。不恤其親。我何能枉憲乎。遂斃於獄。弟婦不

哭死子。而哭孟玉。世人誤之。猶以爲高。

謹按。春秋。叔牙爲慶父殺般。閔公。拾補曰：叔牙欲弑而未成。即爲季子。酖死。其弑二君皆慶父也。此誤記大惡之甚。而季子緣獄有所歸。不探其情。緩追

逸賊。親親之道。州吁既殺其君。而虐用其人。石碯惡之。而厚與焉。大義滅親。君子猶曰純臣之道備矣。於恩未

也。君道無將。王誅宜耳。今二家之子幸非元惡。但望誠心內發。哀情外露。義動君子。合禮中矣。周糾苟執果毅。

忽如路人。昔樂羊爲魏伐中山。歃其子羹。文侯壯其功而疑其心。秦西巴蜀拾補改作違。並曰蜀因連巴字而誤寫。非其形聲可求。今定作違。扎遂曰。案蜀當爲觸。周禮司刑

鄭注引尚書大傳云。觸易君命。盧校非。命放獸。拾補改作鹿。並曰。下云。鹿猶不忍。明當作鹿字。而孟氏旋進其位。麇猶不忍。況弟子乎。孟軻譏無惻隱之心。傳曰。於

厚者薄。則無所不薄矣。

豫章太守汝南封祈武興。泰山太守周乘子居。爲太守拾補增守字李張所舉。函封未發。張病物故。夫人於柩側下帷。

見六孝廉曰。李氏蒙國厚恩。據重任。咨嘉休懿。相授歲貢。上欲報稱聖朝。下欲流惠氓隸。今李氏獲保首領。以天年終。而諸君各懷進退。未肯發引。妾幸有三孤。足統喪紀。正相追隨。蓬敷拾補曰。梁處素疑敷字。墳柏。何若曜德。

王室。昭顯亡者。亡者有靈。實寵賴之。歿而不朽。此其然乎。於是周乘顧謂左右。諸君欲行。周乘當止者。

拾補曰。有脫文。莫逮郎君。盡其哀惻。乘與鄭伯堅即日辭行。祈與黃叔度。郵伯嚮。盛孔叔。留隨輜輶。乘拜郎。遷陵長。

治無異稱。意亦薄之。某官與祈相反。拾補曰。此句文有譌脫。編者案。反似爲及之訛。俱爲侍御史。公車令。享相位焉。

謹按。孝經。資於事父以事君。君親臨之。厚莫重焉。春秋國語。民生於三。事之如一。禮。斬衰。公士大夫衆生

拾補改作臣。孔遂曰。案生當作臣。儀禮喪服斬衰經云。公士大夫之衆臣爲其君布帶繩屨。仲遂即引彼文。爲其君。乘雖見察授。函封未發。未離陪隸。不與賓於王爵。諸臨城社。

民神之主也。義當服懃。關其祀紀。夫人雖有懇切之教。蓋子不以從令爲孝。而乘慕然要勒同儕。去喪即寵。謂能

有功異也。明試無效。亦旋告退。安在其顯君父德美之有。

河內太守府拾補曰。疑衍。廬江周景仲嚮。拾補曰。范書本傳作嚮。每舉孝廉。請之上堂。家人宴飲。皆令平仰。言笑晏晏。如是三

四。臨發。贈以衣齊。皆出自中。子弟中外過歷職署。踰於所望。曰。移臣作子。於之何有。拾補曰。四字吳志周璠傳注亦同。范書云。臣子同

貫。若之。何不厚。河內太守司徒穎編者案。應作穎。川韓演拾補曰。張璠漢紀作續。伯南。舉孝廉。唯臨辭一與相見。無所寵拔。曰。我已舉

若。豈可令恩偏積於一門乎。

謹按。春秋左氏傳。失舉無他也。唯善所在。親疎一也。祁奚稱其讐不爲諂。立其子不爲比。舉其偏不爲黨。建一官而三物成。晉國賴之。君子歸焉。蓋人君者。關門閉窓。號咷博求。得賢而賞。聞善若驚。無適也。無莫也。周不綜臧否。而務蘊崇之。韓演不惟善是務。越此一槩。夫不擇而疆編者案。應作疆。用之。與可用而敗之。其罪一也。

安定太守汝南胡伊伯建。

拾補曰：下疑有脫字。

平長樊紹孟建。俱爲司空虞放掾屬。故編者案：疑遜位。自劾還家。郡以伊

爲主簿。迎新太守。曰。我是宰士。何可委質於二朝乎。因出門名戶占繫陳國。紹曰。柳下惠不去父母之國。

君子不辭下位。獨行服事。後公黃瓊大以爲恨。移書汝南論正主者吏絕紹文書。而更辟伊。

謹按。春秋。尊公曰宰。其吏爲士。言於四海無所不統焉。孟軻稱不枉尺以直尋。況於枉尋以直尺。柳下惠不枉道

以事人。故三黜而不去。孔子謂之不恭。今紹見編會以禮遊引耳。其義不同於此。伊心明審。自求多福。近靈帝之

末。司徒掾弘農董君考上名典君事。不得自効。暫以家急假。太守季崇請乞相見。頰領功曹。與俱班錄訖。乃謝

遣。時公袁隗意亦非之。然拾補曰：疑隗不字。彈糾。自是之後。彌以滋甚。郡用從事。縣用府吏。上下溷淆。良可穢也。詩云。

雖無老成人。尙有典刑。國之大綱也。可不申勅小懲而大戒哉。

宗正南陽劉祖奉。

拾補曰：祖是其名。奉必是共字。或上或下必有脫文。

爲郡屬曹吏。左騎校尉薛丞君卓爲戶曹史。太守公孫慶當祠章陵。舊

俗常以衣冠子孫容止端嚴學問通覽任顧問者以爲御史。

拾補曰：疑衍。

時功曹白用劉祖。祖曰。旣託帝王肺腑。過

聞前訓。不能備光輝胥附之任。而當側身陪乘。執策握革。有死而已。無能爲役。薛丞因前自白。今明公垂出。

未有御者。雖云不敏。敢充人之。

拾補改作之。

周旋進對。補察時闕。言出成謨。大見敬重。亦以祖爲高。歲盡俱舉

孝廉。

謹按。周禮。保氏掌六藝之教。其一曰御。論語曰。吾何執。執御乎。子適衛。冉子僕。有政事之士。列於四友。然猶

御者。不爲役也。春秋左氏傳。晉悼公卽位。程鄭爲乘馬御。訓羣騶知禮。今國家大駕。大僕親御。他出。奉車都

尉

拾補增御字。

寧可復言執策握革。而辭讓之乎。凡黔首皆五帝子孫。何獨今之肺腑當見優異也。宗廟之人。或在剛拾補改作

曠。人之化也。何日之有。舊時長吏質樸。子皆駕御。故曰從兒。君臣父子。其揆一也。臣不肯御乎。拾補改作子豈可然。公子拾補曰疑孫遂偃蹇不使。下陵上替。能無亂乎。劉祖幸免罪戾。而見褒賞。公孫於是失政刑矣。

聘士彭城姜肱伯雅。拾補曰孫云范書肱本傳字伯雅以其弟字仲海季江例之是淮非雅明矣京兆韋著休明。靈帝踐祚。太后臨朝。陳寶以忠見害。

中常侍賈節秉國之權。大作威福。冀寵名賢。以弭己謗。於是起家肱為犍為太守。著東海相。肱告其人。拾補改作友。吾以虛獲實。蘊藉聲價。盛明之際。尚不委質。況今政在家哉。遂乘桴浮海。莫知其極。而著驩以承命。駕言宵征。民不見德。唯戮是聞。論輸左校。

謹按。易稱君子之道。或出或處。或默或語。傳曰。朝廷之人。入而不能出。山林之士。往而不能返。言各有長也。孔子嘉虞仲夷逸作者七人。亦終隱約。姜肱高尙其事。見得思義。豈不綽綽有餘裕哉。韋著邁種其德。少有云補。可也。虐刑以逞。民心怨痛。德薄位尊。力小任重。古人懼旃。鮮能拾補曰疑衍不及矣。

趙相汝南李統少幼。為冀州刺史。阮拾補曰阮者案四部叢刊影印本阮字為墨釘況所奏。耳目不聰明。股肱掾史。咸用忿憤。

欲詣闕自理。統聞知拾補曰日衍之。歷收其家。遣吏追還曰。相久忝重任。負於素餐。年漸七十。禮在懸車。頃被

疾病。念存首丘。比自乞歸。未見聽許。州家幸能為。相得去。實上願也。居無幾。果徵。時冀州有疑獄。章帝

見問統。統處當詳平。克厭上心。拾補增帝字曰。君大聰明。刺史拾補曰御侵君。拾補增耳字統曰。臣受國厚恩。官尊祿

重。不能自竭。有以報稱。久抱重疾。氣力羸露。耳聾目眩。守虛隕越。自分奄忽填壑。猥得承望闕廷。親見御

座。不勝其喜。權時有瘳。辭出之後。必復故也。刺史不侵臣也。上悅其遜。即日免況。拜統侍中。司徒九江

朱伉。以年老為司隸。虞詡所奏耳目不聰明。見掾屬大怒。曰。顛而不扶。焉用彼相。君勞臣辱。何用為。於是



東閣祭酒周舉曰。昔聖帝明王。莫不歷象日月星辰。以爲鏡戒。熒惑比有變異。豈能手書密以上聞。俛曰。可自力也。舉爲創草。臣聞。易曰。天垂象見吉凶。觀乎天文以察時變。臣竊見九月庚辰。今月丙辰。過熒惑於東井辟金光輝合并。移時乃出。拾補增經術淺末。不曉天官。見其非常。昭昭再見。誠切拾補改怪之。拾補增臣字

懣憤。夫月者。太陰。熒惑。火星。不宜相干。臣聞盛德之主。不能無異。但當變改有以供御。孔子曰。雖明天

子。熒惑必謀禍福之徵。慎察用之。孝宣皇帝地節元年。月蝕熒惑。明年有霍氏亂。孔子曰。火上不可握。熒惑

班變不可息志。帝應其修無極。此言熒惑火精。尤史家所宜察也。楚莊曰。災異不見。寡人其亡。今變異屢臻。

此天以佑助漢室。覺悟國家也。臣誠懼史官畏忌。不敢極言。惟陛下深留聖思。按圖書之文。鑒古今之戒。召

見方直。極言而靡諱。親賢納忠。推誠拾補曰。疑脫四字。二字屬上句。又二字當是天之。應人。猶影響也。宋景公有善言。熒惑徙舍。延年

益壽。況乎至尊。感不旋日。書曰。天威拾補曰。與畏通。棗謀。言天德輔誠也。周公將沒。戒成王。以左右常伯。常任

準人。綴衣虎賁。言此五官。存亡之機。不可不謹也。臣願陛下思周且之言。詳左右清禁之內。謹供養之官。嚴

宿衛之身。申勅屢省。務知戒慎。以退未萌。以此無彊。編者案。應作彊。謹匍匐自力手書密上。上覽俛表。嘉其忠謨。

俛目數病。手能細書。詔案大臣。苟肆私意。詔坐上謝。俛蒙慰勞。

謹按。論語。能以禮讓爲國乎。何有。夫子温良恭儉讓以得之。傳曰。心苟不競。何憚於病。朱俛位極人臣。視事數

年。訖無一言彌縫時闕。又俛年且九十。足以悞憤。義當自引。以避賢路。就使有枉。欣以俟命耳。何能拾補乃發

忿。欲自提理。周舉爲人謀而不忠。維訖拾補曰。二字疑。匡陳起自營衛。夫奉義順之謂禮。愛人而不以德。不可謂仁。信不

由中。文辭何爲。向遇中宗永平之政。救罪不暇。何慰勞之有。李統內省不疚。進對温雅。明主是祭。終爲長者。

蜀郡太守穎編者案。應作穎。川劉勝季陵拾補曰：范書作林。去官在家。閉門却掃。歲時致敬郡縣。答問而已。無所褒貶。雖自枝

葉莫拾補曰：疑脫。為致二字。力。太僕杜密周甫亦去北海相在家。每至郡縣。多所陳說。牋記括拾補曰：疑聒。屬。太守王昱頗厭苦

之。語次。聞得京師書。公卿舉故大臣。劉季陵高士也。當急見徵。密知以見激。因曰。明府在九重之內。臣吏

惶畏天威。莫敢盡情。劉勝位故大夫。見禮上賓。俯伏甚於蠶螟。冷澁比如拾補改。作於。寒蟬。拾補曰：范本作蟬。無能往來。

此罪人也。清雋就義。隱居篤學。時所不綜。而密達之。寃疑勳賢。成陳之罪所折。拾補曰：疑有譌脫。而密啓之。明府賞

刑得中。令聞休揚。雖自天然之姿。猶有萬分之一。詩不云乎。雨我公田。遂及我私。人情所有。庶不為闕。既

不善是。多見譏論。夫何為哉。於是昱甚悅服。待之彌厚。

謹按。論語。澹臺滅明非公事未嘗至於偃之室也。君子思不出其位。孟軻亦以為達則兼濟天下。窮則獨善其身。

劉勝在約思純。其靜已甚。若時意宴及。言論折中。亦無嫌也。杜密婆娑府縣。干與王政。就若所云。猶有公私。既

見譏切。不蹙坐謝負。而多伐善。以為己力。惟顏之厚。博而俗矣。

# 風俗通義卷六

漢 汝南應劭著

## 聲音

易稱。先王作樂崇德。殷薦之上帝。以配祖考。詩云。鐘鼓鐃鐃。磬管錡鎗。降福穰穰。書曰。擊石拊石。百獸率舞。鳥獸且猶感應。而況於人乎。況於鬼神乎。夫樂者。聖人所以動大地。感鬼神。成性類者也。故黃帝作咸池。顓頊作六莖。嚳作五英。堯作大章。舜作韶。禹作夏。湯作護。武王作武。周公作勺。勺。言能斟勺先祖之道也。武。言以拾補增武字。並曰說。意林有。功定天下也。護。言救民也。夏。大承二帝也。韶。繼堯也。拾補曰。意林作韶者。紹。紹堯也。大章。章之也。五英。英華茂也。六莖。及根莖也。咸池備矣。其後周。至陵遲。禮崩樂壞。諸侯恣行。競悅所習。桑間。濮上。鄭。衛。宋。趙之聲。彌以放遠。洎湮心耳。乃忘平和。亂政傷民。致疾損壽。重遭暴秦。遂以闕忘。拾補曰。似當作亡。漢興。制氏世掌大樂。頗能紀其鏗鏘。而不能說其義。武帝始定郊祀。巡省。告封。樂官多所增飾。然非雅正。故繼其條暢曰聲音也。昔皇。拾補曰。與黃通。此條當提行起。帝使伶倫自大夏之西。崑崙之陰。取竹於解谷。生其竅厚均者。斷兩節而吹之。以爲黃鐘之管。拾補曰。漢書呂覽皆作宮。制十二筩。以聽鳳之鳴。其雄鳴爲六。雌鳴亦爲六。天地之風氣正而十二律之五聲於是乎生。八音於是乎出。聲者。宮。商。角。徵。羽也。音者。土曰埴。匏曰笙。革曰鼓。竹曰管。絲曰絃。石曰磬。金曰鐘。木曰柷。詩曰。鶴鳴九臬。聲聞于天。書。八音克諧。無相奪倫。由是言之。聲本音末也。

## 商

謹按。劉歆鐘律書。商者。章也。物成熟可章度也。五行爲金。五常爲義。五事爲言。凡歸爲臣。

### 角

謹按。劉歆鐘律書。角者。觸也。物觸地而出。戴芒角也。五行爲木。五常爲仁。五事爲貌。凡歸爲民。

### 宮

謹按。劉歆鐘律書。宮者。中也。居中央。暢四方。倡始施生爲四聲綱也。五行爲土。五常爲信。五事爲思。凡歸爲君。

### 徵

謹按。劉歆鐘律書。徵者。祉也。物盛大而繁祉也。五行爲火。五常爲禮。五事爲視。凡歸爲事。

### 羽

謹按。劉歆鐘律書。羽者。宇也。物聚藏宇覆之也。五行爲水。五常爲智。五事爲德。凡歸爲物。故聞其宮聲使人溫潤而廣大。聞其商聲使人方正而好義。聞其角聲使人整齊而好禮。聞其徵聲使人惻隱而博愛。聞其羽聲使人善養而好施。宮聲亂者則其君驕。商聲錯者則其臣壞。角聲繆者則其民怨。徵聲洪者則其事難。羽聲差者則其物亂。春宮秋律百卉必彫。秋宮春律萬物必榮。夏宮冬律雨雹必降。冬宮夏律雷必發聲。夫音樂至重。所感者大。故曰。知禮樂之情者能作。識禮樂之文者能述。作者之謂聖。述者之謂明。明聖者。述作之謂也。

### 塤

一作塤者。古今字也。

謹按。世本。暴辛公作塤。詩云。天之誘民。如塤如篪。塤燒土拾補據北堂書鈔增爲之二字也。圍五寸半。長三寸半。有四孔。其二

通。凡爲六孔。

### 笙

謹按。世本。隨作笙。長四寸。十二簧。像鳳之身。正月之音也。物生故謂之笙。詩云。我有嘉賓。鼓瑟吹笙。大笙謂之簧。小者謂之和。

### 鼓

謹按。易稱鼓之以雷霆。聖人則之。不知誰所作。拾補曰。御覽造。宋書樂志同。也。鼓者。郭也。春分之音也。萬物。拾補據初學記。郭曰。初學記作鼓。此同御覽。方言云。張小使人謂之廓。郭與廓通。皮。拾補曰。甲而後。甲而出。故謂之鼓。周禮六鼓。雷鼓八面。拾補增靈鼓。六面四字。路鼓四面。拾補增靈。鼓二字。鼙。拾補。周禮。作鼙。鼓晉鼓皆二面。詩云。擊鼓其。論語。小子鳴鼓而攻之可也。

### 管

謹按。詩云。嘒嘒管聲。簫管備舉。禮樂記。管漆竹。長一尺。六孔。十二月之音也。拾補據北堂書。鈔御覽增象字。物貫地而牙。故謂之管。尚書大傳。舜之時。西王母來獻其白玉琯。昔章帝時。零陵文學奚景。拾補曰。文選開居。賦注引多一仲字。於冷。拾補改。作冷。道舜祠下得。拾補從初學。生記改作笙。白玉管。知古以玉爲管。後乃易之以竹耳。夫以玉作音。故神人和。鳳皇儀也。

### 瑟

謹按。世本。必。拾補曰。當依。卷首作瑟。長二字。八尺一寸。四十五絃。黃帝書。泰帝使素女鼓瑟而悲。帝禁不止。故破其瑟爲二十五絃。春秋。師曠爲晉平公奏清徵之音。有玄鶴二八從南方來。進於廊。拾補曰。韓非十過。門之扈。拾補曰。當作。危。韓非地注。棟端也。再奏之而成列。三奏之則延頸而鳴。舒翼而舞。音中宮商。聲聞于天。平公大說。坐者皆喜。平公提觴而起。

為師曠壽。反坐而問曰。音莫悲於清徵乎。師曠曰。不如清角。平公曰。清角可得聞乎。師曠曰。不可。昔黃帝駕象車拾補增六字交龍。畢方並轄。蚩尤居前。風伯進掃。雨師灑道。虎狼拾補曰。韓多在前鬼神四字。在後。重拾補改蛇伏地。拾補曰。韓有風大皇覆上四字。合鬼神於泰山之上。作為清角。今主君德薄。不足以聽之。聽之將恐有敗。平公曰。寡人老矣。所好者音也。願遂聞之。師曠不得已而鼓之。一奏之。有雲從西北起。再奏之。暴風亟至。大雨編者案。似應作澍。沛。裂帷幕。破俎豆。墮廊瓦。凡坐者散走。平公恐懼。伏於室側。編者案。似應作側。身遂疾痛。拾補曰。韓作癢病。晉國大旱。赤地三年。故曰。不務德拾補曰。韓作聽。治而好五音。則窮身之事也。今瑟長五尺五寸。非正器也。

### 磬

謹按。世本。毋向作磬。尚書。豫州錫貢磬錯。詩云。笙磬同音。論語。子磬擊編者案。似應作擊。於衛。有荷蕢而過者。曰。有心哉。

### 鐘

謹按。世本。垂作鐘。秋分之音也。詩。鼓鐘于宮。聲聞於外。論語云。樂云樂云。鐘鼓云乎哉。周景王將鑄大鐘。單穆公諫。夫先王之制鐘也。大不出均。重不過石。律度量衡。於是乎生。小大器用。於是乎出。故聖人慎之。今王作鐘。聽之弗及。比之不度。鐘磬拾補依周語改作磬。不可以知和。制度不可以出節。無益於樂。而鮮民財。將焉用之。

### 祝

謹按。禮樂記。祝漆桶方畫木。方三尺五寸。高尺五寸。中有椎。上拾補曰。疑止字。當云止其名也。文有脫誤。案爾雅所以鼓祝謂之止。郭注。止者其椎名也。當依此補之。用祝止音為節。書曰。合止祝啟。笙鏞以間。聲所以拾補曰。神覽有有字。下句亦同。五者。繫五行也。音所以八者。繫八風也。傳曰。八音

之變。不可勝聽也。由經五藝六而其枝別葉布繁華無已也。

### 琴

謹按。世本。神農作琴。尙書。舜彈五絃之琴。歌南風之詩。而天下治。詩云。我有嘉賓。鼓瑟鼓琴。雅拾補曰。初學記類聚引無。

案當有琴者。樂之統也與拾補曰。初學記作與。無上統也二字。八音並行。然君子所常御者。拾補曰。此七字初學記作君臣以相御。類聚多一也字。北堂書鈔亦與兩書同。琴最親密。不離

於身。非必陳設於宗廟鄉黨。非若鐘鼓羅列於虞懸也。拾補曰。此二句御覽作非若。鐘鼓陳於宗廟列於虞懸也。雖在窮閭陋巷。深山幽谷。猶不失

琴。以爲琴之大小得中而聲音和。大聲不譁人。拾補據初學記改作謹譁。而流漫。小聲不湮滅而不聞。適足以和人意氣。感人拾

曰。初學記發。善心。故琴之爲言禁也。雅之爲言正也。言君子守正以自禁也。夫以正雅之聲。動感正意。故善心勝。邪惡

禁。是以古之聖人君子。慎所以自感。因邪禁之適。故近之。間居則爲從容以致思焉。如有所窮困。其道閉塞。不

得施行。及有所通達而用事。則著之於琴。以抒其意。以示後人。其道行和樂而作者。命其曲曰暢。暢者。言其道之

美暢。猶不敢自安。不驕不溢。好禮不拾補曰。下脫一字。以暢其意也。其遇閉塞憂愁而作者。命其曲曰操。操者。言遇蓄遭害

困厄窮迫。雖怨恨失意猶守禮義。不懼不懾。樂道而不失。拾補曰。宋世家集解引作改。其操者也。伯子牙方鼓琴。鍾子期聽之而

意在高山。子期曰。善哉乎。巍巍若太山。頃之間而意在流水。鍾子又曰。善哉乎。湯湯若江河。子期死。伯牙破琴

絕絃。終身不復鼓。以爲世無足爲音者也。今琴長四尺五寸。拾補據御覽增者字。法四時五行也。七絃者。法七星也。拾補曰。御覽法七

星也。下又有大絃爲君小絃爲臣文。武王加二絃以合君臣之恩。二十一字。與君臣以相御義合。

### 空侯

又坎侯。拾補曰。一日坎侯。初學記亦有類聚曰。作名此亦正文。不當旁注。

謹按。漢書。孝武皇帝賽南越。禱祠太乙。后土。始用樂人侯調依琴作坎坎之樂。拾補作坎侯。並曰。作坎坎之樂譌。言其坎坎應節奏拾

曰也。侯以姓冠章耳。或說空侯取其空中。琴瑟皆空。何獨坎侯耶。斯論是也。詩云。坎坎鼓我。是其文也。

### 箏

謹按。禮樂記。拾補增五絃筑身也。拾補曰。宋書樂志引箏筑身而瑟絃。錢按。通鑑注卷六十一引云。箏。秦聲。五絃筑身。箏者上圓象天。下半象地。中空象六合。弦柱十二。擬十二月。乃仁智之器也。下接今并涼云云。今并涼二

州。箏形如瑟。不知誰所改作也。或曰。秦蒙恬所造。

### 筑

謹按。太史公記。燕太子丹遣荆軻欲西刺秦王。與客送之易水。而設祖道。高漸離擊筑。荆軻和歌。爲濮上音。拾補改

變徵之音。並曰爲濮上音。譌。以史記校改。士皆垂髮。拾補曰。史淚。涕泣。後拾補改爲羽聲。慷慨而索。拾補改髮盡上指冠。荆軻入秦。事敗而死。

漸離變名易姓爲人庸保。匿作於宋子。久之。作苦。聞其家堂上客擊筑。伎養。拾補曰。文選射雉賦。注作養。乃正體。不能。拾補據文選注增出言曰。彼有善不善。從者告其主曰。彼庸乃知音。竊言是非。家丈人作樂。召前使擊筑。一坐稱美。拾補改

家訓作無。賜酒。而漸離念久畏約母窮已時。乃退。出。拾補增裝匣中筑與其善衣。更容貌而前。莫不驚愕。下與亢禮。拾補改

編者案。美亦可通。以爲上客。使擊筑。拾補增無不涕泣。拾補曰。史記作流涕。而去者。宋子客傳。拾補改之聞於秦始皇。始皇召見。人有譏者。

乃高漸離。始皇惜其善擊筑。重殺之。乃矐其目。使擊筑。未嘗不稱善。稍益近之。漸離乃以鉛置筑木。拾補曰。中。後

拾補改進得近。舉筑扑。拾補改始皇。不中。於是遂誅。作復。作朴。

击

謹按。易稱日昃之離。不鼓缶而歌。詩云。坎其擊缶。宛丘之道。缶者。瓦器。所以盛。拾補據北堂書鈔增酒字。漿。秦人鼓之以節

歌。太史公記。趙惠文王與秦昭王會於澠池。秦王飲酒酣。曰。寡人竊聞趙王好音。請奏瑟。趙王鼓瑟。秦御史前



曰。某日秦王與趙王會飲。令趙王鼓瑟。藺相如前曰。竊聞秦王善爲秦聲。請奏缶以相樂。秦王怒。不許。於是相如進曰。五步之內。相如請得以頸血濺大王矣。左右欲刃相如。拾補曰。當重。張目叱之。皆靡。於是秦王不懌。爲一擊缶。相如顧召御史書曰。秦王爲趙王擊缶也。

### 笛

籟同  
謹按。拾補增。禮字。樂記。武帝時。拾補曰。書鈔。有工人二字。丘仲之所作也。笛者。滌也。所以蕩滌邪穢。納之於雅正也。長二拾補據初學記書鈔改皆

作一。並曰。類聚無。尺四寸。七孔。其後又有羌笛。馬融笛賦曰。近世雙笛從羌起。羌人伐竹木拾補改。作未字。及已。龍鳴水中不見後

拾補改。作已。截竹吹之音相似。剡其上孔通洞之。材以當槌便易特。編者案。似應作持。京君明賢拾補曰。衍。識音律。故本四孔加以

一。君明所加孔後出。是謂商聲五音拾補增。畢字。

### 批把

拾補曰。釋名皆從木。  
謹按。此近世樂家所作。不知誰也。拾補曰。初學記不知所起。御覽同。以手批把。因以爲名。長三尺五寸。法天地人與五行。四絃象四

時。

### 竽

謹按。禮編者案。似脫樂字。記。管拾補改。作筩。三十六簧也。長四尺二寸。今二十三管。

### 簧

謹按。世本。女媧作簧。簧。笙中簧也。詩云。吹笙鼓簧。承筐是將。

### 簫

謹按。周禮。籥師氏掌教國子吹籥。詩云。以籥不僭。籥。樂之拾補曰。籥。竹管三孔。所以和衆聲也。

簾拾補曰。簾。籥同。與池同。

謹按。世本。蘇成公作簾。管樂。十孔。長尺一寸。詩云。伯氏吹塤。仲氏吹簾。

### 簾

謹按。尚書。舜作簾韶九成。鳳凰來儀。其形參差。像鳳之翼。十管。長一尺。拾補曰。類聚長三尺。御覽長尺二寸。與初學記頌簾同。

### 籟

謹按。禮樂記。三孔籟也。大者謂之產。其中謂之仲。小者謂之約。拾補曰。說與爾雅同。按說文籟字下云。大者謂之筮。其中謂之籟。產字似譌。又籟是目。何以反遺之。此當從說文。疑後

人誤依爾雅改之。

### 菝

謹按。漢書舊注。菝。吹鞭也。菝者。憊也。言其節憊威儀。

荻拾補改作萩。並曰荻譌。下同。

謹按。漢書注。荻。箛也。拾補曰。說文。箛。吹箛也。言其聲音荻荻。名自定也。

# 風俗通義卷七

## 窮通

漢 汝南應劭著

易稱懸象著明。莫大乎於編者案日月。然時有昏晦。詩美滔滔江漢。南北拾補曰。國之誤似非異文。之紀。然時有壅滯。論語。固天縱之。莫盛於聖。然時有困否。日月不失其體。故蔽而復明。江漢不失其源。故窮而復通。聖久編者案。似應作人。不失其德。故廢而復興。非唯聖人俾爾亶厚。夫有恆者亦允臻矣。是故君子厄窮而不閔。勞辱而不苟。樂天知命。無怨尤焉。故錄先否後喜曰窮通也。

孔子困於陳蔡之間。七日不嘗粒。藜羹不糝。而猶絃琴於室。顏回擇菜於戶外。子路。子貢相與言曰。夫子逐於魯。削迹於衛。拔樹於宋。今復見厄於此。殺夫子者無罪。籍夫子者不禁。夫子絃歌鼓篋未嘗絕音。蓋君子之無恥也若此乎。顏淵編者案。依上文。此似亦應作回。無以對。以告孔子。孔子恬然。推琴喟然而歎曰。由與賜小人也。召。吾語之。子路與子貢入。子路曰。如此可謂窮矣。夫子曰。由。是何言也。君子通於道之謂通。窮於道之謂窮。今丘抱仁義之道。以遭亂性拾補改作世。並曰據呂氏慎人篇改。下同。之患。其拾補增所也二字。何窮之爲。故內省拾補增而字。不疚於道。臨難而不失其德。大寒既至。霜雪既降。吾是以知松柏之茂也。昔者。桓公得之莒。晉拾補曰。文公得之曹。越得之會稽。陳。蔡之厄。於立編者案。應作丘。其幸乎。自衛反魯。刪詩。書。定禮。樂。制春秋之義。著素王之法。復相定公會于夾谷。昭舊以正其禮。抗辭以拒其侮。齊人謝過。來歸鄆。讎。龜陰之田焉。

孟軻受業於子思。既通。游於諸侯。所言皆以爲迂遠而濶於事情。然終不屈道趣舍。枉尺以直尋。嘗仕於齊。位至卿。後不能用。孟子去齊。尹士曰。不識王之不可以爲湯武。則是不明也。識其不可。然且至。則是干祿也。千里而見王。不遇故去。三宿而後出晝。是何濡滯也。軻曰。夫尹士烏知予哉。千里而見王。是予所欲也。不遇故去。豈予所欲哉。予不得已也。予三宿而出晝。於予心猶以爲速。王庶幾改諸。王如改之。則必反予。夫出晝而王不予追也。予然後浩然有歸志。魯平公駕。將見孟子。嬖人臧倉謂曰。何哉。君所謂輕身以先於匹夫者。以爲賢乎。樂正子曰。克告於君。君將爲來見也。嬖人有臧倉者沮君。君是以不果。曰。行或使之。止或尼之。行止非人之所能也。吾不遇於魯侯。天也。臧氏之子焉能使我予不遇哉。又絕糧於鄒薛。困殆甚。退與萬章之徒序詩。書。仲尼之意。作書中外十一篇。以爲聖王不作。諸侯恣行。處士橫議。楊朱墨翟之言盈於天下。天下之言不歸楊則歸墨。楊氏爲我。是無君也。墨氏兼愛。是無父也。無父無君。是禽獸也。楊墨之道不息。孔子之道不著。是邪說誣民充塞仁義也。仁義充塞則率獸食人。人將相食也。吾爲此懼。閑先王之道。距楊墨。放淫辭。正人心。熄邪說。以承三聖者。予豈好辯哉。予不得已也。梁惠王復聘請之。以爲上卿。

孫況。齊威宣王之時。聚天下賢士於稷下。尊寵

拾補增之字

若鄒衍·田駢·淳于髡之屬甚衆。號曰列大夫。皆世所稱。咸

作書刺世。是時孫卿有秀才。年十五

拾補曰。史作五十。以所當之世考之。似此是。

始來遊學。諸子之事皆以爲非先王之法也。孫卿善爲詩。

禮·易·春秋。至襄王時。而孫卿最爲老師。齊尙循

拾補曰。史作脩。劉向序錄同。

列大夫之缺。而孫卿三爲祭酒焉。齊人或讒孫卿。

拾補增孫卿二字

乃適楚。楚相春申君以爲蘭陵令。人或謂春申君。湯以七十里。文王以百里。孫卿·賢者也。今與之百里

地。楚其危乎。春申君謝之。孫卿去之。游趙。應聘於秦。是時七國交爭。尙於權詐。而孫卿守禮義。貴術籍。雖見窮

擯而猶不黜其志。作書數十篇。疾濁世之政。拾補增七字。並曰：史有臧輔。又曰：舊無七字。可不補。史作亡國。亂君。此作國亂君危。不可合爲一。屈原傳作亡國亂君相隨屬。國亂君危。史無。

相屬。不遵。拾補曰：史記劉向皆作遂。大道而營乎巫祝。信禳祥。蘇秦張儀以邪道說諸侯。以大貴顯。拾補增孫卿二字。隨向作退。劉

曰。夫不以其道進者。必不以其道士。拾補改作亡。又小五伯。以爲仲尼之門。羞稱其功。後客或謂春申君曰。伊尹去夏入

殷。殷王而夏衰。管仲去魯入齊。魯弱而齊疆。編者案。應作疆。故賢者所在。君尊國安。今孫況。天下賢人。所去之國其不

安乎。春申君使請孫況。況遺春申君書。刺楚國。因爲歌賦以遺春申君。拾補依劉向書。補春申君恨復固謝孫卿孫卿十一字。因不得已乃行。復

爲蘭陵令焉。

虞卿。游說之士也。一見趙孝成王。賜黃金百鎰。白璧一雙。再見拜爲上卿。故號爲虞卿。其後范雎之仇魏齊亡過

平原君。於是秦昭王請平原君。願爲布衣之交。與飲數日。請曰。周文王得呂尙而以爲太公。齊桓得管夷吾而以

爲仲父。今范君亦寡人之叔父也。范君之仇在君之家。願使人取其頭。不然。吾不出君於關。平原君曰。貴而交者

爲賤也。富而友者爲貧也。夫魏齊者勝之交也。在固不出。況今又不在臣所乎。昭王乃遺趙王書曰。范君之仇

魏齊在平原君家。王使人疾持其頭來。不然。吾舉兵而伐趙。又不出王之弟於關。趙孝成王乃發卒圍平原君家急。

魏齊夜亡。出見趙相虞卿。虞卿度趙王終不可說。乃解其印。與魏齊間行。念諸侯莫可以赴急者。乃復走大梁。欲因

信陵以至楚。而信陵君聞之。畏秦。猶與未肯見。曰。虞卿何如人哉。時侯嬴在旁。曰。人固未易知。知人亦未易

也。夫虞卿一見趙王。賜白璧一雙。黃金百斤。再見拜爲上卿。三見平。拾補據史記范雎傳改作卒。受相印。拾補增封字。萬戶侯。當是之

時。天下爭知之。夫魏齊窮困過虞卿。虞卿不敢重爵祿之尊。解相印。捐萬戶侯。而間行以急士窮而歸公子。公

子曰。何如人。知人固未易也。信陵君大慙。駕如野迎之。魏齊間。拾補改作聞。信陵君之初重見之。大怒而自刎。趙王

聞之。卒取其頭與秦。秦乃遣平原君。虞卿遂留於魏。魏趙畏秦。莫復用。困而不得意。乃著書八篇。號虞氏春秋焉。

孟嘗君遂於齊。見反。譚

拾補曰齊策有拾字

子迎於澶。

拾補曰當作澶。霍時江云。水經注淄水云。澶水出時水東。去臨淄城十八里。困學紀聞傳寫作澶字。書未嘗有澶字也。此即孟子宿於畫之畫。今本亦誤作畫。

曰。君怨

於齊大夫乎。孟嘗君曰。有。譚子曰。如意則殺之乎。夫富貴則又編者案似爭歸之。貧賤則人爭去之。此物之必至而理之固然也。願君勿怨。請以市論。朝而盈焉。夕而虛焉。非朝愛之而夕憎之也。求在故往。亡故去。孟嘗君曰。謹受命。於是削所怨者名而已。

韓信常從南昌亭長食。數月。亭長妻患之。乃晨早食。食時。信往不爲具食。信亦知意。遂絕去。釣城下。有一漂母見信饑。飯之。竟漂數十日。信曰。吾必重報母。母怒曰。大丈夫不能自食。吾哀王孫耳。豈望報乎。淮陰少年有侮信者。曰。君雖姣麗。好帶長劍。怯耳。能死。刺我。不能。則出我跨下。於是信熟視之。俛出跨下。匍匐。一市人皆笑。以爲信怯。後佐命大漢。功冠天下。封爲楚王。賜所食母千金。及亭長與百錢。公小人也。爲德不竟。召辱信之少年以爲中尉。告諸侯將相曰。此人壯士也。方辱我時。豈不能殺之。殺之無名。故忍至於此也。

韓安國爲梁中大夫。坐法抵罪。蒙獄吏田甲辱安國。安國曰。死灰獨不復燃乎。田甲曰。然則溺之。居無幾。梁內史缺。孝景皇帝遣使者即拜安國爲內史。起徒中爲二千石。田甲亡。安國曰。甲不就官。我滅乃宗。甲肉袒謝安國。笑曰。公等可拾補曰漢書是與治乎。卒善遇之。

李廣去雲中太守。屏居藍田南山中。射獵。當夜從一騎出飲田間還。霸陵尉呵止廣。廣騎曰。故李將軍。尉曰。今將軍尙不得夜行。何故也。宿亭下。居無何。匈奴入遼西。大爲邊害。於是孝武皇帝乃召廣爲北平太守。廣請霸

陵尉與俱。至軍。斬之。上書謝罪。上報曰。將軍者國之爪牙也。司馬法曰。登車不式。遭喪不服。振旅撫師。以征不服。率三軍之心。同戰士之力。故怒形則千里竦。威振則萬物伏。是以名聲暴於夷貊。威稜澹乎鄰國。夫報忿除害。捐殘去殺。朕之所圖於將軍也。若乃免冠徒跣。稽顙請罪。豈稱朕之指哉。

太尉沛國劉矩叔方爲尙書令。失將軍梁冀意。遷常山相。去官。冀妻兄孫禮

拾補曰。范書劉矩傳作禮。

爲沛相。矩不敢還鄉里。

訪友人彭城環玉都。玉都素敬重矩。欲得其意。喜於見歸。爲除處所。意氣周密。人有請玉都者。禍至無日。何宜爲其主乎。玉都因事遠出。家人不復占問。暑則鬱蒸。寒則凜凍。且飢且渴。如此一年。矩素直亮。衆談同愁。冀亦舉寤。轉薄爲厚。上補從事中郎。復爲尙書令。五卿三公。爲國光鎮。玉都慙悔自絕。

司徒中山祝恬。

字拾補曰。

伯休。公車徵。道得溫病。過友人鄴令謝著。著距不通。因載病去。至汲。積六七日。止客舍中。諸生曰。今君所苦沈結。困無醫師。聞汲令好事。欲往語之。恬曰。謝著。我舊友也。尙不相見視。汲令初不

相知。語之何益。死生命也。醫藥曷爲。諸生事急。坐相守。吉凶莫見收舉。便至寺門口白。時令汝南應融義高聞之。驚愕。卽嚴使出。徑詣牀蓐。手自收

編者案。似應作收。

摸。對之垂涕。曰。伯休不世英才。當爲國家幹輔。人何有生相知者。默止客舍。不爲人所知。邂逅不自貞哉。家上有尊老。下有弱小。願相隨俱入解傳。伯休辭讓。融遂不聽。歸取

衣車。厚其薦蓐。躬自御之。手爲丸藥。口嘗饘粥。身自分熱。三四日間。加甚劣極。便制衣棺器送終之具。後稍加損。又謂伯休。吉凶不諱。憂怖交心。間粗作備具。相對悲喜。宿止傳中數十餘日。伯休彊健。入舍後室家酣宴乃別。伯休到拜侍中。尙書。僕射。令。豫章太守。大將軍從事中郎。義高爲廬江太守。八年。遭母喪。停柩官舍。章百餘上。得聽行服。未闋。而恬拜司隸。薦融自代。歷典五郡。名冠遠近。著去鄴。淺薄流聞。不爲公府所取。

司徒穎編者案。應作穎。川韓演伯南為丹陽太守。坐從兄季朝為南陽太守刺探尚書。演法車徵。以非身中賊。豐道路。聽

其從容。至蕭。蕭令吳斌。演同歲也。未至。謂其賓從。到蕭乃一相勞。而斌內之獷狂。堅其鑲挺。扎逐曰。案挺疑當作。礎。說文木部云。礎距

也。躬將兵馬。送之出境。從事汝南閻符迎之於杼秋。相得。拾補曰。疑當有甚權二字。令止傳舍。解其桎梏。入與相見。為致餽異。

曰。明府所在流稱。今以公徵。往便原除。不宜深入。拾補曰。衍。以介意。意氣過於所望。到亦遇赦。其間無幾。演為沛

相。斌去官。乃拾補改。作及。臨中台。首辟符焉。

太傅汝南陳蕃仲舉去光祿勳。還到臨穎。編者案。應作穎。巨陵亭。從者擊亭卒數下。亭長閉門。收其諸生人客。皆獸毒

痛。欲復收蕃。蕃曰。我故大臣。有罪。州郡尚當先請。今約勅兒客無素。幸皆坐之。何謂乃欲相及。相守數時。會

行亭掾至。因乃得免。時令范伯弟亦即殺其亭長。蕃本召陵。拾補曰。疑脫人字。父梁父令。別仕平輿。拾補曰。或當有因家焉三字。其祖河東

太守。家在召陵。歲時往祠。以先人所出。重難解亭。止諸冢舍。時令劉子興亦本凡庸。不肯出候。股肱爭之。爾乃

會其冢上。蕃持板迎之。長跪。令徐乃下車。即編者案。似應作既。坐。不命去板。辭意又不謙恪。蕃深忿之。令去。顧謂賓客。

平輿老夫何欲。拾補曰。疑。召陵令哉。不但為諸家。拾補曰。疑。疑。疑。故耶。而為小豎子所慢。孔子曰。假我數年乎。其明年。桓帝赫

然誅五侯鄧氏。海內望風草偃。子興以臧。拾補改。作臧。似誤。疾。拾補曰。見彈。埋於當世矣。蕃起於家為尚書僕射。太中大夫。

太尉。

謹按。尚書曰。人惟求舊。詩云。雖有兄弟。不如友生。論語。久要不忘平生之言。周禮。九兩友以任得民。是以隋

拾補曰。隨省。如周隨之亦省為隋也。會圖其身而不遺其友。鮑叔度其德而固推管子。厥後陵遲。彌已凋翫。伐木有鳥鳴之刺。拾補。臧。鏞曰。此三家

說。蔡邕。正交。論亦有斯語。谷風有弃予之怨。陳餘。張耳攜手逃秦。友。拾補曰。疑交。猶父子。及據國爭權。還為豺虎。目。編者案。漢所稱。王。應作自。



貢彈冠。蕭·朱結綬。博·育復隙其終。拾補曰：當本是末字。張陳凶其終。蕭朱隙其末。是王丹語。後人誤以博育復隙爲句。因改末爲終。以與下始字連文耳。始以交爲難。況容悅偶合而能申固其好者哉。故長平之吏移於冠軍。魏其之客移於武安。鄭當拾補曰：省一時字。如晉重耳之言晉重。汲黯亦旋復然。翟公疾之。乃書其門。一死一生。乃知交情。一貴一賤。交情乃見。自古患焉。非直今也。韓信寵秩出跨下之人。斯難能也。安國不念舊惡。合禮中平。拾補改作乎。李廣因威歸忿。非義之理。宣尼暨陳皆降而復升。兼濟天下。唯虞卿逼於彊秦。獨善其身。續述篇籍。垂訓後昆。昔子夏心戰則糶。道勝如肥。何必高位豐爵以爲融懿也。



# 風俗通義卷八

漢 汝南應劭著

## 祀典

禮。天子祭天地山川歲徧。春秋國語。凡禘·郊·宗·祖·報·此五者國之典禮。加之以社稷山川之神。皆有功烈於民者也。及前哲令德之人。所以爲質者也。及天之三辰。所昭仰也。拾補曰：祭法是瞻仰。此與漢書郊祀志同。地之五行。所生殖也。九州名山川澤。所出財用也。非是族也。不在祀典。禮矣。拾補曰：孫云：禮字似在下文。又曰中間脫在此。但下卷所引亦同。或二字皆衍文。論語。非其鬼而祭之。詔也。又曰。淫祀無福。是以泰山不享季氏之旅。而易美西鄰之禴祭。蓋重祀而不貴牲。敬實而不求華也。自高祖受命。郊祀祈望。世有所增。武帝尤敬鬼神。于時盛矣。至平帝時。天地六宗已下及諸小神凡千七百所。今營寓夷泯。宰器闕亡。蓋物盛則衰。自然之道。天其或者欲反本也。故記叙神物曰祀典也。

## 先農

謹按。春秋左氏傳曰。夏四月。三卜郊。不從。乃免牲。孟獻子曰。吾乃今而知有卜筮。夫郊祀后稷以祈農事也。是故啓蟄而郊。郊而後耕。今既耕而卜郊。宜其不從也。周四月。今二月也。先農之時也。孝文帝二年正月詔曰。農者。天下之本。其開籍田。朕躬帥耕以給宗廟粢盛。今民間名曰田官。拾補乙作官田古者使民如借。故曰籍田。

## 社神

孝經說。社者。土地之主。土地廣博。不可徧敬。故封土以爲社而祀之。報功也。周禮說。二十五家置一社。但爲田

祖報求。詩云。乃立冢土。又曰。以御田祖。以祈甘雨。

謹按。春秋左氏傳曰。共工有子曰勾龍。佐顓頊。能平九拾補曰。記作水。土。爲后土。故封爲上公。祀以爲社。非地祇。

### 稷神

孝經說。稷者。五穀之長。五穀衆多。不可徧祭。故立稷而祭之。

謹按。春秋左氏傳。有烈山氏之子曰柱。能殖百穀疏果。故立以爲稷正也。周棄亦以拾補曰。記無。爲稷正也。周棄亦

以爲稷。拾補曰。八字衍。自商以來祀之。禮緣生以事死。故社稷人祀之也。則祭稷穀。不得稷米。稷反自食也。拾補曰。此文有譌。當

云若稷是穀神。祭之用稷。反自食也。也與耶通。應氏以社稷是人神。駁孝經說。其實上所引出。援神契文不全。通典亦引其說。云。稷乃原隰之中。能生五穀之祇。原隰之祇。祭穀何害。孔遂曰。案。盧校非也。則與卽字通。不得稷米。稷當作不得以稷米祭稷。此篇說社稷五祀。皆本許氏五經異義說。禮記郊特牲。孔疏引異義。許君謹案。禮緣生及死。故社稷人事之。既祭稷穀。不得但以稷米祭。稷反自食。可據以校此文。而邾文公用繒子于次睢之社。司馬子魚諫曰。古者六畜不相爲用。

祭以爲人也。民人神之主也。用人其誰享之。詩云。吉日庚午。既伯既禱。豈復殺馬以祭馬乎。孝經之說於斯悖矣。米拾補改。作未。之神爲稷。故以癸未日祠稷於西南。水勝火爲金相也。

### 靈星

俗說。縣令問主簿。靈星在城東南何法。主簿仰答曰。唯靈星所以在東南者亦不知也。

漢書郊祀志。高祖五年。初置靈星。祀后稷也。歐。拾補改。作歐。爵籩揚。田農之事也。

謹按。祀典。既以立稷。又有先農。無爲靈星復祀后稷也。左中郎將賈逵說。以爲龍第三有天田星。靈者。神也。故祀以報功。辰之神爲靈星。故以壬辰日祀靈星於東南。金勝木爲土相也。

## 竈神

禮器記曰。臧文仲安知禮。燔柴於竈。竈者。老婦之祭也。故盛於盆尊於瓶。

周禮說。顓頊氏有子曰黎。爲祝融。祀以爲竈神。

謹按。明堂月令。孟冬之月。其祀竈也。五祀之神。王者所祭。古之神聖有功德於民。非老婦也。漢記。南陽陰子方

積恩好施。喜祀竈。臘日晨炊而竈神見。再拜受神。拾補曰。范書慶字。是。時有黃羊。因以祀之。其孫識。執金吾。封原鹿侯。

興。衛尉。颯陽侯。家凡二侯。拾補曰。孫云。案陰興卒於光武世。未嘗封侯。永平初乃封興子慶爲颯陽侯。興弟就新陽侯。慶弟博灑強侯。凡侯者四人。不止二侯也。牧守數十。其後子孫常以臘日

祀竈以黃羊。

## 風伯

楚辭說。後飛廉使奔屬。飛廉。風伯也。

謹按。周禮。以神燎祀風師。風師者。箕星也。箕主簸揚。能致風氣。易。巽爲長女也。長者。伯。故曰風伯。鼓之以

雷霆。潤之以風雨。養成萬物。有功於人。王者祀以報功也。戌之神爲風伯。故以丙戌日祀於西北。火勝金爲木

相也。

## 雨師

春秋左氏傳說。共工之子爲玄冥師。

拾補曰。案左氏昭元年傳。昔金天氏有裔子曰昧。爲玄冥師。又廿九年傳云。少皞氏有四叔。脩及熙爲玄冥。說者謂昧當是熙脩之後。金天氏少皞也。非共工。共工有子曰句龍。爲后土。亦見傳。

此疑誤說。鄭大夫子產禳於玄冥。

拾補曰。二字當重。雨師也。

拾補曰。意林作雨師玄冥也。

謹按。周禮以禋燎祀雨師。雨師者。畢星也。詩云。月離於畢。俾滂沱矣。易師卦拾補改作卦。又移莫若水下衆者師於此。而改作師者衆也。也。土中之衆者莫若水。衆者師也。雷震百里。風亦如之。至於太山。不崇朝而徧雨天下。異於雷風。其德散大。故雨獨稱師也。丑之神爲雨師。故以己丑日祀雨師於東北。土勝水爲火相也。

### 桃梗 葦菱 畫虎

謹按。黃帝書。上古之時。有拾補增神字。並曰脫。文選東京賦注有。御覽同。茶與鬱壘。拾補曰。路史餘論謂獨風俗通作鬱律。案高誘注國策作鬱雷。續漢禮儀志中注引作鬱。昆弟二人。性

能執拾補曰。御覽伏。鬼。度朔山上章桃樹。拾補據御覽增二人坐樹四字。下簡閱百鬼。拾補曰。御覽重。無道理妄爲人禍害。拾補曰。御覽者。茶與鬱壘

縛以葦索。執以食虎。於是縣官常以臘除夕飾桃人。垂葦菱。畫虎於門。皆追效於前事。冀以衛拾補改作禦。凶也。桃

梗者。更也。歲終更始。受介祉也。戰國策。齊語拾補曰。曰衍。孟嘗君將西入秦。諫者千數而弗聽。蘇秦欲止之。曰。

臣之來也。過於濇。拾補改作濇。下同。並曰。即濇字。作濇譌。上有土偶人焉。與桃梗相與語。拾補據御覽增桃梗二字。謂土偶人曰。子西岸之土也。埏

子以爲人。至歲八月。天霖雨。濇水至。則子殘矣。曰。不然。吾西岸之土也。殘則復西岸耳。今子東國桃木也。削

子以爲人。隆拾補曰。策作降。雨下。濇水至。洸拾補曰。策作流。子而拾補據國策增去字。汎汎將何如矣。夫秦。四塞之國。譬若虎口。而

入之。則不知其可。孟嘗乃止。春秋左氏傳曰。魯襄公朝楚。會楚康王卒。楚人使公親綏。公患之。叔孫穆子曰。祓

殯而綏。則布帛拾補改作幣。也。乃使巫以桃茷先祓殯。楚人弗禁。旣而悔之。古者。日在北陸。而藏冰。深山窮谷。其藏

之也。黑牡秬黍以享司寒。其出之也。桃弧棘矢以除其災也。葦菱。傳曰。葦葦有藜。呂氏春秋。湯始得伊尹。祓之

於廟。薰以萑葦。周禮。卿大夫之子名曰門子。論語。誰能出不由戶。故用葦者。欲人子孫蕃殖不失其類。有如萑

葦。菱者。交易。陰陽代興也。虎者。陽物。百獸之長也。能執搏挫銳。噬食鬼魅。拾補曰。續漢志注。能擊鷙牲食魘魅者也。今人卒得惡遇。

拾補曰：燒悟拾補曰：虎皮飲之。擊拾補曰：御覽繫其爪。拾補曰：御覽亦能辟惡。此其驗也。

### 雄鷄

俗說。雞鳴將旦。爲人起居。門亦昏閉晨開。扞難守固。禮貴報功。故門戶用雞也。

青史子書拾補曰：可不提行說。雞者。東方之牲也。歲終更始。辨秩東作。萬物觸戶而出。故以雞祀祭也。

太史丞拾補曰：舊本皆提行似亦不必鄧平說。臘者。所以迎刑送德也。拾補曰：似誤。下云謝刑德。此當是送刑德。御覽十三引獨斷云：臘但送不迎。況春氣將至。何反言迎刑乎。其誤明矣。大寒至。

常恐陰勝。故以戌日臘。戌者。溫氣也。用其氣日殺雞以謝刑德。雄著門。雌著戶。以和陰陽。調寒配水。札遂曰：調寒配

水疑當作調寒暑配。水旱配字亦疑有誤。節風雨也。

謹按。春秋左氏傳。周大夫賓孟適郊。見雄雞自斷其尾。歸以告景王曰。憚其爲犧也。山海經曰。祠鬼神皆以雄

雞。魯郊祀常以丹雞祀日。拾補改作祝曰以其朝聲。拾補改作斯鷄音。並曰其朝聲譌。皆錢以說文校改。赤羽。去魯侯之咎。今人卒得鬼刺瘳悟。殺

雄雞以傳。拾補改作傳其心上。病賊風者作雞散。拾補據御覽。增治之二字東門雞頭可以治蟲。由此言之。雞主以禦死辟惡也。

### 殺狗磔邑四門

俗說。狗別賓主。善守禦。故著四門以辟盜賊也。

謹按。月令。九門磔禳以畢春氣。蓋天子之城十有二門。東方三門。生氣之門也。不欲使死物見於生門。故獨於九

門殺犬磔禳。犬者。金畜。禳者。却也。抑金使不害春之時。拾補乙作時之所生。令萬物遂成其性。火當受而長之。故曰。

以畢春氣。功成而退。木行終也。

太史公記。秦德公拾補曰：可不提行。始殺狗磔邑四門以禦蠱菑。今人殺白犬以血題門戶。正月白犬血辟除不祥。取法於此也。

### 臘

謹按。韓子書。山居谷汲者臘臘而買。

拾補改作遺。並曰：案韓子作相遺以水。今據改。續漢禮議志作真。亦譌。

水。楚俗常以十

拾補曰：說文無。禮儀志有。

二月

拾補曰：玉篇廣。

韻皆云冀州八月。楚俗二月。今案當作十二月。說文脫十字。後皆承其誤耳。下云嘗新即指八月。言曰臘臘臘。非十二月而何。

祭飲食也。又曰嘗新始殺也。

拾補曰：據續志應刪。

食新

拾補曰：續志無。

曰臘拾補

改作。臘。

### 臘

謹按。禮傳。夏曰嘉平。殷曰清祀。

拾補曰：此與今所傳獨斷合。初學記引作夏曰清祀。殷曰嘉平。與禮記月令正義引蔡邕說同。御覽亦同。

周曰大蜡。漢改爲臘。

拾補曰：正義引秦曰臘。御覽作

臘曰。

臘者。獵也。言田

拾補據正義初學記御覽改作因。

獵取獸

拾補曰：據李善在閑居賦引作言獵取禽獸。一切經音義十四引亦有禽字。當補入。

以祭祀其先祖也。或曰。臘者。

接也。新故交接。故

拾補據御覽改。故作狎獵。大祭以報功也。漢家火行。衰於戊。故

拾補增。此字。

曰

臘也。

拾補曰：御覽作。故以戊爲臘也。

### 祖

謹按。禮傳。共工

拾補據續志增氏字。

之子曰脩。好遠遊。舟車所至。足跡所達。靡不窮覽。故祀以爲祖神。祖者。徂也。詩

云。韓侯出祖。清酒百壺。左氏傳。襄公將適楚。夢周公祖而遣之。是其事也。詩云。吉日庚午。漢家

拾補據續志增火行二字。盛



於午。故以午祖也。

### 禊

謹按。周禮男巫掌望祀望衍。旁招以茅。女巫掌歲時以祓除蠶浴。

拾補曰：見周禮。續漢禮儀志注作疾病文。選顏延平曲水詩序注同。初學記御覽皆同。

禊者。潔拾補

曰：續漢志文選注所引俱作繁字。當從之。

也。春者。蠶也。蠶蠶搖動也。尙書。以殷仲春。厥民析。言人解

拾補據禮儀志注文選注補析也二字。並曰：下尙有脫文。

療生疾

之時。故於水上蠶

拾補曰：御覽蠶。

潔之也。

拾補曰：此下有脫文。當言日。用上已。下方可承。

己者。祉也。邪疾已去。祈分

拾補改作介。

祉也。

### 司命

謹按。詩云。芃芃棫樸。薪之漺之。周禮

拾補增以字。

禋燎

拾補增祀字。

司中。司命。

拾補增司中二字。

文昌

拾補增第五星三字。

也。司中

拾補改作命。

文昌上六

拾補改作第四。

星也。

杜遂曰：案此文當作周禮以禋燎祀司中。命。司命。今本涉上說此二字。

文昌也。司中文昌下。今本

宮星也。云司中文昌下六星。即指三能也。三能即三百六星。在文昌宮之下。開元占經引春秋元命苞云。魁下六星。兩兩而比。曰三能。三能。在斗魁下。則亦在文昌之下矣。此篇說五祀社稷。皆不從康成說。盧氏不察。輒依後鄭義。以改此文。不知仲遠自從先鄭義也。今依康成說。改續漢祭祀志注所引

亦止云文昌上六星也。

禋者。積薪燔柴也。今民間獨祀司命耳。刻木長尺二寸爲人像。行者檐篋中。居者別作小屋。齊天拾補曰：衍。

地大尊重之。汝南餘

拾補改作諸。

郡亦多有。皆祠以腊。

拾補改作腊。並曰：豬同。舊譌腊。

率以春秋之月。



# 風俗通義卷九

漢 汝南應劭著

## 怪神

禮。天子祭天。地。五嶽。四瀆。諸侯。不過其望也。大夫。五祀。士。門戶。庶人。祖。蓋非其鬼而祭之。諂也。又曰。淫祀無福。是以隱公將祭鍾巫。遇賊蔣氏。拾補曰。左傳作蔣。此從史記。二世欲解淫神。閻樂劫弑。仲尼不許子路之禱。而消息之節平。苟馨不從桑林之祟。拾補改。作藥。而晉侯之疾間。由是觀之。則淫躁而畏者。災自取之。厥咎嚮應。反誠據義。內省不疚者。物莫能動。禍轉爲福矣。傳曰。神者申也。怪者疑也。孔子稱土之怪爲墳羊。論語。子不語怪。力。亂。神。故采其見著者曰怪神也。

## 世間多有見怪驚怖以自傷者

謹按。管子書。齊公出於澤。拾補曰。按此事今管子書無之。唯莊子達生篇文。多與此同。齊公作桓公。此脫桓字。又出作田。見衣紫衣。拾補曰。此下莊。有而朱冠三字。大如轂。長如轅。拱手而立。還歸。寢疾。數月不出。有臯士。拾補曰。莊作臯。子告敖。者見公。語驚。拾補曰。語下當有之。字。否則語驚二字衍。曰。物惡能傷公。公自傷也。此所謂澤神委蛇者也。唯霸主乃得見之。於是桓公欣然笑。不終日而病愈。予之祖父邾爲汲令。以夏至日詣見主簿杜宣賜酒。拾補曰。此文似倒。當云主簿杜宣。請見。因賜之酒。文亦有脫也。時北壁上有懸赤弩。照於盃。拾補據類聚。增中共二字。形如蛇。宣畏惡之。然不敢不飲。其日便得胸腹痛切。妨損飲食。大用羸露。攻治萬端。不爲愈。後邾因事過至宣家。闚視。問其變故。云畏此蛇。蛇入腹中。邾還聽事。思惟良久。願見懸弩必是也。則使門下史將鈴下侍徐扶輦載宣於故處設酒。盃中故復有

蛇。因謂宜。此壁上弩影耳。非有他怪。宜遂解。甚夷懼。由是瘳平。官至尙書。歷四郡。有威名焉。

### 世間多有惡夢變難必效

謹按。晏子春秋。齊景公病水十日。夜夢與二日鬪而不勝。晏子朝。公曰。吾夢與二日鬪。寡人不勝。我其死也。晏

子對曰。請召占夢者。立於闈。使拾補據晏子增入字以車迎召拾補曰。晏子無召字。占夢者。至。曰。曷爲見召。晏子曰。公夢與二日

鬪。不勝。恐必死也。占夢者曰。請反具書。晏子曰。無反書。公無所病。病者陰也。日者陽也。一陰不勝二陽。公病

將已。拾補約晏子文補占者以是對五字居三日。公病大愈。且賜占夢者。拾補據晏子補占夢者三字曰。此非臣之功。拾補曰。晏子作力也。晏子教臣

對也。公召晏子。將賜之。晏子曰。占夢者以臣拾補據晏子改作占之言對。故有益也。使臣身言之。則不信矣。此占夢者

之力也。臣無功焉。公召吏而使兩賜之。晏子不爲。拾補曰。二字似倒奪人之功。占夢者不蔽人之能。

### 城陽景王祠

謹按。漢書。朱虛侯劉章。齊悼惠王子。高祖孫也。宿衛長安。年二十。有氣力。高后攝政。諸呂擅恣。章私忿之。嘗

入待宴飲。章爲酒吏。自誦曰。臣將種也。請得軍法行酒。有詔。可。酒酣。章進歌儻。己而復曰。請爲太后耕田歌。

太后笑曰。願汝父知田耳。若生而爲王者子。安知田乎。曰。臣知之。深耕廣拾補曰。漢書概種。立苗欲疏。非其種者。鋟

而去之。太后默然。頃之。諸呂有亡酒者。章拔劍追斬之。而還報曰。有亡酒一人。臣謹行軍法斬之。太后左右大

驚。業許之矣。無以罪也。自是諸呂畏懼。雖大臣亦皆依之。高后崩。諸呂作亂。欲危社稷。章與周勃共誅滅之。尊

立文帝。封城陽王。賜黃金千斤。立二年薨。城陽。今莒縣是也。自琅瑯青州六郡及渤海都邑鄉亭聚落皆爲立祠。

造飾五二千石車。拾補曰。造二千石車五兩也。故下云。商人次第爲之。其非一車明矣。魏志太祖紀注引魏書云。賈人或假二千石輿服導從作倡樂。文各不同。商人次第爲之。立服帶綬。備置官屬。

害殺謳歌。紛籍連日。轉相誑囑。言有神明。其譴問禍福立應。歷載彌久。莫之匡糾。唯樂安太傅陳蕃。濟南相曹操一切禁絕。肅然政清。陳。曹之後。稍復如故。安有鬼神能爲病者哉。予爲營陵令。以爲章本封朱虛。并食此縣。春秋國語。以勞定國。能御大災。凡在於他。尙列祀典。章。親高祖之孫。進說耕田。軍法行酒。時固有大志矣。及誅諸呂。尊立太宗。功冠天下。社稷已寧。同姓如此。功烈如彼。餘郡禁之可也。朱虛與莒宜常血食。於是乃移書曰。到聞此俗。舊多淫祀。糜財妨農。長亂積惑。其侈可忿。其愚可愍。昔仲尼不許子路之禱。晉悼不解桑林之祟。死生有命。吉凶由人。哀哉黔黎。漸染迷謬。豈樂也哉。莫之徵耳。今條丸拾補改禁。申約吏民。爲陳利害。其有犯者。便收朝廷。若私遺脫。彌彌不絕。主者髡截。欺無反已。城陽景王。縣甚尊之。惟王弱冠。內侍帷幄。呂氏恣睢。將危漢室。獨見先識。權發酒令。抑邪扶正。忠義洪毅。其歆禋祀。禮亦宜之。於駕乘烹殺。倡優男女雜錯。是何謂也。三邊分拏。師老器弊。朝廷旰食。百姓囂然。禮興在有。年饑則損。自今聽歲再祀。備物而已。不得殺牛。遠迎他倡。賦會宗落。造設紛華。方廉察之明。爲身計而復僭失。罰與上同。明除見處。勿後中覺。

九江遼

拾補曰。前後漢志俱作遼。

適有唐居

拾補曰。當補二字。

山。

拾補曰。宗均傳作唐后二山。下名字疑是各之誤。作二山是。

名有神。

衆巫共爲取

公嫗。歲

拾補據宗均傳增歲改二字。

易。

男不得復娶。

女不得復嫁。

百姓若

編者案。應作苦。

之。

謹按。時太守宋均到官。主者白出錢給聘男子拾補曰。女。均曰。衆巫與神合契。知其旨欲。卒取小民。不相當。於是勅條巫家男女以備公嫗。巫扞頭服罪。乃殺之。是後遂絕。

會稽俗多淫祀。好卜筮。民一以牛祭。巫祝賦歛受謝。民畏其口。懼被祟。不敢

拒逆。是以財盡於鬼神。產匱於祭。或貧家不能以時祀。至竟言不敢食牛害

拾補改作

肉字或發病且死。先為牛鳴。其畏懼如此。

謹按。時太守司空第五倫到官。先禁絕之。掾更皆諫。倫曰。夫建功立事在敢斷。為政當信經義。言淫祀無福。非其鬼而祭之。謫編者案。應作謫。也。律不得屠殺少齒。令鬼神有知。不妄飲食民間。使共無知。又何能禍人。遂移書屬縣。

曉諭百姓。民不得有出門之祀。督課部吏。張設罪罰。犯。尉以下坐祀拾補曰。疑衍。依託鬼神。恐怖愚民。皆按論之。

有屠生拾補曰。疑牛。輒行罰。民初恐怖。頗搖動不安。或接祝拾補曰。倫傳作祝。妄言。倫勅之愈急。後遂斷。無復有禍祟矣。

### 鮑君神

謹按。汝南鮑陽有於田得麇者。其主未往取也。商車十餘乘經澤中行。望見此麇著繩。因持去。念其不事。拾補曰。抱朴子

作猶念取之不事。持一鮑魚置其處。有頃。其主往。不見所得麇。反見鮑君。編者案。應作魚。澤中非人道路。怪其如是。大以為神。

轉相告語。治病求福。多有效驗。因為起祀拾補曰。疑祠。舍。眾巫數十。帷帳鍾鼓。方數百里皆來禱祀。號鮑君神。其後

數年。鮑魚主來。歷祠下。尋問其故。曰。此我魚也。當有何神。上堂取之。遂從此壞。傳曰。物之所聚斯有神。言

人共獎成之耳。

### 李君神

謹按。汝南南頓張助於田中種禾。見李核。拾補曰。抱朴子作栽。意欲持去。願見空桑中有土。因殖種。以餘漿澆灌。後人見

桑中反復生李。轉相告語。有病目痛者息陰下。言李君令我自編者案。似應作目。愈。謝以一豚。目痛小疾亦行自愈。眾犬

吠聲。因盲者得視。遠近翕赫。其下車騎常數千百。酒肉滂沱。間一歲餘。張助遠出來還。見之。驚云。此有何神。乃我所種耳。因就斫也。

### 石賢士神

謹按。汝南汝陽彭氏墓路頭立一石人。拾補曰。御覽作墓。近大道有一石人。在石獸後。田家老母到市買數片餌。暑熱行疲。頓息石人

下。小暝。遺一片餌。去。忽不自覺。行道人有見者。時客適會問。拾補曰。疑。脫何字。因有是餌。客聊調之。石人能治病。愈

者來謝之。轉語頭痛者摩石人頭。腹痛者摩其腹。亦還自摩他處。於此。拾補曰。二字。疑有譌脫。凡人病自愈者。因言得其福

力。號曰賢士。輜輦擊。帷帳絳天。絲竹之音。聞數十里。尉部常往護視。數年亦自歇沫。復其故矣。

### 世間多有亡人鬼持其家語聲氣。所說良是。

謹按。陳國張漢直到南陽。從京兆尹延叔堅讀左氏傳。行後數月。鬼物持其女弟言。我痛。拾補改作病。並曰據元刻。改。案四部叢刊影元刊本。

亦作痛。死。喪在陌上。常苦饑寒。操一量不借。拾補改。作措。挂柴。拾補改。作屋。後昔。拾補改。作格。上。傳。拾補改。作傳。子方送我五百錢在

北塘。拾補改。作曠。中。皆亡。拾補改。作忘。取之。又。拾補改。買字。李幼一頭牛。本券在書篋中。往求索之。悉如其言。婦尚不知有

此。女新從聳家來。非其所。拾補增。及字。受。拾補改。作家。人哀傷。益以爲審。父母諸弟。衰絰到來。拾補改作。樞結二字。迎喪。去精舍

數里。遇漢直與諸生十餘人相追。拾補改。作隨。漢直顧見其家。怪其如此。家見漢直。謂其鬼也。惻惻良久。漢直乃前

爲父拜。說其本末。且悲且喜。凡所聞見。若此非一。夫死者。漸也。鬼者。歸也。精氣消越。骨肉歸于土也。夏后氏

用明器。殷人用祭器。周人兼用之。視民疑也。子貢問孔子。死者其有知乎。曰。賜。爾死自知之。由未晚也。董無

心云。杜伯死。親射宣王於鎬京。子。拾補改。作子。以爲桀紂所殺足以成軍。可不須湯武之衆。古事既祭。且復以今驗

之。人相啖食。甚於畜生。凡菜肝鱉瘕尚能病人。人用物猶多。有生之最靈者也。何不芥蒂於其胸腹而割裂之哉。猶死者無知審者拾補曰衍矣。而時有漢直為狗鼠之所為。

### 世間亡者多有見神。語言。飲食。其家以為是。益用悲傷。

謹按。司空南陽來李德停喪在殯。忽然坐祭牀上。顏色。服飾。聲氣熟是也。孫兒婦女以次教誡。事有條貫。鞭撻奴婢。皆得其過。飲食飽滿。辭訣而去。家人大哀剝斷絕。如是三四。家益厭苦。其後飲醉形壞。但得老狗。便朴殺之。推問里頭。沽酒家狗。

### 世間多有狗作變怪。朴殺之。以血塗門戶。然衆拾補曰疑譌。或衆當作免。得咎殃。

謹按。桂陽太守汝南李拾補據類聚改作章叔堅。少時為拾補據意林增州字。並曰類聚無。從事。在家。狗人立拾補增而字。行。家拾補增人字。言當

殺之。叔堅云。犬馬諭君子。狗見人行。效之何傷。叔堅見縣令還。解冠榻上。狗戴持走。家大驚時。拾補改作愕字。復云。

誤觸冠。冠纓挂著之耳。狗於竈前蓄火。家益恠怙。復云。兒婢皆在田中。狗助蓄火。幸可不煩鄰里。此有何惡。里

中相罵不言無狗怪。遂不肯殺。後數日。狗自暴死。卒無纖介之異。叔堅辟太尉掾。固陵長。原武令。終享大位。

子條。蜀郡都尉。威龍。司徒掾。凡變怪皆拾補曰有說字。或是由字。婦女下賤。何者。小人愚而善畏。欲信其說。類復裨增。文

人亦不證祭。與俱悼懾。邪氣承拾補改作乘字。虛。故速答證。易曰。其亡斯自取災。若叔堅者。心固於金石。妖至而不

懼。自求多福。壯矣乎。

昔晉文公出獵。見大蛇。高如隄。其長竟路。文公曰。天子見妖則脩德。諸侯脩政。大夫脩宮。札遂曰。案宮當為官。形近而譌。賈子新書

春秋篇云。大夫夢惡則修宮。士脩身。乃即齋館。忘食與寢。請廟曰。孤。犧牲瘠蠹。幣帛不厚。罪一也。遊逸無度。不郵國政。罪二



也。賦役重數，刑罰慄剋。罪三也。有三罪矣。敢逃死乎。其夜。守蛇吏夢天殺蛇曰。何故當聖君道爲。及明視之。則已臭爛。

武帝時迷於鬼神。尤信越巫。董仲舒數以爲言。武帝欲驗其道。令巫詛仲舒。仲舒朝服南面誦詠經論。不能傷害。而巫者忽死。

### 世間多有精物妖怪百端

謹按。魯相右扶風臧仲英。爲侍御史。家人作食設按。歎有不清塵土投汚之。炊臨熟不知釜處。兵弩自行。火從篋籠中起。衣物燒盡。而籠故完。婦女婢使悉亡其鏡。數日。堂下擲庭中有人聲言汝鏡。編者案。此疑有倒誤。女孫年三四歲亡之。求不能得。二三日乃於清中糞下啼。若此非一。汝南有許季山者。素善卜卦。言家當有老青狗物。拾補曰。疑衍。札遂曰。案古

書多謂鬼魅爲物。漢書郊祀志云。有物曰蛇。顏注云。物謂鬼神也。春秋繁露王道篇云。乾谿有物女。此云狗物。猶言狗魅也。非衍。

內中婉御者益喜與爲之。誠欲絕殺此狗。遣益喜歸鄉里。皆

如其言。因斷無纖介。仲英遷太尉長史。

汝南汝陽西門

拾補曰。孫云。御覽九百十二有智武二字。

亭有鬼魅。賓客宿止有

拾補改作多字。

死亡。其厲獸者皆亡髮失精。尋問其故。云。

先時頗已有怪物。其後郡待奉掾宜祿鄭奇來。去亭六七里。有一端正婦人乞得寄載。奇初難之。

拾補曰。下似有脫文。

然後

上車。入亭。趨至樓下。吏卒檄

拾補曰。疑復。札遂曰。案檄疑當作微。微。白。樓不可上。云。我不惡也。時亦昏冥。遂上樓。白。樓不可上。云。我不惡也。時亦昏冥。遂上樓。

與婦人棲

拾補改作接。

宿。未明。發去。亭卒上樓掃除。見死婦。大驚。走白亭長。亭長擊鼓會諸廬吏。其

診之。乃亭西北八里吳氏婦。新亡。以夜臨殞。火滅。火至。失之。家即持去。奇發行數里。腹痛。到新

拾補改作南。

利陽亭加劇物故。樓遂無敢復上。

拾補改作南。

謹按。北部督郵西平到拾補改伯夷年三十所。大有才決。長沙太守到若拾補改章拾補曰：范書有孫也。日

晡時到亭。勅前導人。拾補曰：下便留二字疑當繫此。杜遂曰：案人當作入。謂令錄事掾白。今尙早。可至前亭。曰。欲作文書。

便留。吏卒惶怖。言當解去。傳云。督郵欲於樓上觀望。亟掃除。須臾便上。未冥。樓鏡拾補曰：階下復有火。勅。

我思道。不可見火。滅去。吏知必有變。常用卦照。但藏置壺中耳。既冥。整服坐誦六甲孝經易本訖。臥。有頃。更

轉東首。以聖巾結兩足幘冠之。拾補曰：案方言云。天巾陳穎之謂之帟。說文云。帟巾帟也。玉篇云。帟大巾也。史記絳侯世家云。太后

長耳。武者短耳。此云密拔劍解帶。夜時。有正黑者四五尺稍高。走至柱屋。因覆伯夷。拾補曰：二持被掩足。跣脫幾失

再三。徐以劍帶擊魅脚。呼下火上照視。老狸正赤。略無衣毛。持下燒殺。明日發樓屋。得所髡人結百餘。因從此

絕。伯夷舉孝廉。益陽長。楚辭云。拾補曰：此一段似當在上條樓遂無敢復上之鰲今編者案。屍亡。派江而上。到嶧山

下。蘇起。蜀人神之。尊立爲王。漢淮陽太守尹齊。其治嚴酷。死未及殮。怨家欲燒之。屍亦飛去。見於書傳。樓上

新婦豈虛也哉。

### 世間多有伐木血出以爲怪者

謹按。桂陽太守江夏張遼叔高去陽令家居。買田。田中有大樹十餘圍。扶疏蓋數畝地。播不生穀。遣客伐之。

木中血出。客驚怖歸。拾補增具拾補改事白叔高。拾補增大怒。拾補增老樹汁出。此何等血。因自嚴行復

斫之。血大流灑。叔高使先斫其枝。上拾補改有一空處。白頭公可長四五尺。忽出。往赴叔高。拾補增

高乃逆格之。凡殺四頭。左右皆怖伏地。而叔高恬如也。徐熟視。非人非獸也。遂伐其木。其年同拾補司空辟。

拾補依太平廣記侍御史。兖州刺史。以二千石之尊。過鄉里薦祝祖考。白日繡衣。榮羨如此。其禍安居。春秋國語曰。

補高爲二字

木石之怪夔魍。物惡能害人乎。

### 世間多有蛇作怪者

謹按。車騎將軍巴郡馮緄鴻卿為議郎。發綬笥。有二赤蛇。可長二拾補據類聚改作三尺。分南北走。大用憂怖。許季山孫

字寧方。拾補曰。孫云。范書方術傳。許曼祖父峻字季山。寧方蓋曼字也。得其先人秘要。緄請使卜。云。君後三歲當為邊將。東北拾補改四五拾補增千

字寧方。拾補曰。孫云。范書方術傳。許曼祖父峻字季山。寧方蓋曼字也。以御覽九百三十四補正里。官以東為名。復五年為大將軍南征。此吉祥。拾補增鴻卿意威名拾補曰。二解實應且惑。居無

幾。拜尚書。遼東太守。廷尉。太常。會武陵蠻夷黃高攻燒南郡。鴻卿以威名素著。選登亞將。統六師之任。奮虓虎

之勢。後為屯騎校尉。將作大匠。河南尹。復再臨理官紀數方面。如寧方之言。春秋。外蛇與內蛇鬪。文帝時亦復

有此。傳志著其云為。而鴻卿獨以終吉。豈所謂或得神以昌乎。

### 世間人家多有見赤白光為變怪者

謹按。太尉梁國橋玄公祖為司徒長史。五月末所於中門外臥。夜半後。見東壁正白如開門明。呼問左右。左右莫

見。因起自往。手收莫拾補改之。壁自如故。還牀。復見之。心大悸動。其旦。予適往候之。語次相告。因為說鄉人

有董彥興者。即許季山外孫也。其探頤拾補改索隱。窮神知化。雖眚孟。京房無以過也。然天性褊狹。羞於卜術。間

來候師王叔茂。請起往迎。須臾便與俱還。公祖虛禮盛饌。下席行觴。彥興自陳。下土諸生。無他異分。幣重言甘。

誠有踧躅。頗能別者。願得從事。公祖辭讓再三。爾乃聽之。曰。府君當有怪白光如門明者。然不為害也。六月上旬

雞鳴時。南家哭聲吉也。到秋節遷北行郡。以金為名。位至將軍。三公。公祖曰。怪異如此。救族不暇。何能致望於

所不圖。此相饒耳。到六月九日未明。太尉楊秉暴薨。拾補曰。錢云。案桓紀。秉以延熹八年五月丙戌薨。橋本傳不云為鉅鹿太守。皆與史不合。札廷曰。案蔡中郎集太尉喬公碑亦載其為鉅鹿太守。范書疏略失載

耳盧殊失考。七月二日。拜鉅鹿太守。鉅邊有金。後爲度遼將軍。歷登三事。今妖見此而應在彼。猶趙鞅夢童子裸歌而吳入郢也。

# 風俗通義卷十

漢 汝南應劭著

## 山澤

孝經曰。聖不獨立。智不獨治。神不過天地。同靈造虛。由立五嶽。設三台。札多曰。案孝經無此文。攷劉向列仙傳讀云。援神契言不過天地。造靈洞虛。猶立五嶽。設三台。與此文同。則是孝經緯文。漢人引經緯不甚分別也。同靈造虛。同疑卽洞之誤。傳曰。五嶽視三公。四瀆視諸侯。其餘或伯或子男。大小爲差。尙書。咸秩無文。王者報功以次秩之。無有文也。易稱山澤通氣。禮。名山大澤不以封諸侯。故積其類曰山澤也。

## 五嶽

東方泰山。詩云。泰山巖巖。魯邦所瞻。拾補續漢祭祀志。尊拾補增者。增泰山山之四字。尊一二字。曰岱宗。岱者。拾補據書舜典正義左昭四年傳正義增始也。宗者四字。長也。萬物

之始。陰陽交代。雲觸石而出。膚寸而合。不崇朝而徧雨天下。其惟泰山乎。故爲五嶽之長。王者受命易姓。改制應天。功成封禪。以告天地。孔子曰。封泰山。禪梁父。可得而數七十有二。岱宗廟在博縣西北三十里。山處長守之。十月日。拾補改作曰。下二句同。合凍。臘月日涸凍。正月日解凍。皆太守。拾補增潔齋。自拾補曰。下二十一字皆親三字。侍祠若有穢疾代行

事法七十萬五千三牲燔柴上福。拾補續志改此二十一字爲執事。作脯。廣一尺。長五寸。既祀訖。取泰山君夫人坐前。脯三十胸。拾補增太守拜章四字。縣次。拾補增驛馬二字。傳送京

師。四嶽皆王同。拾補乙爲同王。禮。南方衡山。一名霍。拾補增山字。霍者萬物盛長。垂枝布葉。霍然而大。廟在廬江濳縣。西方華

山。華者華。拾補據書左傳正義改。也。萬物滋熟。拾補曰。二字左。變華拾補改。於無左有。西方也。廟在弘農華陰縣。北方恒山。恒者

常也。萬物伏藏於北方有常也。廟在中山上曲陽縣。中央曰嵩高。嵩者高也。拾補曰。爾雅疏下。有言高大也四字。詩云。嵩高惟嶽。峻

極於天。廟在穎。編者案。川陽城縣。應作穎。

謹按。尚書。歲二月東巡狩至于岱宗。柴。岱宗。泰山也。望秩于山川。遂見東后。東后。拾補曰。下當有東方二字。諸侯也。合時只

正日。同律。度量。衡。修五禮。五玉。三帛。二牲。一死贄。五月南巡狩至于南嶽。南嶽。衡山也。八月西巡狩至于

西嶽。西嶽。華山也。十二月北巡狩至于北嶽。北嶽。恒山也。皆如岱宗之禮。中。嵩高也。王者所居。故不巡焉。巡

者循也。狩者守。拾補曰。當作牧。也。道德太平。恐遠。拾補據類聚增近字。不同化。幽隱有不得所者。故自親。拾補依白虎通乙爲親自。行之也。所以

五載一出者。蓋五歲再閏。天道大備。嶽者埆。拾補改作埆。功考。拾補據書左正義爾雅疏乙爲考功。德黜陟幽明。拾補曰。三書皆無此二字。也。

### 四 瀆

河出燉煌塞外崑崙山。發源注海。易。河出圖。聖人則之。禹貢。九河既道。詩曰。河水洋洋。廟在河南滎陽縣。河隄

謁者掌四瀆。禮祠與五嶽同。江出蜀郡渝流。拾補互。拾補改作氏。又增道字。徼外嶠山。入海。詩云。江漢陶陶。禹貢。江漢朝宗于

海。廟在廣陵江都縣。淮出南陽平氏桐柏大復山。東南入海。禹貢。海岱及淮。淮沂其乂。詩云。淮水湯湯。廟在平

氏縣。濟出常山房子贊皇山。拾補曰。此非四瀆之濟。鄆道元已議其誤。案四瀆之濟本作沛字。說文。沛。沔也。漢書地理志。河東垣縣王屋山在東北。沔水所出。沛亦作沔。後人與濟混用無別。故致斯誤。東入沮。禹貢。浮

于汶。達於濟。廟在東郡臨邑縣。

謹按。尚書大傳。禮三正記。江。河。淮。濟爲四瀆。瀆者通也。所以通中國垢濁。民陵居。殖五穀也。江者貢也。拾補

據水經注增所出二字。珍物可貢獻也。河者也。拾補增播也二字。播爲九流。出龍圖也。淮者均。拾補曰。水經注引淮均也。此不加也字。亦可。書中自有此文法。下濟者齊同。均其務。拾補曰。

引春秋說題辭作勢。也。濟者齊。齊其度量也。

### 林

謹按。詩云。殷商之旅。其會如林。傳曰。山林之士。往而不能反。禮祀將至。拾補曰。疑是禮將祀三字。至字當爲衍文。禮器本齊人將有事於泰山。此或約省其文也。泰山。必先有事於配林。林。樹木之所聚。拾補改。作聚字。生也。今配林在泰山西南五六里。予前臨郡。因侍祀之行。故往觀之。樹木蓋不足言。猶七八百載間有衰索乎。

### 麓

謹按。尚書。堯禪舜。納于大麓。麓。林屬於山者也。春秋。沙麓崩。傳曰。麓者山足也。詩云。瞻彼旱麓。易稱即鹿無虞。以從禽也。

### 京

謹按。爾雅。丘之絕高大者爲京。謂非人力所能成。乃天地性自然也。春秋左氏傳。莫之與京。國語。趙文子與叔向游於九京。今京兆。京師。其義取於此。

### 陵

謹按。詩云。如山如陵。易曰。伏戎于莽。升其高陵。又天險不可升。地險山川丘陵。春秋左氏傳曰。殺有二陵。其南陵。夏后臯之墓也。其北陵。文王之所避風雨也。殺在弘農澠池縣。其語曰。東殺西殺。澠池所高。國語。周單子會晉厲公於加陵。拾補曰。即柯陵。見周語下。宋庠補音柯。陵或作加陵。案淮南人間訓亦作嘉陵。爾雅曰。陵莫大於加陵。言其獨高厲也。陵有天性自然者。拾補曰。水經注有也。今王公墳壟各稱陵也。拾補曰。水經注無各字也字。

### 丘

謹按。尚書。民乃降丘度土。堯遭洪水。萬民皆山棲巢居。以避其害。禹決江疏河。民乃下丘。營度爽塏之場。而邑

落之。故丘之字二人立一上。一者地也。四方高。中央下。像形也。詩云。至于頓丘。宛丘之下。論語。他人之賢。丘陵也。爾雅曰。天下有名丘五。其三在河南。二在河北。

### 墟

謹按。尙書。舜生姚墟。傳曰。郭氏之墟。墟者虛也。郭氏。古之諸侯。善善不能用。惡惡不能去。故善人怨焉。惡人存焉。是以敗爲丘墟也。今故廬居處高下者亦名爲墟。姚墟在濟陰城。拾補曰。漢志作成。他紀傳亦作城。陽縣。帝顓頊之墟。闕伯之墟是也。

### 阜

謹按。詩云。如山如阜。春秋左氏傳。魯公伯禽宅曲阜之地。阜者茂也。言平地隆踊不屬於山陵也。今曲阜在魯城中。委曲長七八里。雖北芒坂卽爲阜也。

### 培

拾補曰。當作部。疑與下培塿皆近人所改。

謹按。春秋左氏傳。培塿。拾補改作部婁。並曰。見襄廿四年傳。此作培塿非。觀下文兩部字猶不改可證。本皆作部字。御覽部皆改作培塿。不可從。無松柏。言其卑小。部者阜之類也。今齊魯之間田中少高印名之爲部矣。

### 藪

謹按。爾雅。藪者澤也。藪之爲言厚也。草木魚鱉所以厚養人君與百姓也。魯有泰。拾補改作大。下同。野。晉有泰陸。秦有陽紆。宋有孟諸。楚有雲夢。吳有具區。齊有海隅。燕有昭餘祁。鄭有圃田。周有焦漢。拾補曰。衍。濮。今漢有九州之藪。揚州曰具區。在吳縣之西。荊州曰雲夢。在華容縣南。今有雲夢長掌之。豫州曰圃田。在中牟縣西。青州曰孟諸。



不知在何處。兖州曰大野。在鉅鹿。編者案：鹿似應作野。縣北。雍州曰弦蒲。在汧縣北。浦谷亭。幽州曰奚養。在虎。拾補改作虎。並考漢地理

志：奚養在瑯邪長廣縣。周禮注同。此云鹿縣。當即續漢郡國志之僂奚縣。屬漁陽。前志作庠奚。庠音題。疑形近而誤。縣東。冀州曰泰陵。在鉅鹿縣西北。并州曰昭餘祁。在隰。拾補改

北。其一藪推求未得其處。尙書。紂爲逋逃淵藪。春秋左氏傳曰。山藪藏疾。又曰。藪之薪蒸。虞侯守之。是也。

### 澤

謹按。尙書。雷夏既澤。詩云。彼澤之陂。有蒲與荷。傳曰。水草交厝。名之爲澤。澤者。言其潤澤萬物以阜民用也。春秋左氏傳曰。澤之莞蒲。舟鮫守之。韓詩內傳。舜漁雷澤。雷澤在濟陰城陽縣。

### 沉

拾補曰。當從說文作沉。下並同。謹按。傳曰。沉者莽。水經巨馬水注引。也。言其平望莽莽。拾補曰。水經注作言乎淫淫莽莽。無涯。拾補曰。水經注岸。際也。沉澤之無水。斥鹵之類。

拾補曰。水經注渭。也。今俗語亦曰沉。

### 沛

謹按。尙書。拾補曰。此或引大傳有說文。今大傳亦無考。春秋公羊傳。齊景。拾補改作桓。並曰景非。此見僖四年。公循海而東。師大陷沛澤之中。左氏傳。齊景拾補

增公田于沛。招虞人以弓。傳曰。淫逸禽之超大沛。沛者草木之蔽茂。禽獸之所蔽匿也。

### 湖

謹按。春秋國語。伍子胥諫吳王。與我爭五湖之利非越乎。及越滅吳。荊蠡乘扁舟於。拾補曰。類聚如。五湖。湖者。拾補據初學記增都

也。二言流瀆四面所猥。拾補改作隈。又增都字。也。川澤所仰以漑灌也。今廬江臨。拾補增湖字。丹陽蕪湖縣是也。

### 陂

謹按。傳曰。陂者繁。拾補曰。錢云。古讀繁如婆。與陂音相近。也。言因下鍾水以繁利萬物也。今陂皆以溉灌。今汝南富陂。拾補曰。漢志波。縣水經注陂。是也。

### 渠

謹按。傳曰。渠者水所居也。秦時。韓人鄭國穿渠。孝武帝時。趙中大夫白公復穿渠。故其語曰。田於何所。池陽谷口。鄭國在前。白渠起後。舉錘爲雲。決渠爲雨。涇水一石。其壅數斗。且溉且糞。長我稷黍。衣食京師。數百萬口。拾補曰。漢書億萬之口。又鄭當時穿渠以利漕道。若此非一。官民俱賴其饒焉。

### 溝

謹按。周禮。溝者溝也。廣四尺。深四尺。拾補曰。此無義理。當依匠人作九夫爲井。井間廣四尺。深四尺。謂之溝。與下一例。漢書。高祖與項羽要割鴻溝以東爲楚是也。鴻溝在蒙陽縣。

### 洫

謹按。周禮。十里爲成。成間廣八尺。深八尺。故拾補曰。衍。謂之洫。論語曰。禹盡力乎溝洫。

# 風俗通義佚文卷一

易說。天先春而後秋。地先生而後凋。日月先光而後幽。是以王者則之。亦先教而後刑。三皇結繩。五帝畫象。三

王肉刑。五霸黠巧。此言步驟稍有優劣也。御覽七十七

傳曰。后稷冬墾田。流汗而種。田不生者。人力非不至。天時不與。御覽三百八十七

俗說。天地開闢未有人民。女媧搏黃土作人。務劇力一作劣不暇供。乃引繩于泥中。舉以爲人。故富貴者黃土人。

貧賤凡庸者絀人也。御覽七十六又三百六十

上古之時。草居露宿。冬則山南。夏則山北。意林

大禹闕百品之差而非庖廚。殷湯寐寢黃屋。駕而乘露輿。御覽四百三十一

孝文身履革舄而衣弋綈。御覽六百九十七

秦政并吞六國。苞宇宙之宏敞。文選齊敬皇后哀策文注

秦相趙高指鹿爲馬。東蒲爲脯。二世不覺。文選西征賦注

不舉併生三子。俗說生子至于三似六畜。言其妨父母。故不舉之也。謹案。春秋國語。越王句踐令民生二子者與之餼。生三子者與之乳母。三子力不能獨養。故與乳母。所以人民繁息。卒滅強吳。雪會稽之恥。行霸于中國也。

古陸終氏娶于鬼方。謂之女嬪。是生六子。皆爲諸侯。今人多生三子。子悉成長。父母完安。豈有天所孕育而害

其父母兄弟者哉。意林御覽三百六十一

不舉寤生子。俗說。兒墮地便能開目視者謂之寤生。舉寤生子妨父母。謹案。春秋左氏傳。鄭武公娶于申。曰武

姜。生莊公及公叔段。莊公寤生。警姜氏。因名寤生。武公老終天年。姜氏亦然。安有妨其父母乎。御覽三百六十一

不舉父同月子。俗云。妨父也。謹案。左氏傳。桓公之子與父同月生因名子同。明帝亦與光武同月生。意林御覽三百六十一

不舉生鬢鬚子。俗說。八十四五乃當生鬢鬚。今生而有之。妨害父母也。謹案。周書。靈王生而有鬚。王甚神聖。

亦克修其職。諸侯服享。二世休和。安在其有害乎。御覽三百七十四

不宜歸生。俗云。令人衰。案。婦人好以女易他男。故不許歸。意林

宅不西益。俗說。西者為上。上益宅者妨家長也。原其所以西上者。禮記。南向北向西方為上。爾雅曰。西南隅

謂之隅。尊長之處也。不西益者。難一作恐動搖之耳。審西益有害。增廣三面豈能獨吉乎。藝文類聚六十四 御覽一百八十

無恙。俗說。恙。病也。凡人相見及通書問皆曰無恙。謹案。易傳。上古之世。草居露宿。恙。噬人蟲也。善食人心。故

俗相勞問者云無恙。非為病也。匡謬正俗八 藝文類聚七十五 史記刺客傳 索隱 意林 御覽三百七十六又七百三十九

菟齷。俗說。臘正旦一作祖食得菟齷者名之曰幸。賞以寒酒。幸者善祥。令人吉利也。或說。食菟齷者。令人面免生齷。

露見醜惡。今覺得之。嘉不為己疾也。謹案。尚書。夏禹始作肉刑。則天象而愾其過。故穿窬盜竊者齷。齷者去膝蓋

骨也。齷者去膝蓋五字舊脫 依漢書武帝紀注補之逮至暴秦。亂獄糾紛。烹俎車裂。車裂下一有 抽脅二字黔首窮愁。飲泣永歎。凡人食得菟齷。以為佳

瑞。物類相感。冀全己之齷也。藝文類聚五 初稟記二十九 御覽 三十三又六百四十八又九百七十

俗說。臨日月薄蝕而飲。令人蝕口。謹案。日。太陽之精。君之象也。日有蝕之。天子不舉樂。里語。不救蝕者。出行遇

雨。恐有安坐飲食重慎也。御覽八百四十九

雷不作醬。俗說。雷聲發不作醬。何也。令人腹內雷鳴也。謹案。子路感雷精而生。尙剛好勇。死。衛人醢之。孔子覆醢。每聞雷。心惻怛耳。北堂書鈔百四十六 御覽八百六十五

堪輿書云。上朔會客必鬪爭。案。劉君陽爲南陽牧。嘗上朔設盛饌。了無鬪者。御覽八百四十九

俗云。五月到官。至免似死字 或老字不遷。今年有茂才除蕭令。五月到官。破日入舍。視事五月。四府所表。遷武陵令。余

爲營陵令。正觸太歲。主簿令余東北上。余不從。在事五月。遷太山守。林意

俗說。二人共澡手。令人鬪爭。良無異器共當漢者。其祝曰。人相愛。狗相齧。言狗鬪時。洒之以水。便自解也。

御覽四百九十六

坐不移罽。俗說。凡宴飲者移軾罽酒。令人鬪爭。一作訟爭 御覽四百九十六又七百六十一

俗說。帷帳不可作衣。令人病癘。書鈔百三十二 御覽七百

俗說。臥枕戶砌。鬼陷疑其頭。案淮南記論訓云。枕戶憐而 臥者鬼神躡其首 躡踏義同令人病顛。御覽七百三十九

五月蓋屋。令人頭禿。初學記四 御覽三十一

諸郭皆禿禿。顏氏家訓書證篇下云。當是 前代人有姓郭而病禿者。

雞伏鴨卵。雛成入水。雞母隨岸呼之。雛出而隨母。鴨雞異類。能相隨也。御覽九百十八

呼雞曰朱朱。俗說。雞本朱公。一作朱 氏翁化而爲之。今呼雞皆朱朱也。謹案。說文解字。雉。二口爲譁。州其聲也。讀

若祝。祝者誘致禽畜和順之意。照與朱音相似耳。初學記三十八 御覽九百十八

呼虎爲李耳。俗說。虎本南郡中廬李氏公所化爲。呼李耳因喜。呼班便怒。御覽八百九十一

肅肅蝦蟇掉尾。俗說。蝦蟇一跳八尺。再跳丈六。從春至冬。袒裸相逐。無它所作。掉尾肅肅。謹案。蝦蟇既處水中。其尾又短。正使能掉之。豈能肅肅乎。原其所以。當言夏馬。夏馬患蠅蚋。掉尾振擊一作常肅肅也。蝦蟇夏馬

音相似。藝文類聚九十三 御覽九百四十九

戶律。漢中·巴·蜀·廣漢自擇伏日。俗說。漢中·巴·蜀·廣漢土地溫暑。草木早生晚枯。氣異中國。夷狄畜之。故令自擇伏日也。謹案。漢書。高帝分四郡之衆。用良平之策。還定三秦。席卷天下。蓋君子所因者本也。諸公定封。加以金帛。重復寵異。令自擇伏日。不同于風俗也。藝文類聚五 御覽三十一

赤春。俗說。赤春從人假貸皆自乏之時。謹案。詩曰。春日載陽。有鳴鶴鷓。月令。衣青衣。服蒼玉。又爾雅。春日青陽。凡三春時不得服赤也。今里語曰。相斥角牛。原其所以。言牛不當斥角。春不當從人求索也。斥與赤音相似。

御覽二十

夏至著五綵辟兵。題曰游光。厲鬼知其名者無溫疾。五綵辟五兵也。案。人取新斷織繫戶亦此類也。謹案。織取新斷二三寸帛。綴著衣衿。以己織維疑告成於諸姑也。後世彌文。易以五綵。又永建中。京師大疫。云厲鬼字野重

游光。亦但流言。無指見之者。其後歲歲有病。人情愁怖。復增題之。冀以脫禍。今家人織新織。皆取著後織絹二

寸許繫戶上。此其驗也。御覽二十三 又八百十四

五月五日賜五色續命絲。一作俗說。以益人命。藝文類聚四 初學記 四 御覽八百十四

五月五日以五綵絲繫臂者。辟兵及鬼。令人不病溫。又曰亦因屈原。藝文類聚四 初學記 四 御覽三十一

五月五日集五色續命絲。余問服君。服君曰。青·赤·白·黑以爲四方。黃爲中央。褻方綴于胸前以示婦人一作功

也。織麥麩懸于門以示農工成。傳御覽三十一注聲以變爲辟兵耳。云：糶麥葦也。

織女七夕當渡河。使鵲爲橋。歲華紀麗

俗說。高祖與項羽一作籍戰敗于京索間。遁叢薄中。羽追求之。時鳩正鳴其上。追者以爲必無人。一作追者不疑。云：追者以鳥在無人。遂

得脫。及即位。異此鳥。故作鳩杖以賜老人也。謹案。少皞五鳩。鳩民者。聚民也。周禮。羅氏獻鳩養老。漢無羅

氏。故作鳩杖以扶老。水經注七。藝文類聚九十二。御覽七百。十又九百二十一。太平寰宇記五十二。

禹入裸國。欣起而解裳。俗說。禹治洪水。乃播入裸國。君子入俗不改其恆。于是欣然而解裳也。原其所以。當言

皆裳。裸國今吳郡是也。被髮文身。裸以爲飾。蓋正朔所不及也。猥見大聖之君。悅禹文德。欣然皆著衣裳矣。

御覽六百九十六

衆口鑠金。俗說。有美金于此。衆人咸共詆訾。言其不純。賣金者欲其售。因取鍛燒以見真。此所謂衆口鑠金。

御覽八百一十一

衆心成城。俗說。衆人同心者可共築起一城。同心共飲。雒陽酒可盡也。藝文類聚六十三

錢刀。俗說。害中有利。利旁有刀。言人治下率多得錢財者。必有刀劍之禍也。御覽八百三十六

燒穰殺瓠。俗說。家人燒黍穰則使田中瓠枯死也。御覽九百七十九

城門失火禍及池中魚。俗說。池中魚。中讀曰仲人姓字。居近城。城門失火。延及其家。中魚燒死。謹案。百家書。宋城

門失火。因汲取池中水以沃灌之。池中空竭。魚悉露見。一作但就取一作之。喻惡之滋并中傷良謹。善類也。藝文類聚八十八

又九十六。意林。御覽八百七十五。通鑑注梁紀十六。

兩袒。俗說。齊人有女。二人求之。東家子醜而富。西家子好而貧。父母疑不能決。問其女定所欲適。難指斥言者。偏袒。令我知之。女便兩袒。問其故。云。欲東家食。西家宿。此為兩袒者也。藝文類聚四十 御覽三百八十二引云。齊有一女。二家求之。其家語其女曰。汝欲東家則左袒。欲西

家則右袒。其女兩袒。父母問其故。對曰。願東家食而西家息。以東家富而醜。西家貧而美也。

夜糴。俗說。市買者當清旦而行。日中交易所有。夕時便罷。今乃夜糴穀。明其癡騃不足也。凡斬不施惠者曰夜

糴。御覽四百九十又七百二十九又八百二十八多末一句

徒不上墓。俗說。新遭刑罪原解者。不可以上墓祠祀。令人死亡。謹案。孝經。身體髮膚。受之父母。曾子病困。啓

手足以歸全也。遭刑者。髡首剔髮。身被加笞。新出犴狴。臭穢不潔。凡祭祀者。孝子致齋。貴馨香如親存時也。

見子被刑。心有惻愴。緣生事死。恐神明不歆家。疑誤。或當不疑上墓耳。御覽六百四十二

俗說。亡人魂氣飛揚。故作魃頭以存之。言頭體魃魃然盛大也。或謂魃頭為觸壙。殊方語也。御覽五百五十二

墓上樹柏。路頭石虎。周禮。方相氏入壙。馱象。馱象好食亡者肝腦。人家不能常令方相立于墓側以禁禦之。

而馱象畏虎與柏。御覽九百五十四

俗說。齊人有空車行。魯人有負釜者。便持釜置車中。行三二百里。臨別取釜。各不相問為誰。亦不謝。後車者

一作繫獄當死。釜主竟往篡之。一作篡人取之。穿壁未達。曰。極哉。一無此三字。車者怒。不肯出。釜主慙與俱死。明日主者以事白

齊君。齊君義而原之。御覽四百二十一又七百五十七

讎校。案。劉向別錄。一人讀書。校其上下。得謬誤為校。一人持本。一人讀書。若怨家相對為讎。文選魏都賦注

殺青。書可繕寫。謹案。劉向別錄曰。殺青者。直治竹作簡書之耳。新竹有汗。善朽蠹。凡作簡者。皆于火上炙乾



之。陳楚間謂之汗。汗者去其汗也。吳越曰殺。殺亦治也。劉向爲孝成皇帝典校書籍二十餘年。皆先書竹。爲

易刊定。可繕寫者以上素也。由是言之。殺青者竹。斯爲明矣。今東觀書·竹素也。初學記二十八 御覽六百六 文選張景陽雜詩注

光武中興以來。五曹詔書題鄉亭壁。歲補正多有闕誤。永建中。兖州刺史過翔。廣韻八戈 作過翔箋撰卷別。改著板上。一

勞而久逸。御覽五百九十三

俗說。有功得賜金者皆黃金也。謹案。孫子兵書。日費千金。千金·百萬錢也。陳平諫。即開字 古通用楚千金。贈一作二疏

五十斤。並黃金也。或云。一金亦是一萬錢也。煮林 御覽六百三十三

鹹如炭。俗說。鹹亦與熱正等。炭火不可以入口。人食得大鹹亦吐之。謹案。東海胸人曉知鹽法者云。攪鹽木多

日母焦黑如炭。非謂竈中火炭也。御覽八百六十五

酢如葶蕤。謹案。孝經說。古太平葶蕤生階。其味酸。王者取以調味。後以醯醢代之。御覽八百六十六 又八百七十三

俗說。驢馬啖賓客。宴食已闕。主意未盡。欲復飲酒。餘無施。更一作出脯·鮓·椒·薑·鹽·豉。言其速疾如驢馬之

傳命。書鈔百四十二 御覽八百四十九

案。方言。豚·豬子也。今人相罵曰。孤豚之子是也。文選答客難注

馬一匹。俗說。相馬比君子。與人相匹。或曰。馬夜行目明。照前四丈。故曰一匹。或說。度馬縱橫適得一匹。或說。

馬死賣得一匹帛。或云。春秋左氏說。諸侯相贈乘馬束帛。束帛爲匹。與馬相匹耳。藝文類聚九十三 御覽八百九十七文 心雕龍指瑕篇云 周禮井賦 舊有匹

馬而應 劭釋匹 或羣首數蹄 斯豈辯物之要哉 原夫古之正名 車兩而馬匹 兩稱自以並耦爲用 蓋車或作乘馬 儼駮服 服 乘不隻 故名號必雙 名號一正 則辨單爲匹矣 匹夫 匹婦亦配義也 夫車馬小義 而歷代莫悟 况鑽灼經典 能不謬哉

車一兩。謂兩兩相與爲體也。原其所以言兩者。箱轅及輪。兩兩而耦。故稱兩耳。藝文類聚七十一 御覽七百七十三 又七百七十六 通鑑注漢紀三十三

鹿車窄小。裁容一鹿也。或云樂車。乘牛馬者。剗斲飲餉達曙。今乘此雖為勞極。然入傳舍。偃臥無憂。故曰樂車。無牛馬而能行者。獨一人所致耳。御覽七百七十五 後漢書趙熹傳注 通鑑注晉紀二十

俗說。大餓不在一有車飯。謂正得一車飯不復活也。或曰。輔車上飯。小小不足濟也。案。吳郡名酒杯為盪。言大

餓人得一盪飯無所益也。寧相六。不守熟。案蒸飯更泥疑當從說 文作氣流謂之饈。音與六相似也。御覽四百八十六 六又八百五十五

疲馬不能度繩。俗說。馬羸不能度繩索。或云。不能度種菜畦塍也。謹案。齊右繩水。裁廣三四步。言馬之疲乃不

能度此水耳。藝文類聚九十三 御覽八百九十七

殺君馬者路旁兒也。俗說。長吏食重祿。芻藁豐美。馬肥希出。路旁小兒觀之。卻驚致死。案。長吏馬肥。觀者快

之。乘者喜其言。御覽作觀者快馬之走驟也 騎者云云 御覽八百九十七馳驅不已。至于瘠死。藝文類聚九十三 御覽八百九十七

賣牛勿握角。令不售。案恐觸人。人不敢取也。御覽八百九十七

# 風俗通義佚文卷二

周禮。五黨爲州。州有長。使之相周足。一作也。藝文類聚六。御覽百五十七。

周制。天子方千里。分爲百縣。縣有四郡。郡者羣也。故左氏傳曰。上大夫受縣。下大夫受郡。至秦始皇初置三十

六郡以監縣。縣平也。意林。史記秦始皇本紀正義。藝文類聚六。御覽百五十七。

周禮。百里曰同。所以獎王室。協風俗。總名爲縣。縣玄也。首也。從系。倒首。舉首易偏矣。言當玄靜平裕役也。

水經注二。御覽百五十七。文昭案。首也。疑當從意林作平也。玄與平皆與縣聲相諧合。下方云倒首。上必不以首爲正釋。且從系亦當作從玄。與說文自別。下云玄靜平裕役。正申說玄也。平也之義。首也之訓殊無意理。

周禮。五家爲鄰。四鄰爲里。春秋國語。五家爲軌。十軌爲里。里者止也。里有司。司五十家共居止。同事春秋

通其所也。續漢書百官志注。廣韻。六止。御覽百五十七。

國家制度。大率十里一鄉。續漢書百官志注。

謹案。春秋國語。甕有寓望。謂今亭也。民所安定也。亭有樓。從高省。丁聲也。漢家因秦。大率十里一亭。亭留

也。今語有亭待。蓋行旅宿食之所館也。亭亦平也。訟諍。吏留辨處。勿失其正也。亭吏舊名負弩。改爲亭。原脫。當有。

長。或謂亭父。御覽百九十四。續漢書百官志注。

中人城北四十里有左人亭。鮮虞故邑。御覽百六十一。

鯨作城郭。城盛也。從土。成聲。郭大也。意林。水經注二。

郭亦謂之郭。郭者亦大也。初學記二十四。御覽百九十三。

論語。夫子宮牆數仞。禮記。季武子入宮不敢哭。由是言之。宮。室一也。秦漢以來。尊者以宮為常號。下乃避之

云室耳。弟子職曰。室中握手。論語曰。譬如宮牆。由此言之。宮其外。室其內也。御覽百七十四

魯昭公設兩觀于門。是謂之闕。從門。歛聲。水經注十六

殿堂象東井形。刻作荷蕒。荷蕒。水物也。所以厭火。藝文類聚六十三 初學記七 廣韻三十二 禮 御覽百七十五又百八十八

屋。止也。廣韻一屋

案天子有外屏。令臣下氣息。意林

屏。卿大夫以帷。士以簾。稍有弟以自鄣蔽也。示臣臨見自整屏風處也。廣韻四十 靜 御覽百八十五

門戶鋪首。謹案。百家書云。公輸般見水上蠡。謂之曰。開汝匣。一作頭見汝形。蠡適出頭。般以足畫圖之。蠡引閉

其戶。終不可得開。般遂施一作設之門戶。欲使閉藏當如此周密也。藝文類聚七十四 御覽百八十八又七百五十

鑰施懸魚。魚翳伏淵源。疑深 淵 御覽百八十四欲令鍵閉如此。御覽百八十四

府。聚也。公卿牧守道德之所聚也。廣韻九慶 通鑑注漢紀七 衆經音義十作公卿牧守文書財賄所聚也

廷。正也。言縣廷。郡廷。朝廷皆取平均正直也。後漢郭太傳注 通鑑注周紀二

寺。司也。諸官府所止皆曰寺。後漢光武紀注 通鑑注漢紀三十五寺者嗣也。理事之吏嗣續于其中也。後漢和帝紀注 通鑑注漢紀三十五今尚書。侍御

史。謁者所止皆曰寺。文選吳都賦注又劉楨贈徐幹詩注又應瑒與岑文瑜書注

京師有長壽街。萬歲街。士馬疑脫一街字若此非一。街者攜也。離也。四出一作通之路攜離而別也。御覽百九十五 廣韻十三佳

閭。城外郭內里門也。御覽百八十二

市·恃也。養贍老少一作言交。恃以不匱也。亦謂之市井。俗說。市井。謂至市鬻賣者。當于井上洗濯其物香潔。及自

嚴飾。乃到市也。一作先潔令鮮潔然後市。謹案。春秋井田記。人年三十受田百畝。以食五口。五口為一戶。父母妻子也。公田十

畝。廬舍五畝。成田一頃十五畝。八家而九頃二十畝。共為一井。廬舍在內。貴人也。公田次之。重公也。私田

在外。賤私也。井田之義。一曰無泄地氣。二曰無費一家。三曰同風俗。四曰合巧拙。五曰通財貨。因井為市。交

易而退。故稱市井也。詩陳風正義 後漢書劉寵傳注 初學記 二十四 御覽百九十一又八百二十七

漢改郵為置。置者度其遠近之間置之也。後漢書郭太傳注。今吏郵書掾。府督郵職掌此。續漢書輿服志注

傳舍。案諸侯意林無此三字及使者有傳信乃得舍于傳耳。今刺史行部。車號傳車。從事督郵。文選范雲贈張徐州詩注 又任昉哭范僕射詩注

南北曰阡。東西曰陌。河南以東西為阡。南北為陌。史記秦本紀索隱 意林 初學記二十四 文選籍田賦注 御覽百九十五 困學紀聞十六

里語云。越陌度阡。更為客主。文選魏武帝短歌行注

菹·蘊也。言薪蒸所蘊積也。意林 初學記二十四 四 御覽百九十六

囿者畜魚鼈之處也。囿猶有也。御覽百九十六

園·援也。從口·袁聲。四皓園公亦本園者。御覽八百二十四

圃·補也。從口·甫聲。上同

井·法也節也。言法制居人令節其飲食無窮竭也。初學記七 御覽百八十九

孫子云。金城湯池而無粟者。太公·墨翟不能守之。意林

孫子有金城湯池之說。後人因此開地為池以養魚鼈。初學記七

海一云朝夕池。初學記六下云。一云天池。亦云大壑巨壑。出老子及風俗通。

丞者承也。相者助也。藝文類聚四十五

漢武帝諱徹。改曰通侯。或曰列侯。秦時六國未平。將帥皆家關中。故稱關內侯。通侯言其功大通于王室。列者言其功德列著乃饗爵也。御覽百九十八

牧·守·長不宜數易。案。尚書有考績。孔子曰。如有用我者。期月而已。三年有成。鄭子產從政三年。民乃歌之。聖賢尚須漸進。況中才乎。數易豈不紛錯道路也。意林

尚書·御史臺皆以官倉頭為史。主賦舍凡守其門戶。續漢書百官志注

有秩則田閒大夫。言其官裁有秩耳。續漢書百官志注通鑑注周紀五

齋者省也。夫·賦也。言消息百姓。均其役賦。續漢書百官志注

古制本無奴婢。奴婢皆是犯事者或原之。奴者劣。婢者卑陋。意林臧者被臧罪沒入為官奴婢。獲者逃亡獲得為奴

婢也。藝文類聚三十五初學記十九

聖者聲也。言聞聲知情。故曰聖。十韻彙編四十五勁唐韻廣韻四十五勁

易云。利見大人。大人與聖人。其義一也。意林

論語云。君子上達。臧孫紇曰。後有達者。將在孔丘乎。同上

儒者區也。言其區別古今。居則翫聖哲之詞。動則行典籍之道。援先王之制。立當時之事。綱紀國體。原本要化。此通儒也。若能納而不能出。能言而不能行。講誦而已。無能往來。此俗儒也。後漢書杜林傳注又賈逵傳注

章帝時以賈逵爲通儒。時人語曰。問事不休賈長頭。意林

禮云。羣居五人。長者必異席。今呼權貴作長者非也。同上

管子云。先生施教。弟子則之。非知古之道。是師者之稱。二語疑有譌諸生。弟子學者非一。故曰諸。先生者當如醒。

學者譬如醉。言生俱醉。獨有醒者。同上

祭酒。禮云。飲酒必祭。尊其先也。孫卿在齊最是老師。故三稱祭酒。同上

士。詩云。殷士膚敏。髦士俊秀。雅士博達。列士有不易之分。同上。文選黃子建雜詩注引。列士者有不易之分。又鸚鵡賦注引。處士者隱居放言也。

易曰。師貞丈人吉。非徒尊老。須德行先人也。傳云。杖德莫如信。言其恩德可信杖也。同上。文選案。左傳無德字。此所說亦別解。

禮云。十尺曰丈。成人之長也。夫者膚也。言其智膚敏宏教也。故曰丈夫。同上

論語云。匹夫匹婦。傳云。一晝一夜成一。一男一女成一室。案。古人男女作衣用二匹。今人單衣。故言匹夫。同上

夫人當龍變。周孝廉勤補云。疑枕去字。漢書敘傳。雲起龍襄。化爲侯王。起。不繫鄉里。若止繫風俗。見善不徙。故謂之俗人。同上

禮言。簡不肖。案。生子鄙陋不似父母曰不肖。今人謙辭亦曰不肖。同上。文選報任少卿書注。引生子不似父母曰不肖。

方言。人不事事而放蕩謂之無賴。不可恃賴也。猶高祖謂太上皇云。大人以臣無賴也。同上

采女。案。采者擇也。以歲八月。雒陽民。編者案。此三字似應。在閱視下。童女上。遣中大夫與掖廷丞。相工閱視童女年十三以上。二十以

下。長壯妖潔有法相者。載入後宮。文選皇后紀論注

漢以八月算人。后家以金帛賂遺主者以求入也。後漢書皇后紀注

列侯尚公主。國人尚翁主。以妻制夫。陽屈于陰爾。初學記十四。御覽百五十四

易稱帝乙歸妹。以祉元吉。婦人謂嫁娶之禮曰歸。歸其妹于諸侯。亨終吉也。初學記十

延熹中。中常侍單超·左悺·徐璜·具瑗·唐衡在帝左右。縱其姦慝。時人爲之語曰。左迴天。徐轉日。具獨坐。唐

應聲。言其信用甚于轉圓也。御覽三百九十三 又四百九十六

禮。臣子無爵諡君父之義也。故羣臣累其功美。葬日。遣太尉于南郊告天而諡之。後漢書明帝紀注

天子一作皇帝新崩。未有一一作定字諡。故且稱一有總其名曰大行皇帝。後漢書安帝紀注 文選元皇后哀策文注 通典 七十九作前帝諡未定 臣子稱大行以別嗣主

宮車晏駕。謹案。史記曰。王稽謂范雎曰。夫事有不可知者。有不可奈何者。一旦宮車晏駕。是事不可知也。君雖

恨于臣。是無可奈何。謂秦昭王以天年終也。昔周康王一旦晏起。詩人以爲深刺。天子當夜寢早作。身省萬機。

如今一作今忽崩殞則爲晏駕矣。文選齊陵王行狀注又恨賦注

梓宮者。禮。天子歛以梓器。宮者存時所居。緣生事亡。因以爲名。凡人呼棺呼一作之亦爲宮也。後漢書明帝紀注 文選齊敬皇后哀策文注 御覽五百五十一

葬之郭北。北首求諸幽之道。文選詠懷詩注

案。秦昭王太后始臨朝也。林意

十月謂之應鍾何。應者應也。鍾者動也。言萬物應陽而動不藏也。御覽二 十七

十二月律謂之大呂何。大者太也。旅·拒也。言陽氣欲出陰不許也。呂之言拒也。依卽疑抑拒難之也。御覽二 十七

月與星並無光。日照之乃光耳。如以鏡光照日。則影見壁。月初見西方。月望後光見東北。一照也。御覽 六

吳牛望月則喘。彼之苦于日。見月·怖亦喘之矣。御覽 四

風或清明來久長。不搖樹木枝葉。離地三二丈者。此有龍德在其下。風或清明不及三三尺者。此君子之風也。



藝文類聚一  
御覽九

猛風曰颯。涼風曰瀏。微風曰飈。小風曰颺。小風從孔來曰飈。初學記一  
御覽九

積冰曰凌。壯冰曰凍。冰流曰澌。冰解曰泮。初學記七  
御覽六十八

醬成于鹽而鹹于鹽。夫物之變有時而重。藝文類聚七十二  
御覽八百六十五

五月有落梅風。江淮以為信風。又其霖霖號為梅雨。沽衣服皆敗黧。御覽九  
百五十

夫火者南方陽。光輝為明。聖人嚮之而治。取其象也。初學記  
二十五

言人清高如冰之潔。文選漢高祖  
功臣頌注

南陽酈縣有甘谷。谷中水甘美。云其山上大有菊華。水從山上流下。得其滋液。谷中三十餘家。不復穿井。仰

飲此水。上壽者百二三十。中者百餘歲。七八十者名之為天。菊華輕身益氣。令人堅強故也。司空王暢·太尉

劉寬·太傅袁隗為南陽太守。聞有此事。令酈縣月送水三十斛。用之飲食。諸公多患風眩。皆得瘳。一作用飲食  
澳浴終然無

益·藝文類聚八十一 初學記二十七  
御覽五十四又九百九十六  
案明帝起居注。上東巡泰山。到滎陽。有鳥飛鳴乘輿上。虎賁王吉射中之。作辭曰。烏烏啞啞。引弓射洞左腋。陛

下壽萬歲。臣為二千石。帝賜錢二百萬。令亭壁悉畫為鳥也。初學記三十 御覽七  
百三十六又九百二十

梧桐生于嶧山陽巖石之上。采東南孫枝為琴。聲甚雅。御覽九百  
五十九

柘材為弓。彈而放快。御覽九百  
五十八

橙皮可以為醬。蠶。御覽九百  
七十一

菖蒲放花。人得食之長年。御覽九百九十九

謹案。詩云。手如柔荑。荑者茅始熟中穰也。既白且滑。御覽九百九十六

蓬生麻中。不扶自植。藝文類聚八十五 御覽九百九十五

桑車榆轂聞聲。疑脫之。藝文類聚 知字。八十八

舟漂汎似散蓮花。北堂書鈔未刪改 本一百三十七

荆籛令死。尸隨水上。荆人求之不得也。籛令至岷山下。已復生。起見蜀望帝。帝使籛令鑿巫山。然後蜀得陸處。望

帝自以德不如。以國禪與籛令為蜀王。號曰開明。御覽五十六

秦昭王遣李冰為蜀郡太守。開成都兩江。溉田萬頃。江水有神。歲取童女二人以為婦。不然為水災。主者白出錢

百萬以行聘。冰曰。不須。吾自有女。到時裝飾其女。當以沈江水。徑至神祠。上神坐。舉酒酌曰。今得傳九族。江君

大神當見尊顏相進酒。冰先投杯。但澹澹不耗。冰厲聲曰。江君相輕。當相伐耳。拔劍忽然不見。良久。有兩蒼牛

鬪于岸旁。有間。冰還。流汗謂官屬曰。吾鬪大極。當相助也。若欲知我。南向腰中正白者我綬也。主簿乃刺殺北面

者。江神遂死。蜀人慕其氣決。凡壯健者因名。一作名之。又 水經注三十三 藝文類聚九十四 史記河渠書正義 一作名子曰 御覽二百六十一 又六百八十二 又八百八十二

穎川張欽孟孝。吳楚反。與亞夫常為前鋒。陷陳潰圍。傍人觀曰。壯哉此君。欽聞自矜。遂死軍。御覽三百八十六

張仲春。武帝時人也。善雅歌。與李延年同時。每奏新歌。莫不稱善。然不知休息。終至于敗亡。以諭人之進退當

有節奏。御覽五百七十二

汝南周勃辟太尉。清詔使荊州。後漢書第五種傳注

袁湯時年八十六。有子十二人。後漢袁安傳注

光祿奉盥上戴就為主事。後漢書獨行傳注

太山巖石松樹。鬱鬱蒼蒼如雲中。文選謝朓宣城詩注

謹案。自郊徧腰春秋饗射。天子射麋掩雉。獻諸宗廟。扶陽發滯。養老致敬。化之至也。御覽三十三

謹案。禮。臣有大喪。三年不呼其門。御覽五百四十六

武帝廣開獻書之路。立五經博士。開弟子員。設科射策。勸以官祿。訖于元始。百有餘年。書積如丘山。傳業浸衆。

枝葉繇滋。經說百萬言。蓋祿利之路然也。御覽六百八

光武車駕徙都洛陽。載素簡紙經凡二千兩。董卓盪覆王室。天子西移。中外倉卒。所載書七十車。于道遇雨。分半

投棄。卓又燒炳觀閣。經籍盡作灰燼。御覽云即于處燒燔。爨為灰穢。所有餘者。或作囊帳。先王之道幾煙滅矣。意林御覽六百十九

今宴飲大會皆先黍臠。北堂書鈔一百四十四御覽八百五十

昭帝時。大官上食。羹中有髮。切中有土。令丞坐不謹敬皆論死。御覽八百六十一

牛乃耕農之本。百姓所仰。為用最。國家之為強弱也。建武之初。軍役亟動。牛亦損耗。農業頗廢。米石萬錢。天

愛斯民。扶助聖主。事有徵應。于是旅穀彌望。野繭被山。藝文類聚八十五御覽八百三十七

鈴柄施懸魚。魚者欲君臣沈靜。如魚之入水。不可復得聞見耳。御覽三百三十八

彭祖壽年八百歲。猶恨唾遠。御覽三百八十七

趙王好大眉。人間一作民半額。楚王好廣領。國人沒頸。齊王好細腰。後宮有餓死者。御覽三百八十九又四百九十六

東海王景興議曰。晏平仲以齊君奢。故澣其朝冠。振其鹿裘。御覽八百二十六

吳王夫差大敗齊于艾陵。還誅子胥。取其身流之江。抉其目東門。曰。使汝視越之入吳也。匡謬正俗八

穎川黃子廉者。每飲馬投錢于水中。御覽四百二十六又八百三十六 案禮禮卷載太原郝子廉事絕相類。此云穎川黃子廉。唯姓不同耳。豈本一事而傳者異與。

汝南陳伯敬。行必矩步。坐必儼然。目有所見。不知其肉。書鈔一百四十五 御覽三百九十三又八百六十二 大昕案。後漢書郭躬

辦。不問時日。醫巫皆言當族滅。而雄不顧。司隸校尉下邳趙興亦不恤諱忌。每入官舍。輒更繕修館宇。移穿改築。故犯妖禁。而家人爵祿益用豐贍。汝南陳伯敬者。行必矩步。坐必端肅。呵叱狗馬。終不言死。目有所見。不食其肉。行路聞凶。便解駕留止。還觸歸忌。則寄宿鄉亭。年老寢滯。不過舉孝廉。後坐女壻亡吏。太守邵變怒而殺之。時人罔忌禁者多。談為證焉。此條疑風俗通之文。御覽所引即是此事。而詞意未完。

伯魚之生。適有饋孔子魚者。以為嘉瑞。故名鯉。字伯魚。御覽九百三十五

丁壯小犢。跳梁弄角。飲水數石。生芻十束。當風路露。至死不曲。御覽八百九十九

俗云。亂如蘊者。糞除不潔。草介。集衆。疑火就燒之。謂之蘊。言其烟氣緼緼。取其希有淆亂。御覽八百七十一

鎌刀自疑。疑刈葵積芻蕘之效。御覽七百六十四

案里語。厚哉鮑管。探腸案腹。不清。淨然尚不盥。何共財而生喜怒也。御覽三百九十五

刻葦傷盜為槍。御覽三百五十四

耳珠曰瑠。書鈔百三十五 御覽七百十八

火斗曰尉。廣韻八未

織毛褥謂之翟瑜。廣韻十虞 王應麟 急就章補注二

丸毛謂之踰。御覽七百五十四以上 四條疑出服虔通俗文

笈。學士所以負書箝如冠籍箱也。御覽七百十一  
題云風俗記

顏色厚取顧盼所以親密。文選嵇叔夜贈  
秀才入軍詩注

汝南主簿應劭議。宜爲舊君諱。論者皆互有異同。三國吳志七注  
云事在風俗通

彭城孝廉張子矯議云。若君臣不得相襲作名。周穆王諱滿。至定王時有王孫滿。厲王諱胡。莊王之子名胡。意林

謹案。律者法也。臬陶謨。虞始造律。蕭何成以九章。此關諸二字疑書鈔  
四十五無百王不易之道也。時所制曰令。漢書。著于

甲令。夫吏者治也。當先自正。然後正人。故文書下如律令。言當履繩墨動不失律令也。文選陳琳檄豫州文注  
類聚五十四  
御覽六百三十

八作故承憲履繩  
動不失律令也



# 風俗通義佚文卷三

易。噬嗑爲獄。十月之卦。從犬。言聲。二犬亦所以守也。意林云。獄字二犬守言。無情狀。犬亦得之。廷者陽也。陽尙生長。獄者陰也。陰主

刑殺。故獄皆在廷北。順其位。詩云。宜狎宜獄。狎。司空也。周禮。凡萬民之有罪過未離于法者。桎梏以上坐諸嘉

石。役諸司空。令平易道路也。御覽六百四十三

周禮。三王始作獄。夏曰夏臺。言不害人。若游觀之臺。桀拘湯是也。殷曰羑里。言不害人。若于閭里。紂拘文王

是也。周曰囹圄。囹令。圍舉也。言令人幽閉思愆。改惡爲善。囚原之也。今縣官錄囚皆舉也。意林御覽六百四十三

自辛爲臯。令其辛苦憂之也。秦皇謂臯字似皇。故改爲罪。意林御覽六百四十一

囚。適也。言辭窮情得。以罪誅適也。禮。罪人寘諸圜土。故囚字爲口中人。此其象也。意林初學記二十

御覽六百四十二

械。戒也。所以警戒使爲善也。桎。實也。言其下垂至地。然後吐情首實。御覽六百四十四

頃者。廷尉多牆面而苟充茲位。治書侍御史不復平議。讞當糾紛。豈一事哉。里語曰。縣官漫漫。冤意林死者半。作怨

御覽二百二十六。又四百九十六。昔在清平之世。使明恕君子哀矜折獄。尙有怨言。況在今時耶。意林上承里語三句

百里奚爲秦相。堂上作樂。所賃澣婦自言知音。呼之搏髀。援琴撫絃而歌者三。其一曰。百里奚。五羊皮。憶別

時。烹伏雌。炊糗糜。今日富貴忘我爲。其二曰。百里奚。初娶我時烹羊皮。臨當別時烹乳雞。今適當貴忘我爲。

其三曰。百里奚。百里奚。母已死。葬南谿。墳以瓦。覆以柴。春黃藜。搯伏雞。西入秦。五穀皮。今日富貴捐我爲。

問之。乃其故妻。還爲夫婦也。樂府解題 書鈔百二十  
八 御覽五百七十二

司農黃昌爲蜀郡太守。得所失婦。便爲正室。使後婦下之。通典禮四十九虞  
隱議引又八十九

河南平陰一作南陽  
無平陰字龐儉本魏郡鄴人。遭倉卒之世。失其父。時儉三歲。弟纔纒抱耳。流轉客居。廬里中鑿井。得

錢千餘萬。遂溫富。儉作府吏。躬親家事。行求老蒼頭謹信屬任者年六十餘。置二萬錢使主牛馬耕種。有賓婚大

會。母在堂上。酒酣陳樂歌笑。奴在竈下助廚。竊言堂上母我婦也。客罷。婢語次說老奴無狀爲妄語。所說不得道

也。窮詰其由。母謂婢試問其形狀。奴曰。家居鄴時。在富樂里宛西。婦艾氏女。字阿橫。大兒字阿嶷。小兒曰越

子。時爲縣吏。爲人所略賣。阿橫右足下有黑子。右腋下赤誌如半櫛。母曰。是汝公也。因下堂相對啼泣。兒婦前

爲汝公拜。卽洗浴身見衣被。遂爲夫婦如初。儉子歷二千石刺史七八人。時人爲之語曰。廬里諸龐。鑿井得銅。

買奴得公。子孫羞之。言我先人初居廬里者兄弟二人。家買奴得公爾。藝文類聚三十五 御覽百八十九又  
四百七十二又五百又八百三十六

蜀郡任嘉年三四歲時。父騰爲諸生。于漢中就師。有盜賊。道路斷絕。蜀亦覆沒。轉客長沙。爲州郡吏。後嘉爲長

沙太守。騰爲奏曹掾。默知嘉實其子也。嘉母語次謂嘉曰。奏曹任掾則汝父也。但差老耳。嘉曰。天下豈獨蜀有

一任。夫人何以老更生邪意。母曰。咄。我守養汝數十年無嫌譏。豈以垂沒更失計哉。願實眞父。不可棄捐。後嘉

問掾聲音何類太守。何州里邪。掾曰。本憊爲武陽人。蓬轉流宕到此。母察審諦。又識左車一作  
耳前贅。因出抱持

對之流涕。嘉自拔楊。歔歔哽咽。御覽二百  
五十九

陳留太守泰山吳文章少孤。遭憂衰之世。與兄伯武相失別。二十年後。相會下邳市中。爭計共鬪。伯武毆文章。文章欲報擊之。心中悽倉。手不能舉。大自怪也。因投杖于地。觀者咸笑之。更相借問。乃親兄也。相持涕泣。觀



者復曰。兄校弟不得報見。向者所笑乃其謔也。御覽五百十六  
又八百二十七

汝南周霸字翁仲。爲太尉掾。婦于乳舍生女。自毒無男。時屠婦比臥得男。因相與私貨易。裨錢數萬。後翁仲爲北海相。吏周光能見鬼。署爲主簿。使還致敬于本郡縣。因告光曰。事訖。臘日可與小兒俱上冢。去家經十三年。不歸烝嘗。主簿微察知相先君寧息會同飲食忻娛否。往到于冢上。郎君沃醑。主簿俛伏在後。但見屠者弊衣蠶結踞神坐。持刀割肉。有五時衣帶青黑綬數人。彷徨陰堂東西廂不敢來前。光怪其故。還至。引見。問之。乞屏左右。起造于膝前白事狀如此。翁仲曰。主簿出勿言。因持劍上堂。問媪。女何以養此子。媪大怒曰。君常言兒體質聲氣喜學似我。老公欲死爲作狂語。翁仲具告之。曰。祀祭如此。不具服。子母立截。媪辭窮情竭。泣涕具陳其故。時子年已十八。呼與辭決。曰。凡有子者。欲以承先祖。先祖不享血食。無可奈何。自以衣裘僮僕車馬迎取其女。女嫁爲賣糲子婦。後適安平李文思。文思官至南陽太守。翁仲便養從弟子熙。爲高邑令。神不歆非類。明矣。

安得養他人子乎。意林 御覽三百六  
十一又八百八十三

將作大匠陳國公孫志節。有蒼頭地餘。年十七。情性聰慧。儀狀端正。工書疏。志節爲戶曹史。令地餘歸取資用。因持車馬亡去。到丹陽。自云姓王名斌。字文高。遂留爲諸曹史。志節拜楊州刺史。郡選曹。衣冠子弟皆出斌下。乃用之。斌乞屏左右。叩頭涕洟曰。斌卽明使君地餘也。斌後爲蒼梧太守。藝文類聚三十五初  
學記十九 御覽五百

楊範字文瑞。齊人。齊宋之亂。母在賊中。採樵藏于地。夜取之進母。如是非一。忽于地中得米十斛。上有字云。米十斛賜孝子楊範。以資給母。御覽四  
百一十一

汝南王叔漢。父子方出游二十餘年不還。叔漢作尙書郎。有人告子方死于汝南。卽遣兄伯三往迎喪。叔漢卽發

哀。詔書賻錢二十萬。既而子方從蒼梧還。叔漢詣闕乞納賻錢。受虛妄罪。靈帝詔將相大夫會議之。博士任敏議

云。凡人中壽七十。視父同儕亡可製服也。子在遠。人指其處。不可驗也。罪不可加焉。詔書還錢復本官。林

濟北李登為從事史。病得假歸家。延期。後被召。登自嫌不甚羸瘦。謂雙生弟寧曰。我兄弟相似。人不能別。汝差

類病者。代我至府。寧曰。府君太嚴。得毋不可。登曰。我新吏耳。無能識者。我自行見主必死。寧詣府。主不辨。後

為人所言。事發覺。遂殺登。御覽六百三十四

陳留一作陳國張伯喈一作階弟仲喈婦炊于竈下。至井上。謂伯喈曰。我今日妝寧好不。伯喈曰。我伯喈也。婦大慙愧。

其夕時。伯喈到更衣。婦復牽伯喈一作婦復遂牽其背曰。今日大誤。謂伯喈為卿。答曰。我故伯喈也。蓋親密莫過夫婦。然尚

如此。況于初未相見而責先識之乎。御覽三百九十六又四百九十一藝文類聚三十二云。有張伯喈仲喈兄弟形貌絕相類。仲喈妻新妝竟。忽伯喈至。乃戲問曰。今日妝飾好否。伯喈應之曰。我伯喈也。妻乃趨避之。須臾又見伯喈。猶以

為仲喈告云。向大錯誤。伯喈曰。我故伯喈也。

陳留有富室公。年九十無子。娶田家女為妾。一交接即氣絕。後生得男。其女誣其淫泆有兒。曰。我父死時年尊。

何一夕便有子。爭財數年不能決。丞相邴吉出上殿決獄云。吾聞老公子不耐寒。又無影。時歲八月。取同歲小兒

俱解衣裸之。此兒獨言寒。復令並行日中獨無影。大小嘆息。因以財與兒。一作因與其財。意林。御覽三百八十八又八百三十六

沛郡有富家公。資二千餘萬。小婦子年裁數歲。頃失其母。又無親近。其大婦女甚不賢。公病困。思念惡聲爭其財。

兒判不全。因呼族人為遺令云。悉以財屬女。但遺一劍與兒。年十五以還付之。其後兒大。姊不肯與劍。男乃詣

郡自言求劍。謹案。時太守大司空何武也。得其辭。因錄女及聲。省其手書。顧謂掾史曰。女性強梁。聲復貪鄙。

其父畏賊害其兒。又計小兒正得此財。不能全護。故且俾與女。內實寄之耳。不當以劍與之乎。夫劍者亦所以決

斷也。限年十五者智力足以自活。度此女聳必不復還其劍。當聞縣官。縣官或能證察得以見伸展也。凡庸何能

思一作用慮強遠如是哉。悉奪取財以與子。曰。弊女惡聳温飽十五歲亦以幸矣。于是論者乃服。謂武原情度事得

其理。御覽六百三十九  
又八百三十六

南郡讞。女子何侍爲許遠妻。侍父何陽素酗酒。從遠假求。不悉如意。陽數罵詈。遠謂侍。汝公一作翁復罵者。吾必

揣之。侍曰。類作夫妻。奈何相辱。揣我公者。搏若母矣。其後陽復罵遠。遠遂揣之。侍因上搏姑耳再三。下司徒

鮑宣。決事曰。夫妻當作婦所以養姑者也。今遠自辱其父。非姑所使。君子之于凡庸尙不遷怒。況所尊重乎。當減死

論。御覽六  
百四十

陳留有趙祐者。酒後自相署。或稱亭長。督郵。祐復于外騎馬將絳幡云。我使者也。司徒鮑宣決獄云。騎馬將幡起

于戲耳。無它惡意。御覽八百  
四十六

汝南張妙會杜士。士家娶婦。酒後相戲。張妙縛杜士捶二十下。又懸足指。士遂至死。鮑昱決事云。酒後相戲。原

其本心無賊害之意。宜減死。意林 御覽  
八百四十六

臨淮有一人。持一匹縑到市賣之。道遇雨被戴。後人求共庇蔭。因與一頭之地。雨霽當別。因共爭鬪。各云我縑。

詣府自言。太守丞相薛宣劾實。兩人莫肯首服。宣曰。縑直數百錢耳。何足紛紛自致縣官。呼騎吏中斷縑。各與半。

使追聽之。後人曰。受恩。前撮之。縑主稱怨意林  
作冤不已。宣曰。然。固知當爾也。固詰責之。具服。俾悉還本主。意林  
御覽

四百九十六又六百  
三十九又八百十八

汝南陳公思爲五官掾。王子祐爲兵曹。行會食下亭。子祐會以縣官事考殺公思叔父斌。斌無子。公思欲爲報仇

不能得。卒見子祐。不勝憤怒。便格殺之。還府歸死。時太守太傅胡廣。以為陳公思追念叔父。仁勇憤發。手刃仇敵。自歸司敗。便原遣之。御覽四百八十二

穎川有富室。兄弟同居。兩婦皆懷任。一作孕數月。長婦胎傷。因閉匿之。產期至。同到乳舍。弟婦生男。夜因盜取之。

爭訟三年。州郡一作縣不能決。丞相黃霸出坐殿前。令卒抱兒去兩婦各十餘步。叱婦曰。一無自往取之。長婦抱持甚

急。兒大啼叫。弟婦恐傷害之。因乃放與。而心甚自悽愴。長婦甚喜。霸曰。此弟婦子也。責問大婦。乃伏。意林 御覽三百六十一

又六百三十九

平原郡讖。胡譚取周碧為妻。譚陰陽不屬。令碧與李芳張少姦通。冀得其子。藝文類聚三十五

巴郡宋遷母名譚。往阿奴家飲酒。遷母坐上失氣。奴謂遷曰。汝母在坐上何無宜適。遷曰。腸痛誤耳。人各有氣。

豈止我母。遷罵奴。奴乃持木枕擊遷遂死。御覽八百四十六

扶風蘇不韋父為司隸李暠所逮。暠遷司農。不韋穿府北垣。徑上聽事斫暠臥具。暠一宿數遷。御覽七百八

羌本西戎卑賤者也。主牧羊。故羌字從羊人。因以為號。無君臣上下。健者為豪。不能相一。種別剖分。强者陵

弱。轉相抄盜。男子戰死以為吉。病終者送之凶。御覽七百九十四

氏言抵冒貪饕至死好利。樂在谿。本西南夷。又別種號曰白馬。孝武帝遣中郎將郭昌等引兵征之。降復以為武

都郡。御覽七百九十四

貊者。謹案。春秋傳。大貊。小貊。貊。略也。薄也。不知送往勞來。無宗廟黍盛。賦斂薄也。御覽七百八十七

胡者。謹案。漢書。山戎之別種。又胡者互也。言其被髮左衽言語贗幣事殊互也。御覽七百九十九殷時曰獯粥。改曰匈奴。

史記匈奴傳索隱

昔高辛氏有犬戎之寇。帝患其侵暴。而征伐不剋。乃訪募天下有能得犬戎之將吳將軍頭者。購黃金千鎰。邑萬家。又妻以少女。時帝有畜狗。其毛五采。名曰槃瓠。下令之後。槃瓠遂銜人頭造闕下。羣臣怪而診之。乃吳將軍首也。帝大喜。而計槃瓠不可妻之以女。又無封爵之道。議欲有報而未知所宜。女聞之。以爲帝皇下令。不可違信。因請行。帝不得已。乃以女配槃瓠。槃瓠得女。負而走入南山。止石室中。所處險絕。人跡不至。于是女解去衣裳。爲僕隲之結。著獨力之衣。帝悲思之。遣使尋求。輒遇風雨震晦。使者不得進。經三年。生子一十二人。六男六女。槃瓠死後。因自相夫妻。織績木皮。染以草實。好五色衣服。製裁皆有尾形。其母後歸。以狀白帝。于是使迎致諸子。衣服斑斕。語言侏離。好入山壑。不樂平曠。帝順其意。賜以名山廣澤。號曰蠻夷。外癡內黠。安土樂舊。以先父有功。母帝之女。田作賈販無關梁符傳租稅之賦。有邑君長。皆賜印綬。冠用獮皮。名渠帥曰精夫。相呼爲媿徒。後漢南蠻傳文注云。以上並見風俗通。

哀牢夷者。其先有婦人名沙壹。居于牢山。嘗捕魚水中。觸沈木若有感。因懷姙。十月產子男十人。後沈木化爲龍。出水上。沙壹忽聞龍語曰。若爲我生子。今悉何在。九子見龍驚走。獨小子不能去。背龍而坐。龍因舐之。其母鳥語謂背爲九。謂坐爲隆。因名子曰九隆。乃後長大。諸兄以九隆能爲父所舐而黠。遂共推以爲王。後牢山下有一夫一婦。復生十女子。九隆兄弟皆娶以爲妻。後漸相滋長。種人皆刻畫其身象龍文。衣背著尾。後漢西南夷傳文注云。以上並見風俗通。巴有賈人。剽勇。高帝爲漢王時。閬中人范目說高祖募取賈人。定三秦。封目爲閬中慈鳧鄉侯。并復除目所發

寶人盧·朴·杵·沓·鄂·度·夕·襲七姓不供租賦。閭中有渝水。寶人左右居。銳氣善舞。高祖樂其猛銳。數觀其舞。後令樂府習之。文選蜀都賦注

縻瓠之後。輸布一匹二丈。是謂寶布。廩君之巴氏出幪布八丈。文選魏都賦注

廩君乘土船下至夷城。石岸曲。水亦曲。廩君望之如穴狀。曰。我既道穴中。又入此。奈何。石岸為崩。廣三丈餘。陞級之。廩君行至上岸。上岸有平石。廣長五丈。休其上投算。計算處皆有石。因立城其旁。北堂書鈔一百五十八

秦始皇遣蒙恬築長城。徒士犯罪止依鮮卑山。後遂繁息。今皆髡頭衣赭。亡徒之明效也。御覽六百四十九

東方曰夷。東方仁好生。萬物祗觸地而出。夷者祗也。後漢書東夷傳曰。王制云。東方曰夷。夷者祗也。言仁而好生。萬物祗地而出。注云見風俗通。其類有九。南方曰

蠻。君臣同川而浴。極為簡慢。蠻者慢也。其類有八。西方曰戎。斬伐殺生。不得其中。戎者兇也。其類有六。北方曰狄。父子嫂叔同穴無別。狄者辟也。其行邪辟。其類有五。通鑑注漢紀二十五

# 風俗通義佚文卷四

## 音聲

相拊也。所以輔相于樂。奏樂之時先擊相。御覽五百八十四

雅形如漆笛。有椎。禮云。訊疾以雅是也。同上

## 論數

御覽引風俗通論數曰。琦者奇也。論數當是篇名。

十十謂之百。十百謂之千。十千謂之萬。十萬謂之億。十億謂之兆。十兆謂之經。十經謂之垓。十垓謂之秭。

本謂補。下同。據孫子算經改。但下云。京生秭。秭生垓。又不同。十秭謂之選。十選謂之載。十載謂之極。有物有事者紀于此矣。過此往者則其數可

紀。其名未之或聞也。夫數一為特。侯疑奇。隻。二為再。偶。兩。雙。三為參。四為乘。御覽七百五十

千生萬。萬生億。億生兆。兆生京。京生秭。秭生垓。垓生壤。壤生溝。溝生澗。澗生正。正生載。載地不能載也。廣韻五旨

步始于足。足率長十寸。十寸則尺。一躍三尺。法天。地。人。再躍則步。文選四子講德論注

蹄者奇也。履鳥之一也。御覽六百九十七

斛者角也。庾。三斛四斗。秉。二十四斛。御覽八百三十

## 災異

續漢五行志。故太山太守應劭。給事中董巴。散騎常侍譙周。並撰建武以來災異。故知當有災異一篇。

順帝之末。京師謠曰。直如弦。如一死道邊。曲如鉤。反乃封侯。文選袁淑白馬篇注。御覽七百六十七

桓帝元嘉中。京師婦人作愁眉啼妝。墮馬髻。折腰步。齟齬笑。愁眉者細而曲折。啼妝者薄拭目下若啼痕。墮馬髻者側在一邊。折腰步者足不任體。齟齬笑者若齒痛不忻忻。始自梁冀家所為。京師翕然皆放效之。天戒若曰。將收抽冀。婦女憂愁蹙眉將啼也。後漢梁冀傳注 御覽三百六十五又四百八十八 大昕案天戒以下語意未完續五行志云天戒若曰兵馬將往收捕婦女憂愁蹙眉啼泣吏卒擊頓折其腰脊令髻欲斜雖強笑語無復氣味也

延熹中。京師長者皆著木屐。婦女始嫁。至作漆畫屐五采為系。謹案。黨事始發。傳詣黃門北寺。臨時惶恐。不能信天任命。多有逃亡不就考者。九族拘繫。及所過歷。長幼婦女皆被桎梏。應木屐像矣。御覽六百四十四又六百九十八

桓帝初。京師童謠曰。車班班。入河閒。言徵靈帝者輪班擁節入河閒也。續漢書五行志注

京師童謠曰。嚙復嚙。今年尙可後年饒。

京師謠歌曰。烏臘。烏臘。案逆臣董卓。滔天虐民。窮凶極惡。關東舉兵欲共誅之。轉相顧望。莫肯先進。處處停兵數十萬。若烏臘蟲相隨橫取之矣。

中平中。京師歌董逃。董卓以董逃之歌主為己發。大祭絕之。死者千數。俱同上

孝靈帝建寧中。京師長者皆以葦辟疑方筒為妝。其時有識者竊言。葦方筒。郡國讞箴也。今珍用之。天下皆常有罪讞于理官也。後黨錮皆讞廷尉。人名悉入箴方筒中。斯為驗矣。書鈔百三十五御覽七百十一

靈帝時。京師賓婚嘉會皆作魁樞。酒酣之後。續以挽歌。魁樞。喪家之樂。挽歌。執紼相偶和之者。天戒若曰。國家當急殄悴。諸貴樂皆死亡也。自靈帝崩後。京師壞滅。戶有兼屍蟲而相食。魁樞。挽歌斯之效乎。續漢書五行志注

靈帝數以車騎將軍過拜擊臣內豎。又贈亡人。顯號加于頑凶。印綬汗于腐屍。昔辛有睹被髮之祥。知其為戎。

今假號雲集。不亦宜乎。同上



靈帝于西園宮中駕四白驢。躬自操轡。馳驅周施。以爲大樂。于是公卿貴戚轉相倣效。至乘軒以爲騎從。價與馬齊。凡人相罵曰死驢。醜惡之稱也。董卓陵虐王室。執政皆死。驢者服重致遠。上下山谷。野人之所用耳。何有

帝王君子而驂駕之者乎。天意若曰。國有大亂。賢愚倒植。凡執政者皆如驢也。御覽九百一

靈帝好胡服。胡帳。胡牀。京師皆競爲之。後董卓擁胡兵掠宮掖。御覽六百九十 九又七百六

光和中。司徒長史馮巡馬生胡子。問養馬胡蒼頭。乃姦此馬以生子。續漢書五行志注

光和中。雒陽男子夜龍從兄陽求臘錢。龍假取。頗厭患之。陽與錢千。龍意不滿。欲破陽家。因持弓矢射玄武東闕三發。吏士呵縛首服。因是遣中常侍。尙書。御史中丞。直事御史。謁者。衛尉。司隸。河南尹。雒陽令悉會發所。劾時爲太尉議曹掾。白公鄧盛。夫禮設闕觀。所以飾門。章于至尊。懸諸象魏。示民禮法也。故車過者

下。步過者趨。今龍乃敢射闕。意慢事醜。次于大逆。宜遣主者參問變狀。公曰。府不主盜賊。當與諸府相候。劾

曰。丞相邴吉以爲道路死傷。既往之事。京兆長安職所窮追。而住車問牛喘吐舌者。豈輕人而貴畜哉。頗念陰陽不和。必有所害。掾史爾乃悅服。漢書嘉其達大體。今龍所犯然中外奔波。邴吉防患太豫。況于已形昭晰者哉。

明公卽處宰相大任。加掌兵戎之職。凡在荒裔。謂之大事。何有近目下而致逆節之萌者。孔子攝魯司寇。非常卿也。折僭溢之端。消纖介之漸。從政三月。惡人走境。邑門不闔。一作閉外收強齊侵地。內虧三桓之威。區區小國尙

于趣舍。大漢之朝焉可無乎。明公恬然謂非已。已下當脫一字詩云。儀刑文王。萬國作孚。當爲人制法。何必取法于人。

于是公意大悟。遣令史謝申以鈴下規應掾自行之。還具條奏。時靈帝詔。報惡惡止其身。龍以重論之。陽不坐。其後車騎將軍何苗與兄大將軍進部兵相攻。擊戰于闕下。苗死。兵敗。殺數千人。龍者陽。類君之象也。夜者不明

之應也。此其象也。上

熹平二年六月。雒陽民譌言虎賁寺東壁中有黃人。形容鬚眉良是。觀者數萬。省內悉出。劭時爲郎。故往視之。何在其有人也。走汗漏處。膩瀝流漉。壁有他剝數寸曲折耳。謹案。季夏土黃中行用事。又在壁中。壁亦土也。以見于虎賁寺者。虎賁。國之祕兵。扞難禦侮。必示于東。東者動也。言當出師行將天下搖動也。天之以類告人。甚于影響也。上

光和四年四月。南宮中黃門寺有一男子長九尺服白衣。中黃門解步呵問。汝何等人。白衣妄入宮掖曰。我梁伯夏。後天使我爲天子。步欲前收取。因忽不見。謹案。尙書·春秋左傳曰。伯益佐禹治水。封于梁。颺叔安有裔子曰董父。實甚好龍。龍多歸之。帝舜嘉之。賜姓董氏。董氏之祖與梁同焉。到光熹元年。董卓自外人。因閒乘釁。廢帝殺后。百官總己。號令自由。殺戮決前。威重于主。梁本安定。而卓隴西人。俱涼州也。天戒若曰。卓不當專制奪矯。如白衣無宜闖入宮也。白衣見黃門寺。一云白衣見中黃門寺曹騰之家及卓之末。中黃門誅滅之際。事類如此。可謂無乎。上

靈帝之末。禮樂崩壞。賞刑失中。毀譽無驗。競飾僞服。以盪典制。遠近翕然。咸名後生放聲。二字疑譌者爲時人。有識者竊言。舊曰世人。次曰俗人。今更曰時人。此天促其期也。其閒無幾。天下大壞也。上

熹平中。有兩榑。一宿長丈餘。作人狀。頭目宛然。御覽九百五十九

夏禹廟中有梅梁。忽一春。本有生枝葉。御覽九百七十九

靈帝光和七年。陳留·濟陰諸郡。西及成皋·陽武。城郭路邊草生作人狀。操持矛弩牛馬萬狀備具。五行志注有非但彷彿類良熟

然也後關東義兵先起于宋衛之郊。東郡太守橋瑁。負衆怙亂。陵蔑同盟。忿嫉同類。以殞厥命。陳留・濟陰迎助。

謂爲離德。棄好卽戎。吏民殲殘。草妖之異。豈不或信。續漢書五行志注  
御覽九百九十四

中平中。懷陵上有雀萬餘亂鬪殺。頭懸著樹也。御覽九百  
二十二



# 風俗通義佚文卷五

## 氏姓上 一畫至十畫

萬類之中。惟人爲貴。春秋左氏傳。官有世功則有官族。邑亦如之。公羊譏衛滅邢。論語貶昭公娶於吳。謂同姓也。蓋姓有九。或氏於號。或氏於諡。或氏於爵。或氏於國。或氏於官。或氏於字。或氏於居。或氏於事。或氏於職。以號。唐·虞·夏·殷也。以諡。戴·武·宣·穆也。以爵。王·公·侯·伯也。以國。齊·魯·宋·衛也。以官。司徒·司空·司城也。以字。伯·仲·叔·季也。以居。城·郭·園·池也。以事。巫·卜·陶·匠也。以職。三鳥·五鹿·青牛·白馬也。李昉等太平御覽三百六十二

乙氏。漢有南郡太守乙世。邵思姓解三 鄧名世 姓氏書辯證三十六

丁若氏。齊丁公子懿伯食采於若。因氏焉。姓氏書辯證七 鄭樵通志氏族略

刁氏。齊大夫豎刁之後。戰國時有刁勃。漢有刁閔。齊人。以富聞。子孫居渤海。孫福廣韻三蕭通志氏族略

卜氏。氏於事。巫·卜·陶·匠是也。廣韻四十一漾

三伉氏。三伉·衛邑也。晉公子重耳封舅犯於三伉。支孫氏焉。漢有少府三伉宗。代郡有陽縣有三伉氏。林寶元和姓纂五

三鳥氏。漢有沛上計三鳥羣。古三鳥大夫之後。通志氏族略

下門氏。晉大夫下門聰。三 姓解

子氏。河東子氏。楚有大夫子衡。姓解一 姓氏書辯證三十六

千氏。漢有蜀郡都尉千獻。姓解三

大氏。大庭氏之後。又大墳·大山稽並黃帝師。大款為顓帝師。禮記。大連·東夷之子。

元和姓纂八款作穎 通志氏族略 羅泌路史前紀六 錢熙祚

姓氏書辯證 校勘記中

大庭氏。古大庭氏之後。路史後記六 王應麟急就篇補注

子氏。左傳有子鉏商。鄭大夫。元和姓纂六

子仲氏。魯宣公子仲之後。通志氏族略

子獻氏。齊大夫子獻之後。楚文王時子獻遼為大夫。元和姓纂六 通志氏族略

尸氏。其先封尸鄉。因以為氏。齊相有尸臣。秦有尸佼為商君師。著書。通志氏族略

山氏。烈山氏之後。晉山祈為七輿大夫。漢有武都太守山昱。元和姓纂四 通志氏族略 姓氏書辯證八 路史後記四

工氏。楚大夫工尹齊。姓解三

弓氏。魯大夫叔弓之後。姓解二

中氏。漢有少府中京。廣韻一東

中行氏。晉中行穆子後。路史後記十注

中壘氏。劉向為漢中壘校尉。支孫以官為氏。元和姓纂一 通志氏族略

丹氏。堯使子朱居丹淵為諸侯。晉有大夫丹木。姓解三 廣韻二十五寒 急就篇補注

云氏。祝融之後。元和姓纂三

五王氏。齊自威·宣·湣·襄至王建五王。建虜於秦。因以爲氏。通志氏族略

五鹿氏。氏於官者、三鳥·五鹿。五鹿·衛邑也。晉公子重耳封舅犯於五鹿。支孫氏焉。漢有少府五鹿充宗。姓氏書辯

證二十四 通志氏族略 急就篇補注

五鳩氏。趙有將軍五鳩盧。三 姓解

內史氏。周內史叔興之後。因官氏焉。周又有內史過。元和姓纂九 通志氏族略

公文氏。衛有公文要。莊子有公文軒。三 姓解

公玉氏。齊潛王臣有公玉冉。漢有公玉帶。其後也。司馬貞史記 封禪書索隱

公叔氏。衛大夫公叔文子。三 姓解

公族氏。晉成公立嫡子爲公族大夫。韓無忌號公族穆子。見左傳。漢有勃海公族進階。李賢後漢書 黨錮傳注

公賓氏。魯大夫公賓庚之後。漢有校尉公賓就。東海人。後漢書劉聖公傳注 胡三省通鑑注漢紀三十一

太史氏。漢有尙書郎太史稟。三 姓解

太陽氏。衛大夫太陽速。元和姓 纂八

夫餘氏。吳公子夫概王奔楚。餘子在吳者因以氏焉。元和姓纂二 姓解三 廣韻九魚 通志氏族略

少王氏。有少王桃甲。一 姓解

尹氏。師尹·三公官也。以官爲姓。漢尹咸·尹賞·尹齊。元和姓 纂六

尹公氏。衛有尹公佗。三 姓解

屯氏。混沌氏。太昊之良佐。漢有屯莫如爲常山太守。

蕭該漢書音義 路史前紀四云風俗通混沌作混沌 急就章補注二

巴氏。漢有太常巴茂。三 姓解

文氏。周文王支庶以諡爲氏。越有大夫文種。

元和姓纂三 通志氏族略 路史後紀十注

方氏。方雷氏之後。漢有方賀。

姓氏書辯證十三 通志氏族略

毋車氏。漢有樂安毋車伯奇爲下邳相。有主簿步邵南。時人稱毋車府君、步主簿。

姓解三 廣韻十虞 通志氏族略

毛氏。毛伯·文王子也。見左傳。漢有毛樛之爲壽張令。

漢書音義 宋祁宋景文公筆記

牙氏。周穆王大司徒君牙後以字爲氏。

廣韻九麻 姓氏書辯證十二 通志氏族略

牛氏。漢有牛崇爲隴西主簿。馬文淵爲太守。羊喜爲功曹。涼部云。三牲備具。

廣韻十八尤 急就章補注一 崇在榮

王人氏。王人子突之後因氏焉。漢有東平太守王人宰公。

姓氏書辯證十四 通志氏族略

王史氏。周先王太史。其後號王史氏。漢有新豐令王史音。

通志氏族略

世氏。戰國時有秦大夫世鈞。漢有九江都尉世寵。又世碩著書。

十韻彙編十三 祭唐韻 廣韻十三 祭 通志氏族略

丘氏。魯左丘明之後。又齊太公封於營丘。支孫以地爲氏。世居扶風。漢末。丘俊持節江淮。屬王莽篡位。遂留江

左。廣韻十八尤 急就章補注一 通鑑注隨紀

丙氏。齊大夫丙黔之後。漢貨殖傳。魯人丙氏。功臣表。高宛侯丙倩。

姓解三 廣韻三十八梗

令氏。楚令尹子文之後。有中大夫令勉。

史記孝文本紀索隱 通鑑注漢紀七

功氏。晉大夫司功景子之後。或去司單爲功氏。

姓解一作晉 大夫功景



古氏。古公亶父後因氏焉。晉平公時。舟人古乘。漢有孝子古初。元和姓纂六  
通志氏族略

古成氏。苦成子之後。隨音改焉。漢有廣漢都尉古成雲。元和姓纂六  
通志氏族略

司功氏。晉大夫有司功景子。士丐弟佗因官氏焉。路史後紀  
十一注

司寇氏。蘇忿生爲周武王司寇。後以官爲氏。禮記。司寇惠子。魯大夫。廣韻五十候  
通志氏族略

司鴻氏。古有司鴻荀。著書。漢有諫大夫司鴻儀。姓解三儀作荀  
通志氏族略作中大夫

布氏。趙有布子善相馬。通志氏  
族略

弘氏。衛大夫弘演之後。漢有宦者弘恭爲中書令。元和姓纂五  
通志氏族略

玄氏。玄都。古諸侯國也。子孫以國爲氏。通志氏族略  
通鑑晉紀二十二注

用氏。古有用國。見毛詩。高堂乃用地。故有用姓。漢有高堂令用蚡。元和姓纂八  
通志氏族略  
路史國名記六  
急就篇補注  
洪邁容齋隨筆五筆

由氏。秦相由余之後。又楚大夫王孫由于有忠勇之節。楚人亦謂其族爲由氏。漢有由章至長沙太傅。姓解三作  
長沙太守

宋景文公筆記  
急就篇補注一  
通志氏族略

甲氏。太甲之後。一云鄭大夫石甲之後。以王父字爲氏。元和姓纂十  
通志氏族略

申公氏。巫臣之後。漢太子傅申公。姓氏書辯證六  
姓解三

申徒氏。本申屠氏。隨音改爲申徒。尸子云。申徒狄。夏賢人也。湯以天下授之。恥以不義聞也。自投於河。莊子。

申徒嘉。兀者。鄭人也。漢有西河太守申徒建。勝屠卽申徒也。史記酷吏傳索隱  
元和姓纂三  
通志氏族略

白馬氏。微子乘白馬朝周因。氏焉。元和姓纂十  
路史後紀十注  
姓解三  
通志氏族略  
稱證校勘記下

白鹿氏。白鹿先生。古賢人。著書。元和姓纂十通志氏族略

白象氏。白象先生。古隱者。元和姓纂五通志氏族略 姓氏書辯證三

皮氏。周卿士樊仲皮之後。漢有諫議大夫皮究。元和姓纂二通志氏族略

立如氏。魯賢人立如子。著書。通志氏族略

仲氏。凡氏於字。伯仲叔季是也。湯左相仲虺。孔子弟子仲由。廣韻一送 姓解一

伊氏。漢有議郎伊推。又伊嘉為雁門都尉。石顯黨。通志氏族略

列氏。古帝王列山氏之後。子孫氏焉。鄭有隱者列禦寇。著書八篇號列子。元和姓纂十路史後紀八 姓解二 辯證校勘記下

匠氏。凡氏於事。巫卜陶匠是也。古有匠石。十韻彙編四十一 漾唐韻 姓解三 廣韻四十一 漾 通志氏族略

匡氏。匡。魯邑也。句須為之宰。其後氏焉。漢有匡衡。廣韻十陽 通鑑注漢紀二十

名氏。楚大夫彭名之後也。姓解一

安氏。漢有安成為太守。元和姓纂四 廣韻二十五 寒 通志氏族略 通鑑注晉紀二十八

州氏。晉有州綽。州賓。其先食采於州。因以為氏。又淳于氏謂之州公。其後亦為州氏。漢有州輔。元和姓纂五 通鑑 志氏族略

注魏紀七

有氏。有巢氏之後。仲尼弟子有若。魯人。漢有光祿勳有光。元和姓纂七 通志氏族略 姓解三

池氏。氏於居者。城郭闌池是也。漢有中牟令池瓊。廣韻五支 姓氏書辯證三

牟氏。牟子國。祝融之後。因氏焉。漢有太尉牟融。姓解二 廣韻十八 尤 通志氏族略 通鑑注漢紀三十七

百里氏。秦百里奚之後。其先虞人。家於百里。因氏焉。通志氏族略

老氏。顓頊子老童之後。左傳宋有老佐。論語老彭即彭祖也。或云老氏、老聃、老萊子之後。元和姓纂七 姓解一 作左傳有老佐 盧楚有

老萊子 通志氏族略

舌氏。越有大夫舌庸。姓解一

艾氏。龐儉母艾氏。姓解二 廣韻十四泰 通鑑注晉紀二十四

行氏。漢有行祐為趙相。後漢書光武紀注

西鄉氏。宋大夫西鄉錯之後。尸子有隱者西鄉曹。姓氏書辯證四 通志氏族略 路史後紀十注

伯氏。嬴姓。伯益之後。晉大夫伯宗生州犁。仕楚。元和姓纂十 姓氏書辯證三十九 路史後紀八

伯成氏。伯成胥渠。晉隱士。諫議大夫伯成衡。功臣表。吾侯伯成延。傳封六代。成或作城。王莽時。伯成修獻符

命。元和姓纂十

余丘氏。漢有侍御史余丘炳。姓解三

余氏。秦由余之後。元和姓纂二 廣韻九魚 通志氏族略 通鑑注唐紀七十三

作氏。周公之子胙侯。子孫因避地改為作氏。漢有涿郡太守作顯。元和姓纂十 通志氏族略 容齋隨筆五筆

利氏。漢有利乾為中山相。元和姓纂八 廣韻六至 通志氏族略

孝氏。齊孝公之後。元和姓纂十 韻彙編三十六效唐韻 廣韻三十六效 通志氏族略

岑氏。古岑子國之後。出姬姓。周文王異母弟耀子渠。武王封為岑子。漢有岑彭。廣韻二十一侵 急就篇補注

巫氏。凡氏於事、巫卜、陶匠是也。殷有巫咸、巫賢。漢有冀州刺史巫捷。又有巫都作養性經。

元和姓纂二 廣韻十虞 通志氏族略

忌氏。周公忌父之後。以王父字爲氏。

廣韻七志 姓氏書辯證二十九 通志氏族略

快氏。漢有快欽。

一 姓解

成陽氏。漢有護軍成陽愼。

二 姓解

我氏。我子。六國時人。著書。

元和姓纂七

投氏。晉中行穆子相投壺爲投壺氏。後有投氏。

陳士元 姓譜四

投壺氏。晉中行穆子相投壺因以氏焉。

姓解二 廣韻十九侯

抗一作仇氏。衛大夫三抗之後。漢有抗喜爲漢中太守。又有抗徐爲長沙太守。

後漢書桓帝紀注 十韻彙編四十二宕唐韻 姓解一 漢中太守作漢中大夫 廣韻四十二宕

姓氏書辯證三十三

李氏。李伯陽之後。

廣韻六止

步氏。漢有下邳主簿步邵南。

姓解一 廣韻十虞

汲氏。衛宣公太子伋之後居汲。因以爲氏。

元和姓纂十 通志氏族略

沃氏。商王沃丁之後。神仙傳。沃焦。吳人。

元和姓纂下 通志氏族略 十韻彙編二沃唐韻 辯證校勘記下 廣韻二沃

沐氏。漢有東平太守沐寵。

十韻彙編一屋唐韻 容齋隨筆五筆 通鑑注漢紀四十六 廣韻一屋

沖氏。有博士沖和。

姓解一 姓氏書辯證一

沙氏。晉有沙廣。

元和姓纂四五 姓解一 通志氏族略

甫氏。出自炎帝裔孫。伯夷爲堯太嶽。封其後爲甫侯。子孫以國爲氏。廣韻九處

赤氏。帝嚳師赤松子之後。元和姓纂十 通志氏族略 辯證校勘記下

車氏。舜之後也。陳敬仲奔齊稱田氏。至漢丞相田千秋。以年老得乘小車出入省中。時號車丞相。子孫以爲氏。

姓解二

那氏。朝那·東夷也。以國爲氏。其後單姓那氏。姓氏書辯證十二 通志氏族略

京氏。鄭武公子段封於京。號京城太叔。其後氏焉。漢有京房受易。本姓李。歛律自定爲京氏。姓解三 廣韻十二 庚通鑑注漢紀二十

來氏。子姓。商之支孫食采於邾。因以爲氏。其後避難去邑。齊有來章。秦末徙義陽之新野。楚有來英。漢功臣

表。軟侯來蒼。通志氏族略

具氏。晉大夫具丙之後。漢有中山相具褒。姓解三 通志氏族略相作太守

典氏。元和姓纂七 通志氏族略

到氏。出彭城。本自高陽氏。楚令尹屈到之後。漢有東平太守到質。姓氏書辯證 容齋隨筆五筆

卑氏。鄭大夫卑諶之後。漢有北平太守卑躬。議郎卑整。後漢皇后紀處美人注 廣韻五支 姓氏書辯證三 容齋隨筆五筆

周生。姓也。後漢書馮衍傳注

咎氏。湯司空咎單。元和姓纂七

坤氏。坤年子·六國時人。著書。元和姓纂四

夜氏。夜·姓也。漢靈帝時。雒陽男子夜龍以弓箭射北闕。龍有從兄陽。姓氏書辯證三十三

奄氏。奄·國號。卽商奄也。尙書。成王既踐奄。左傳秦大夫奄息其後也。元和姓纂七 通志氏族略 姓氏書辯證二十八

委氏。周有委人。掌斂甸稍芻薪之賦。以其委積。後以世官爲氏。漢有太原太守委進。姓解一 廣韻四紙

季連氏。晉有棠邑大夫季連齊。姓解二

宓氏。宓康公之後。以國爲氏。史記。仲尼弟子宓不齊字子賤。元和姓 纂十

屈侯氏。魏賢人屈侯鮒。史記。漢有郎中屈侯豫。姓氏書辯證三十七 通志氏族略

帛氏。楚有帛州犁。神仙傳有帛和。姓解三

府氏。漢有司徒掾府悝。姓解三 廣韻九虞 姓氏書辯證二十三 通志氏族略

弦氏。弦子之後。廣韻 一先

所氏。宋大夫所事之後。漢有諫議大夫所忠。史記司馬相如傳正義 後漢書獨行劉茂傳注 元和姓纂六 通志氏族略 急就篇補注一 王應麟困學紀聞七

於陵氏。陳仲子·齊世家也。辭爵灌園於於陵。因氏焉。漢有議郎於陵欽。姓解三 元和姓纂二 通志氏族略

吳氏。吳英氏之後。一云少吳之後。通志氏族略 路史前紀九注

吞氏。彭城吞景以爲計掾。晉書謝玄 傳晉義 族略

昌氏。黃帝子昌意之後。通志氏 族略

昔氏。周大夫封昔。因氏焉。漢有烏傷令昔登。元和姓纂十 十韻彙編二十二昔唐韻 姓解一 廣韻二十二昔 通志氏族略

東方氏。伏羲之後。帝出於震。位東方。子孫因氏焉。元和姓纂一 通志氏族略 路史後紀一 吳會能改齋漫錄

東郭氏。東郭牙·齊大夫。東郭咸陽其後也。司馬貞史記平 準書索隱

東陵氏。秦東陵侯邵平之後。又齊景公時有隱居東陵者氏焉。神仙傳有東陵聖母。姓氏書辯證二 通志氏族略

東關氏。晉東關嬖五之後。漢有將軍北亭侯東關義。姓氏書 辯證二

折氏。衛有公族大夫折朱鉏。齊有大夫折歸父。廣韻十三錫 通志氏族略

林氏。林放之後。元和姓纂五 廣韻二十一侵 辯證校勘記中

枚氏。六國有賢人枚被。通鑑注 漢紀五

武氏。宋武公之後。漢有武臣。廣韻九廢 急就篇補注一

武成氏。平原君勝封武成。因氏焉。漢有武成黑。元和姓纂六 通志氏族略 路史後紀七

武強氏。漢武強侯王梁。其後因封爲氏。姓解二 廣韻九廢

杳氏。寶人七姓有杳氏。姓解十

沮氏。黃帝時史官沮誦之後。漢有射聲校尉沮儁。後漢書獻 帝紀注

冷一作倫氏。黃帝臣典樂冷倫之後。左傳。秦大夫冷至。漢功臣下相侯冷耳。元帝功臣駟望侯冷廣。通志氏 族略

牧氏。漢有越雋太守牧稂。廣韻 一虛

牧師氏。廣韻 六脂

社北氏。齊倡有居社北者。以爲氏。漢高揚一作作楊娶扶風社北氏女。元和姓纂六 誤作祖南氏 姓解一 姓氏書辯證二十六 通志氏族略

社南氏。齊倡徙居社南。因以爲氏。姓解一 廣韻二十五馬 姓氏書辯證二十六

聶氏。新鄭人楊聶邨在縣西二十五里。元和姓纂九 通志氏族略

肥氏。其先有封肥鄉者。趙賢人肥義之後。漢有肥詔。英布將肥赫。又仁恕掾肥親。元和姓纂二 通志氏族略 案肥赫即賁赫

芬氏。晉大夫芬賢。見戰國策。通志氏族略

芳氏。漢有幽州刺史芳乘。姓解一作芳乘敷 廣韻十陽 姓氏書辯證十四 通志氏族略作芳垂敷 通鑑注漢紀三十三

芸氏。晉大夫芸賢。見戰國策。元和姓纂三

虎氏。漢有合浦太守虎旗。其先八元伯虎之後。廣韻十姥 通志氏族略 容齋隨筆五筆

邯鄲氏。漢有衛尉邯鄲義。姓解一

邳氏。奚仲爲夏車正。自薛封邳。其後爲氏。漢二十八將有衛尉信都邳彤。元和姓纂二 姓解一 廣韻六脂 通志氏族略

邸氏。漢有上郡太守邸杜。廣韻十一齊 姓氏書辯證二十四 通志氏族略杜作社 容齋隨筆五筆

采氏。漢有度遼將軍采皓。姓解三 廣韻十五海

金氏。少昊金天氏之後。元和姓纂五

阿氏。阿衡·伊尹號。其後氏焉。姓解二 廣韻七歌 姓氏書辯證十二 通志氏族略 路史後紀四

青牛氏。廣韻十五青

青鳥氏。漢有青鳥子。善術數。姓解三 廣韻十五青

青陽氏。青陽·黃帝子。國語曰。青陽爲己姓。黃帝娶方雷氏女生青陽。少昊氏也。後世以爲氏。漢有東海太守

青陽情。又有東海王國中尉青陽精。姓氏書辯證十七 通志氏族略

非氏。周有非子。伯益之後。漢有大司農非調。元和姓纂二 姓解三 廣韻八微



侯史氏。董狐爲晉侯史。因官氏焉。元和姓纂五 通志氏族略 辯證校勘記中

侯叟氏。颺叔安之後。路史後 紀八注

侯氏。侯子。古賢人。著書。元和姓纂六 姓解一 廣韻六止 通志氏族略云六國時人 姓氏書辯證二十二

信氏。魏公子信陵君無忌後氏焉。史記。趙有信期。秦將信梁。姓氏書辯證三十二 通志氏族略

信都氏。張敖尙魯元公主。封於信都。因氏焉。一云本申屠氏。古信申音同。故爲信都。元和姓纂九 通志氏族略 辯證校勘記中

冠氏。古賢者鴟冠子之後。廣韻二十六桓 通志氏族略

勃氏。宋左師勃之後。晉有寺人勃鞞。姓氏書辯證 通志氏族略

勉氏。漢有上郡守勉昂。姓解 三

南氏。楚大夫南遺。孔子弟子南綰字子容。論語南容也。姓解 三

卽氏。其先食采卽墨。因以命氏。漢有單父令卽賣。十韻彙編二十四職 唐韻及姓解二賣皆作費 廣韻二十四職 通志氏族略實作費 容齊隨筆五筆 辯證校勘記下

卽墨氏。漢有卽墨威爲咸陽令。姓解 二

哀氏。魯哀公之後。以諡爲氏。後漢書劉聖公傳注 姓氏書辯證六 路史後紀十注

垣氏。垣。秦邑也。因以爲氏。秦始皇將有垣。漢西河太守垣恭。後漢書公孫述傳注 案垣。史記作桓。 姓解二 廣韻八微 通志氏族略

威氏。齊威王之後。以田氏始王。故其後以爲氏。姓解二 廣韻八微 通志氏族略

威王氏。漢有中郎威王弼。出自楚威王。廣韻 十陽

宣氏。宋宣公之後。以諡爲氏。漢有宣虎。又馮翊雲陽人宣秉。字巨公。爲大司徒司直。子彪爲玄菟太守。

姓氏書 辯證九

通志氏族略 路史後紀十  
急就篇補注二

建氏。楚太子建之後。漢有建公。見元后傳。元和姓纂九  
通志氏族略

恆氏。楚大夫恆思公之後。見世本。漢有東安長恆襄。元和姓纂五  
通志氏族略

恤氏。魯有恤由。姓解  
一

春氏。楚相黃歇號春申君。子孫氏焉。元和姓纂三  
通志氏族略

柏氏。柏皇氏之後。又柏亮父為顯帝師。柏招為帝嚳師。柏景為周太僕。柏國在汝南西平縣。為楚所滅。子孫以

國為氏。漢有柏英為大鴻臚。元和姓纂十  
路史前紀六 通志氏族略  
辯證校勘記下

柏成氏。堯時諸侯柏成子高。通志氏  
族略

段氏。段干木之後。廣韻二十九換 通志氏族略  
路史注國名紀二

洼氏。漢有大鴻臚洼丹。後漢書儒林傳注  
廣韻十二齊

皇氏。三皇之後。因氏焉。左傳。鄭大夫皇頡。皇辰。宋有皇氏世為上卿。本皇父充石之後。以字為氏。漢有琅琊

相皇運。通志氏  
族略

益氏。益成括仕齊見殺。其子逃難。去成為益氏。漢有中郎將益謚。姓氏書  
辯證七

益成氏。益成括仕齊。孟軻知其必死。其子逃難氏焉。姓解三括作格  
廣韻二十三魂

禹氏。夏禹之支庶以諡為氏。元和姓纂六  
路史後紀十四

胡母氏。本陳胡公之後也。公子完奔齊。遂有齊國。齊宣王母弟別封母鄉。遠本胡公。近取母邑。故曰胡母氏也。

漢有執金吾胡毋班。後漢書獻帝紀注  
通鑑注漢紀四十八

胤氏。夏時諸侯國。子孫氏焉。元和姓纂九 通志氏族略  
路史國名紀六 辯證校勘記中

苗氏。楚大夫伯棼之後。賁皇奔晉。食采於苗。因而氏焉。漢有長水校尉苗浦。王莽時有苗訢。廣韻四宵 通志氏  
族略 通鑑注漢紀

二十

苦氏。苦成。越大夫。漢苦均為會稽太守。元和姓  
纂六

衍氏。宋微仲衍之後。通志氏  
族略

計氏。漢計子勳為司空掾。元和姓纂八 姓解一作漢有司空掾計  
訓史有范蠡師計然又有方技計子遜

述氏。世本。魯大夫仲述之後。十韻彙編六 術唐韻 廣韻六述  
姓氏書辯證三十六 通志氏族略

郅氏。郅。商時侯國也。子孫氏焉。見毛詩。漢有濟南太守郅都。元和姓纂十 通志氏族略  
通鑑注漢紀八

郈氏。魯大夫郈昭伯食采於郈。因氏焉。元和姓  
纂七

重氏。重黎之後。少昊時南正重司天。元和姓纂一  
通志氏族略

飛廉氏。飛廉國。秦所滅。因氏焉。漢有光祿大夫飛廉安國。元和姓  
纂一

食氏。食我。韓公子也。見戰國策。漢有博士食子公。河內人。元和姓纂十 十韻彙編二十四職唐韻 姓解二  
廣韻二十四職作食子公 宋景文公筆記 通志氏族略

乘氏。楚大夫子乘之後。以王父字為氏。又乘睢。古賢人。見世本。漢煮棗侯乘昌。又有乘弘治易。為博士。元和  
姓纂

五 通志  
氏族略

倫氏。黃帝伶倫樂時人之後。或單為倫氏。廣韻十八諄 姓氏書辯證六  
通志氏族略

兼氏。衛公子兼之後。元和姓纂五  
通志氏族略

冥氏。夏禹後。因國爲氏。漢有冥都爲丞相史。廣韻十  
五青

卿氏。趙相虞卿之後。戰國策有卿秦爲魏將軍。或云楚項梁將卿子冠軍之後。廣韻十二庚  
通志氏族略 姓氏書辯證十六

城氏。氏於居者。城·郭·園·池是也。姓解一  
廣韻十四清

孫陽氏。景丹封孫陽侯。丹曾孫汾避亂隴西。因封爲氏。元和姓  
纂四

家氏。出於周。家伯爲幽王太宰。又家父爲太宰。其後氏焉。漢有家羨爲劇令。廣韻九麻  
通志氏族略

師氏。師·樂人瞽者之稱。自晉師曠之後始以爲氏。魯有師乙。鄭有師悝·師觸·師蠲·師成。漢有東海師中作雅

琴師氏八篇。元和姓纂二  
通志氏族略 姓氏書辯證三

庫氏。古守庫大夫因官命氏。漢有輔義侯庫鈞。元和姓纂八  
廣韻十一暮

庫成氏。本苦成氏。方言音變爲庫成。通志氏族略  
辯證校勘記中

徒人氏。齊有徒人費。姓解  
一

恩氏。陳大夫成仲不恩之後。廣韻二十四痕  
姓氏書辯證七

息氏。息侯之後。路史後  
紀十注

息夫氏。息公子邊爲大夫。因氏焉。有光祿大夫息夫躬。通志氏  
族略

旃氏。吳人。姓解  
三

旅氏。周大夫子旅之後。漢高功臣昌平侯旅卿。傳封六代。通志氏  
族略

晏氏。漢有御史晏忠。元和姓纂九

根氏。古賢者根牟子著書七篇。姓解二

根牟氏。根牟。魯邑名。以為氏。根牟子。古賢者。著書。廣韻四十二痕

桂氏。漢有楊州刺史桂褒。燕人。通志氏族略

殷氏。氏於號。唐。虞。夏。殷是也。廣韻十虞

浩羊氏。齊大夫浩羊嘉。姓氏書辯證二十六通志氏族略

班氏。楚令尹鬬班之後。漢有班彪。彪子固。姓解二廣韻二十七剛

皋氏。皋陶之後。漢有司徒長史皋誨。通志氏族略

眞氏。漢有太尉史長眞祐。元和姓纂三祐作俗。姓解三廣韻十七眞。通志氏族略

祝其氏。宋戴公子祝其為司寇。因氏焉。漢有清河都尉祝其承先。元和姓纂十。通志氏族略。辯證校勘記下

神氏。神農氏之後。漢有騎都尉神曜。元和姓纂三。廣韻十七真。路史後紀四

荆氏。漢有九江太守荆修。容齋隨筆五筆

虔氏。黃帝之後。莊子有虔天根。通志氏族略。路史國名記一

豹氏。八元叔豹之後。十韻彙編三十六效唐韻。姓解二。廣韻三十六效。通志氏族略

軒轅氏。軒轅即黃帝也。姓公孫。或言姬姓。亦省作軒氏。漢有諫議大夫軒和。元和姓纂四。通志氏族略

高堂氏。齊卿高敬仲食采於堂。因為氏。元和姓纂五。通志氏族略。路史國名記云高倭采

鬼谷氏。鬼谷先生。六國時縱橫家。

通鑑注  
周紀二

# 風俗通義佚文卷六

姓氏下十一畫至二十四畫

副氏。周公忌父之後。以王父字爲氏。元和姓纂九

區氏。歐冶子之後轉爲區氏。王莽時有郎中區博。通志氏族略 辯證校勘記中

圜氏。楚鬻熊之後。一云本姓卷氏。鄭穆公之後。秦末有爲博士者。避難改爲圜氏。元和姓纂六 通志氏族略 黃長睿東觀餘錄

堂氏。堂楚邑也。大夫五尙爲之。其後氏焉。姓解三 廣韻十一唐

婁氏。邾婁國之後。子孫或以婁爲氏。或以邾婁爲氏。左傳。齊大夫婁禋。元和姓纂五 通志氏族略

宿氏。伏羲風姓之後。以國爲氏。漢有雁門太守宿詳。十韻彙編一屋唐韻 廣韻一屋 通志氏族略 容齋隨筆五筆

寇氏。蘇忿生爲武王司寇。其後以官爲氏。廣韻五 十候

將匠氏。漢官有將匠少府。因爲氏。元和姓纂五 通志氏族略

常丘氏。有常丘崎。姓解二

張氏。張·王·李·趙皆黃帝之後也。周有張仲。禮記有張老。姓解二

御龍氏。陶唐之後有劉累學擾龍。事夏孔甲。賜氏曰御龍氏。通志氏族略

扈氏。有扈氏之後。趙有扈輒。漢有扈雲爲千人官。姓解一 廣韻十姥

捷氏。邾公子捷菑之後。漢藝文志有捷子二篇。六國時人。通志氏族略

救氏。漢有諫議大夫救仁。十韻彙編四十九有唐韻仁作人 廣韻四十九有 通志氏族略 辯證校勘記中

敖氏。顓頊師大敖之後。路史後 紀八

既氏。吳夫槩王之後。子孫因避仇改爲既氏。漢有安南長史既良。元和姓纂八 通志氏族略安南長史作長安令

晝氏。晝邑·齊大夫之封。因氏焉。元和姓纂九 十韻彙編四十九有唐韻 姓解三 廣韻四十九有 通志氏族略 路史國名記七 急就稿補注 辯證校勘記中

望氏。齊太公望之後。姓氏書辯證三十三 通志氏族略

梁氏。伯益後。路史後 紀八注

淳子氏。淳子·春秋時小國。桓公五年不復其國。子孫以國爲氏。元和姓纂三 通志氏族略

淵氏。齊大夫淵湫。姓解 一 廣韻十五青

瓶一作餅氏。漢有太子少傅餽守。姓解二作餅中 廣韻十五青

移一作蛇氏。齊公子雍食采於移。後爲氏。漢有弘農太守移良。後漢書楊震傳注 姓解二 廣韻五支 姓氏書辯證三 容齋隨筆五筆 路史國名記一 路史後紀四

窻中氏。史記高祖功 臣表索隱

章氏。秦有將軍章邯。姓解 三

第八氏。齊諸田之後。田廣弟英爲第八門。因氏焉。漢有第八矯。王莽時講學大夫。元和姓纂八 通志氏族略

笮氏。楚有笮倫。姓解一作筮 通志氏族略 通鑑注漢紀六十一

終古氏。終古·桀內史也。後氏焉。元和姓纂一 通志氏族略

終黎氏。嬴後有姓終黎者是也。裴駰史記秦本紀集解



習氏。習·國名。傳有少習。漢有陳相習響。元和姓纂十 通志氏族略 路史國名記六 通鑑注魏紀四

聃氏。周文王第十子聃季載之後。通志氏族略

聊氏。漢有聊蒼爲侍中。著書號聊子。又有聊謀爲潁川太守。著萬姓譜。姓解一 廣韻三蕭 姓氏書辯證十 通志氏族略

莢氏。莢成儋子·晉大夫也。見世本。通志氏族略

處氏。史記。趙有辯士處子著書。故有處姓。漢有北海太守處興。後漢書酷吏李章傳注僅云太守 元和姓纂六作北郡太守 姓解二 廣韻八語 通志氏族略及容齋隨筆五筆作北海太守

蛇丘氏。蛇丘·公族采。漢有蛇丘炳。濟北有蛇丘惑爲河內太守。姓解二 路史後紀四

被氏。漢有太中大夫被通。牂柯太守被條。通志氏族略

郭氏。王季子郭叔之後。又氏於居者·城·郭·園·池是也。廣韻十 九鐸

陰氏。陰康氏之後。周有陰不佞。又管修自齊適楚爲陰大夫。其後氏焉。元和姓纂五 姓解二 通志氏族略 路史前紀九 姓氏書辯證十九

陶氏。凡氏於事·巫·卜·陶·匠是也。漢有陶舍·陶青。廣韻四十一漾 急就篇補注

魚氏。宋桓公子公子目夷字子魚。賢而有謀。子孫以王父字爲氏。漢有長安人魚翁椒。元和姓纂二 姓解二 廣韻注 九魚 通志氏族略 通鑑注 晉紀二十

魚孫氏。宋大夫魚石奔楚。在國者因氏。元和姓纂二 路史後紀十注

鹿氏。趙大夫食采五鹿。因氏焉。漢有巴郡太守鹿旗。十韻彙編一屋唐韻 廣韻一屋 容齋隨筆五筆 通鑑注晉紀二十

麻氏。齊大夫麻嬰之後。漢有麻達注論語。又有麻光爲御史大夫。姓解三 廣韻九麻 通志氏族略 路史國名紀三 通鑑注晉紀十七

備氏。宋封人備之後。廣韻六至

博氏。漢有博子勞。善相馬。姓氏書辯證三十八作博勞吉 通志氏族略

堪氏。八元仲堪之後。姓解一 廣韻二十二章

壺氏。漢有諫議大夫壺遂。大鴻臚壺充國。廣韻十一 一模

尊氏。太昊之世諸侯尊盧氏之後。姓解三 廣韻二十三魂 路史前紀八

屠氏。漢末有屠景先。河東人。通志氏族略

屠門氏。琴引有秦屠門高。姓解二

幾氏。宋大夫仲幾之後。以王父字為氏。元和姓纂二 通志氏族略

景氏。有景鳳。楚有景差。秦有寺人景監。姓解一

期氏。楚大夫居期思城。因以為氏。楚期思公復遂之後有去思者單為期氏。姓書 辯證四

期思氏。楚大夫居期思城。因以為氏。元和姓纂二期作旗 姓解一作古 有期思國國人以為氏 廣韻七之

棠谿一作唐谿氏。吳夫槩王奔楚。封棠谿。因以為氏。漢有棠谿典為五官中郎將。後漢書延篤傳注

渠丘氏。莒有渠丘公。因氏焉。元和姓纂二 路史國名記二誤莒為晉

為氏。魯昭公子公為之後。漢有南郡太守為昆。廣韻五支 容齋隨筆五筆

甥氏。晉大夫呂甥之後。姓解三 廣韻十二庚

舒氏。舒子之後。以國為氏。元和姓 纂二

菑丘氏。齊有勇士菑丘仁。

二 姓解

訾氏。帝譽妃訾嫫氏女。漢有樓虛侯訾順。

元和姓纂二  
通志氏族略

貴氏。陸終之後。漢有貴遷爲廬江太守。

元和姓纂八  
通志氏族略  
容齋隨筆五筆

賁氏。魯有賁浦。漢功臣表有賁赫。告鯨布反。封期思侯。

晉書晉義  
通志氏族略

遂氏。遂，秦邑也。其大夫氏焉。漢有大司空遂並。

後漢書鄧暉傳注  
十韻彙編三燭唐韻並作普  
姓解一  
通志氏族略空作馬  
路史國名紀六  
廣韻三燭  
辯證校勘記下

鈞氏。楚大夫元鈞之後。漢有侍中鈞喜。

元和姓纂三及通志氏族略侍中作御史  
廣韻十八諄

陽成氏。陽成胥渠，晉隱士也。漢有諫議大夫陽成公衡。功臣表梧齊侯陽成延。傳封六代。王莽時，陽成修獻

符命。

姓氏書辯證十四  
通志氏族略

集氏。漢有外黃令集一。

廣韻二十六輯  
容齋隨筆五筆  
通鑑注魏紀九集作習  
辯證校勘記下

須氏。太昊之後裔須句國之後。又殷有密須。以國爲氏。魏有須賈。漢有平陸侯須無。

元和姓纂二  
姓解一  
廣韻十虞  
通鑑注周紀五

勤氏。魯有大夫勤成。

姓解一  
姓氏書辯證七  
通志氏族略

嗇氏。古嗇夫子孫因氏焉。

元和姓纂十  
通志氏族略

嗣氏。衛嗣君之後。

廣韻七志  
通志氏族略

園氏。氏於居，城·郭·園·池是也。

元和姓  
纂四

塗氏。塗山氏之後。漢有諫議大夫塗暉。

後漢書賈逵傳注  
廣韻十一模  
通志氏族略

嵩氏。漢有嵩極玄子。見史記。

姓氏書  
辯證一

搖一作搖氏。東越王搖。句踐之後。其後以搖為姓。漢有將軍搖偉。後漢書岑彭傳注 廣韻四宵

慎氏。慎到為韓大夫。著慎子三十篇。通志氏族略 元和姓纂九作遴氏 辯證校勘記中

敬氏。陳敬仲之後。後漢有揚州刺史敬歆。平陽人。十韻彙編四十三映唐韻 廣韻四十三映 通鑑注隋紀六

斟灌氏。夏同姓諸侯。子孫以國為氏。通志氏族略 辯證校勘記中

新垣氏。魏將新垣衍。畢公高之後。漢書。文帝時。新垣平善望氣。通志氏族略

會氏。陸終第六子會人之後。元和姓纂八 姓氏書辯證三十一

楚氏。芊姓。鬻熊封楚。以國為氏。左傳。魯有楚丘。元和姓纂六

滑氏。漢有詹事滑典。十韻彙編十四點唐韻 廣韻十四點

猷氏。衛有猷康。姓解二 姓氏書辯證十八 通志氏族略

瑕丘氏。魯桓公庶子食采於瑕丘。子孫氏焉。漢有瑕丘申陽。姓氏書辯證十二 通志氏族略

督氏。宋大夫華父督之後。晉有督戎。漢有五原太守督瓊。瓊一作瓊 元和姓纂十 廣韻二沃 通志氏族略 十韻彙編二沃唐韻 容齋隨筆五筆 姓解一

祿氏。紂子武庚祿父後。以王父字為氏。元和姓纂十 通志氏族略

筦氏。筦蘇。楚大夫。見呂氏春秋。漢有筦路為御史中丞。漢書音義 宋景文公筆記 案筦路見漢書儒林顏安樂傳中。宋所見本 是草下完 故引為證 蕭該首丸又音官 與師古云亦管子異 但呂氏春秋

長見篇作竟謔 竟或筦字之誤歟 筦蘇見新序 一作 筦蘇 急就篇補注一案風俗通姓氏篇有筦管二姓

義氏。義伯陽。卿也。漢有南陽太守義縱。元和姓纂八

義渠氏。義渠。狄國。為秦所滅。後因氏焉。漢有光祿大夫義渠安國。姓解二 通志氏族略

肆氏。宋大夫肆臣之後。漢有漁陽太守肆敏。元和姓纂八 姓解一 通志氏族略

落氏。皋落氏。翟國也。以國爲氏。漢有落下閔。巴郡人。纂太初歷。元和姓纂十 通志氏族略

葉氏。楚沈尹戍字子高。食采於葉。因氏焉。元和姓纂十 通志氏族略

葛氏。葛天氏之胤。子孫氏焉。夏時葛伯。嬴姓國也。亦爲葛氏。漢有潁川太守葛興。元和姓纂十 路史後紀七 通志氏族略

董氏。本鸞叔安之裔。子董父實甚好龍。帝舜嘉焉。賜姓曰董。左傳有董狐。董安子。漢有翟王董翳。又有董仲舒。姓解二

虞丘氏。晉有虞丘書爲乘馬御。姓解二

資氏。資成。陳留人。元和姓纂二 通志氏族略

載氏。姬姓之後。春秋有載國。陳留外黃是。廣韻十九代 路史國名記五 辯證校勘記中

農氏。神農氏之後。廣韻 二冬

遂氏。舜後。箕伯直柄伯戲中衰。商封之於遂。爲遂氏。路史後紀十二

遇氏。漢有遇沖爲河內太守。元和姓纂八及通志氏族略河內作東安 姓解三內誤作南 廣韻十遇 容齋隨筆五筆 辯證校勘記中

過氏。過國。夏諸侯。後因爲氏。漢有兗州刺史過栩。姓解一栩作詡 廣韻八戈 姓氏書辯證十二 急就篇補注一

郟氏。郟。晉邑。楚雍子奔晉。晉與之郟。以爲謀主。因以邑爲氏。漢有東海太守郟熙。姓氏書辯證 容齋隨筆五筆

雍氏。周文王第十三子雍伯之後。以國爲氏。漢雍齒。沛人。元姓姓纂八 廣韻三用 急就篇補注一

靖氏。單靖公之後。以諡爲氏。一云齊田氏之族。靖郭君之後。元和姓纂七 廣韻四 十靜 通志氏族略

靳氏。楚大夫靳歙。又汾陽侯靳強。元和姓纂九

頤氏。顓頊之後。元和姓纂十

頓氏。頓子國。今南頓是也。後為楚所滅。子孫以國為氏。漢有頓肅。元和姓纂九

僑氏。黃帝孫僑極之後。通志氏族略

僕氏。周禮僕人之後。漢有輝渠侯僕多。廣韻二沃

僮氏。漢有交阯刺史僮尹。姓解一刺史作太守 廣韻一東 通鑑注漢紀五十四

嘗氏。齊孟嘗君之後。廣韻十陽 姓氏書辯證十三

壽氏。吳王壽夢之後。有壽越。壽於姚。漢末兖州牧壽良。後漢書方術傳注 姓氏書辯證三十四 通志氏族略 通鑑注宋紀十二

幕氏。舜祖幕。支孫以王父字為氏。元和姓纂十 十韻彙編十九鐸唐韻 通志氏族略 急就篇補注

廖氏。古有廖叔安。左傳作臯。蓋其後也。漢有廖覬為鉅鹿太守。元和姓纂五又九 通志氏族略 通鑑注漢紀三十

旗氏。齊卿公孫竈之孫變施字子旗。子孫以王父字為氏。漢有旗光。姓解三 通志氏族略 作九江太守旗况

暢氏。出姜姓。齊後。姓氏書辯證三十三

榮氏。周成王卿士榮伯之後也。後漢有京兆尹榮邵。姓氏書辯證十六作營 急就篇補注

滿氏。荆蠻有滿氏。音舛變為滿氏。一云胡公滿之後。漢有滿昌。廣韻二十四緩 姓氏書辯證 通志氏族略 通鑑注漢紀二十六

熊氏。黃帝有熊氏之後也。左傳有熊宜僚。姓解二

監氏。衛康叔為連屬之監。其後氏焉。元和姓纂九 廣韻五十九鑑 通志氏族略 辯證校勘記中

管氏。管夷吾、齊桓佐也。見論語。漢有管甝爲西河太守。漢書音義 宋景文公筆記

綦母氏。晉大夫綦母張。漢有廷尉綦母參。戰國策。綦母子與公孫龍爭辯。元和姓纂二 通志氏族略 姓解三

聞人氏。少正卯、魯之聞人。其後氏焉。漢有太尉聞人襲。又太子舍人聞人通論石渠。至中山中尉。後漢書靈帝紀注 元和

姓纂三 姓解一 通志氏族略 通鑑注漢紀四十八

臧孫氏。魯卿有臧孫辰。姓解二

臺氏。金天氏裔孫曰臺駘。其後氏焉。漢有侍中臺崇。後漢書獻帝紀注

蒙氏。東蒙主以蒙山爲氏。秦有將軍蒙騫生武。武生恬。皆仕秦。元和姓纂一 通志氏族略

蒯氏。晉大夫蒯得之後。漢有蒯徹。元和姓纂八 通志氏族略

蒲氏。漢有詹事蒲昌。又有蒲遵。元和姓纂二 姓解二 廣韻十一模 通志氏族略

蒼氏。八凱蒼舒之後。漢有江夏太守蒼英。通志氏族略

蓐氏。蓐收之後。元和姓纂十 通志氏族略 路史國名記二 辯證校勘紀下

裨氏。鄭有裨竈明天文。姓解二

裴氏。伯益之後。漢有敦煌太守裴遵。後漢書桓帝紀注

赫氏。赫胥氏之後。又有赫胥氏。元和姓纂十 路史前紀七

輒氏。衛出公輒之後。漢有輒終古。元和姓纂十 通志氏族略

銅鞮氏。晉銅鞮伯華之後。銅鞮、晉之別邑也。通志氏族略

齊氏。齊·魯·宋·衛四族。齊爲之長。三 姓解

厲氏。齊厲公之後。又春秋厲國。楚與國也。其後以國爲氏。漢有魏郡太守義陽侯厲温。元和姓纂八作勵氏 姓解三 通志氏族略

墨夷氏。宋大夫有墨夷須·墨夷臬。姓氏書辯證四十 通志氏族略

廣氏。廣成子之後。元和姓纂七 通志氏族略

摯氏。摯疇。古諸侯國。見毛詩。周有摯荒。或言帝學子摯之後。漢貨殖有茂陵摯綱。元和姓纂八 通志氏族略 路史國名記七云或即任姓之摯以國爲氏

播氏。播桃武。殷末賢人。元和姓纂九 通志氏族略 辯證校勘記中

暴氏。暴辛公。周諸侯也。秦有將軍暴鳶。漢有御史大夫暴勝之字公子。河東人。元和姓纂九 通志氏族略

稷氏。堯時棄爲后稷。子孫以官爲氏。漢有上律令稷嗣。十韻彙編二十四職唐韻 姓氏書辯證

稽氏。黃帝臣太山稽之後。稽黃。秦賢人也。元和姓纂三 通志氏族略

殺梁氏。穀梁赤。子夏弟子。魯人。陸氏釋文 趙氏損益表

箴氏。衛大夫箴莊子之後。廣韻二 十一侵

緜氏。孟子有緜駒。善歌。二 姓解

耦氏。宋卿華耦之後。漢有侍中耦嘉。元和姓纂七 廣韻四十五厚 通志氏族略

蔣氏。周公之胤也。廣韻三 十六養

頡氏。漢有右北平太守賤瓊。又有曲阜人賤虞。元和姓纂九 十韻彙編三十三線唐韻 廣韻三十三線 容齋隨筆五筆 辯證校勘記中

殘氏。頡衛。古之賢者。十韻彙編十六層唐韻 姓解一 廣韻十六層 姓氏書辯證三十七 通志氏族略



魯氏。凡氏於國。齊·魯·宋·衛是也。戰國有魯仲連·魯句踐。廣韻十二齊 急就篇補注二

麋氏。秦始皇將軍麋公之後。漢有麋宜·麋禮·麋祀。魯有麋歆。姓解三 姓氏書辯證十一

黎氏。九黎之後。尙書。西伯勘黎。亦見毛詩。元和姓纂三 通志氏族略

疆氏。晉有大夫疆劍。漢有疆華。漢陽太守疆釋之。通志氏族略 通鑑注漢紀三十六

橫氏。韓王子成號橫陽君。其後爲氏。姓解二 廣韻十二庚 通志氏族略

澹臺氏。澹臺滅明字子羽。武城人。漢有博士澹臺恭。通志氏族略

瞞氏。荆蠻之後。本姓蠻。其支裔隨音變改爲瞞。左傳。衛有司徒瞞成。廣韻二十六桓 路史後紀六 姓氏書辯證八

糗氏。漢有糗宗爲羸長。姓解二 廣韻四十四有 通志氏族略 辯證校勘記中

縣氏。縣成父·孔子門人。漢有甘陵相縣芝。元和姓纂五 通志氏族略

蕭氏。宋樂叔以討南宮萬立御說之功受封於蕭。列附庸之國。漢相國蕭何卽其後也。廣韻三蕭 急就篇補注一

衡氏。伊尹爲湯阿衡。子孫以官爲氏。見詩傳。一云魯公子衡之後。子孫以王父字爲氏。漢有衡咸爲講學祭酒。

又有衛尉卿衡方。漢書音義 廣韻十二庚引云阿衡伊尹之後又公衡 魯公子後乃氏焉 姓氏書辯證十六 通志氏族略

衡伯氏。伊尹之後。路史後 紀四

諫氏。周禮有司諫。子孫以官爲氏。漢有治書侍御史諫忠。十韻彙編三十諫唐韻 廣韻三十諫 姓氏書辯證三十二 通志氏族略

諸氏。漢有雒陽令諸於。廣韻九魚 容齋隨筆五筆

諸葛氏。葛嬰爲陳涉將軍。有功。非罪而誅。漢文追封其孫爲諸縣侯。因以爲氏。裴松之吳志諸葛瑾傳注 姓解一 通志氏族略 通鑑注漢紀二十

謀氏。周卿士祭公謀父之後。姓解一 廣韻十八尤 通志氏族略

謁氏。古有謁者。以官爲氏。後漢汝南太守謁瓊一名煥。又張湯小史謁居。姓解一煥作渙 廣韻十月 姓氏書辯證三十 七 通志氏族略 容齋隨筆五筆

賴氏。春秋時有賴國。其後以國爲氏。漢有交趾太守賴先。十韻彙編十四泰唐韻 姓解一 通志氏族畧 通鑑注漢紀五十八 廣韻十四泰

鄴氏。漢有梁令鄴風。十韻彙編三十三業唐韻 姓解一 廣韻三十三業 姓氏書辯證四十風作鳳

隨氏。隨侯之後。漢有隨何。隨蕃。又有隨昱。又晉士會受隨邑亦曰隨會。廣韻五支 急就篇補注一

頻氏。漢有酒泉太守頻暢。一云名陽。元和姓纂三 姓解一 廣韻十七眞 通志氏族略 容齋隨筆五筆

鴟夷氏。范蠡適齊爲鴟夷子皮。後人以爲氏。姓氏書辯證三 通志氏族畧 路史後紀十一注

龍丘氏。琴引有楚龍丘子。漢有龍丘萇隱居太末。志不降辱。元和姓纂一 通志氏族略

嬰氏。晉大夫季嬰之後。姓解三作齊大夫晏嬰之後 廣韻十四清 姓氏書辯證十六及通志氏族略作趙嬰齊

戲陽氏。衛有戲陽速。姓解二

濮陽氏。漢有長沙太守濮陽逸。姓解一

濯氏。古賢人濯輯之後。姓解一 廣韻四覺 姓氏書辯證三十六 通志氏族畧

獲氏。宋大夫猛獲之後。以王父字爲氏。元和姓纂十 通志氏族畧 辯證校勘記下

矯氏。晉大夫矯父之後也。漢有右將軍矯望。後漢書逸民 矯慎傳注

義氏。堯卿義仲之後。姓解二 廣韻五支

薄氏。衛賢人薄疑。漢高帝薄夫人生文帝。夫人弟昭封軹侯。官至車騎將軍。子戎奴嗣。元和姓纂十 通志氏族畧

薊氏。漢有薊子訓爲司空。辯證校勘記中

襄氏。楚大夫襄老之後。後漢書襄楷傳注

謝丘氏。周宣王支子食采謝丘。因氏焉。漢書古今人表。魯有謝丘章。元和姓纂九通志氏族畧

蹇氏。漢有蹇蘭爲交趾刺史。通志氏族畧

隱氏。漢有河間太守隱褒。姓解二

鞠氏。漢有尙書令平原鞠譚。或爲麴氏。晉之譌也。十韻彙編一屋唐韻廣韻一屋通志氏族畧

韓氏。韓之先出於唐叔虞。曲沃桓叔之子萬食邑於韓原。因以爲氏。左傳有晉大夫韓宣子。史有韓非·韓長孺。漢大將軍韓增爲麒麟閣功臣。韓信。韓王信。御史大夫韓安國。左馮翊韓延壽。姓解三

鮮于氏。武王封箕子於朝鮮。其支子仲食采於子。因以鮮于爲氏。漢有平原郡守鮮于褒。後漢書第五倫傳注

儲氏。齊大夫儲子之後。王莽時有儲夏。後漢書鮑永傳注

戴氏。凡氏於諡。戴·武·宣·穆是也。漢有戴德·戴聖·戴長樂。廣韻十九代路史前紀六急就篇補注一

瞿氏。漢有漢南太守瞿茂。姓解三

職氏。周禮有職方氏。其後因官爲氏。漢有山陽令職洪。姓解二廣韻二十四職容齋隨筆五筆

闕氏。闕黨童子之後。漢書藝文志縱橫家有闕子。著書一篇。又古闕者以官爲氏。漢荊州刺史闕栩。後漢書獻帝紀注姓氏

書辯證三十七通志氏族畧通鑑注漢紀五十二

鞞氏。晉銅鞮伯華之後氏焉。元和姓纂三通志氏族畧

顓孫氏。陳公子顓孫仕魯。因氏焉。其孫顓孫師字子張。為孔子弟子。生申祥。取子游之女。姓氏書辯證九

鼂氏。衛大夫史鼂之後。漢有御史大夫鼂錯。廣韻四宵 通鑑注漢紀七

廬氏。古廬子國。後有廬氏。路史國名記六

曠氏。師曠之後。姓氏書辯證三十三 通志氏族畧

櫟陽氏。後景丹封櫟陽侯。丹曾孫汾避亂隴西。因封為氏。通志氏族畧

疇氏。摯疇。古之諸侯。有摯氏。疇氏。元和姓纂五

關氏。關令尹喜之後。一云夏大夫關龍逢之後。漢有長水校尉關陽。元和姓纂四 姓氏書辯證八 通志氏族畧 通鑑注漢紀二十八

離氏。古有離婁。漢有中庶子離常。姓氏書辯證三 通志氏族略

鰕氏。漢有人姓鰕名生。二 姓解

麴氏。漢有麴衍。二 姓解

犍氏。晉大夫卻犍之後。廣韻十 八尤

獻氏。秦大夫獻則。晉獻公之後。戰國有獻淵。元和姓纂九 通志氏族略 廣韻二十五願 辯證校勘記中

竇氏。夏后相遭有窮氏之難。其妃方娠。逃出自竇。而生少康。其後氏焉。十韻彙編五十候唐韻 姓解一 廣韻五十候 通鑑注漢紀五

竇公氏。魏文侯時。樂人竇公獻古文樂書一篇。姓解一 姓氏書辯證二十四

臞氏。魯大夫臞夏。三 姓解

露氏。漢有上黨都尉露平。十韻彙編十一暮唐韻 廣韻十一暮 通志氏族略

騫氏。仲尼弟子閔子騫之後。廣韻二仙 通志氏族略 急就篇補注

騶氏。越王句踐之後。二 姓解

鵝冠氏。楚賢人以鵝爲冠。因氏焉。鵝冠子著書。元和姓纂十 通志氏族略

灌氏。斟灌氏。夏諸侯也。子孫以國爲氏。漢丞相穎陰侯灌嬰。元和姓纂九 通鑑注 漢 紀一 辯證校勘記中

續氏。漢有續相如。二 姓解

纍氏。嫪祖之後或爲纍氏。左傳。晉七輿大夫纍虎。姓氏書辯證三 通志氏族略

鐸氏。漢有廷尉鐸政。元和姓纂十 通志氏族略

顧氏。漢有上黨都尉顧平。元和姓 纂八

饒氏。漢有饒斌爲漁陽太守。廣韻 四宵

懿氏。齊懿公之後。通志氏 族略

穰氏。田穰苴。諸田之族。穰。所食之邑也。因以爲氏。通志氏 族略

鑄氏。鑄國。堯後。左傳。臧宣叔娶於鑄氏。元和姓纂八 通志氏族略 辯證校勘記中

變氏。遼東人姓也。三 姓解

顯氏。顯甫爲周卿。見詩韓奕。廣韻二 十七銑

靈氏。齊靈公之後。或云宋公子靈圍龜之後。晉有餓者靈輒。左傳有越大夫靈姑洗。漢功臣表有陽羨侯靈常。

姓解一 廣韻十五青



京圖影附圖書

Centre franco-chinois d'études sinologiques

LE  
FONG SOU T'ONG YI

avec un appendice  
contenant les fragments du texte perdu  
cités en d'autres ouvrages

上海图书馆藏书



A541 212 0004 9454B

PÉKIN NOVEMBRE 1943.

上海圖書館

編輯兼發行

中法漢學研究所  
北京東皇城根四二號

代售處

法文圖書館  
北京北京飯店內

來薰閣書店  
北京琉璃廠一八〇號  
上海廣西路二八一號

定價

每部二冊合售貳拾圓

FRENCH BOOK STORE  
Grand Hôtel de Pékin, Pékin

AGENTS  
DE VENIE

LIBRAIRIE LAI HSIUN KO  
180 Lieou-li Tch'ang, Pékin  
281 Kuangsi Road, Changhai

PRIX

2 TOMES, 20 DOLLARS

ÉDITÉ PAR LE CENTRE FRANCO-CHINOIS D'ÉTUDES  
SINOLOGIQUES

42 Tong Houang Tch'eng Ken, Pékin



Centre franco-chinois d'études sinologiques

LE

FONG SOU T'ONG YI

AVEC UN APPENDICE

CONTENANT LES FRAGMENTS DU TEXTE PERDU

CITÉS EN D'AUTRES OUVRAGES

PEKIN NOVEMBRE 1943